

思州府志

地 360-181
132
:1-4

丑
4073



思州府志序

蔣君樹存以才薦纂書
武英殿出知餘慶縣縣無
志君窮搜博考創為一
書復奉檄護理思州府

思州府志

張序

事按前知府平湖陸君
志藁載徵舊文詢遺老
臚為八卷彬彬足觀矣
皇朝文教誕敷開館修志各
省府州縣多有紀載貴



州僻處南服戶雜民苗
田少百貨不至官茲土
者俸入不足供皇皇終
日其地罕好事學古之
材即有之亦莫與游文

學之不講志之不修大
受奉

命司學於茲俯仰山川今昔
觀風考俗欲采而証之
奚所從焉思州介在黔

楚自明初廢宣慰司設
府城郭學校官廨人物
粲然具在

聖天子戡亂撫遠蠲租設科
此州密邇辰沅漸德尤

思州府志

張序

三

親倘紀載不脩史無所
稽太守不稱職君實滋
懼夫居官者百事紛其
心無暇力為此其人可
知也為此事而素非汲

汲古文未嘗折節交賢
士案無書座無朋友見
聞之陋其事不克成也
蔣君所至以志為任蒞
思不及半年而起例別

思州府志

張序

四


類仍舊增新美哉煥乎
改蠻州之耳目昭

聖代之文章金馬之英出而
司牧與俗吏迥殊大受
得藉此徵訪圖書上獻

冊府使命不辱君亦與
有力哉弁其書胡不喜
也康熙六十一年歲在
壬寅秋九日
賜同進士出身

敕授文林郎翰林院檢討加
一級

欽命提督貴州學政嘉定張
大受書於鎮遠使院



思州府志序

嘗攷黔志大事紀鎮石銅黎
思南之疆域其先俱隸思州
思州幅員遼濶幾有下游之
過半厥後分析郡縣僅存四

陳序

思州府志

六

司所謂其細已甚民不堪命
者也以故史乘不備紀載缺
如朴僿相仍由來舊矣雖然
邶鄘亦登國風曹滕莒薛春
秋亦列盟會可以小而鄙棄

之乎前刺史陸公孝山曾有

思陽郡志

網羅抉剔頗

費匠心無何以疾告休去未
竣厥事越三十餘年元來守
是邦與績陸公未竟之志而

思州府志

陳序

七

百憂填胸欲舉輒輟壬寅夏
予奉

召入都長洲

蘇齋蔣君

署

理思篆慨然於思郡之未
志也奮筆創為之摺據博

毋漏毋濫兩越月而綱目畢
舉夫以予之荏苒七年有志
焉而未逮者 蘇齋下車甫
兩月而經營慘淡儼成一郡
之全書人之度量相越豈不

思州府志

陳序

遠哉 蘇齋蚤歲即簪筆

彤庭方輿一統之志俱預校定
茲出為外吏而以其緒餘為
郡志為小 郡志譬諸
宋人有 之藥者大

之可以封小之亦足以資洪
澣統隨所用而皆然也

康熙壬寅秋八月

賜進士出身

勅授中憲大夫知貴州思州府事

陳序

調補銅仁府知府姚江陳元
拜撰



思州府志序

吏於黔而思著述迂矣署篆
而思創從前未有之書不更
迂且愚耶雖然身為儒吏而
當邊徼蕩平日久深也又荷

承

天寵授簡纂修趨走

殿廷數年出宰餘慶亦既創修邑
志今奉檄護理思郡而可使
掌故無聞輜軒弗採乎且思

州之名最古宋元以前俱隸
楚南明永樂改宣慰司為府
其路咽喉於滇黔其界交錯
於銅黎鎮石轄無州縣僅置
四司地雖叢爾然考之城郭

思州府志

序

十一

賦役學校兵防盛衰興革紛
更靡定前府澣山陳公有志
搜輯值調守銅仁以陸公孝
山志稿授余商訂予讀竟而
喜喜其志之有權輿而轉惜

義例之稍紊網羅之未盡也
爰於案牘之暇每至焚膏繼
晷冥搜博覽又證之父老見
聞不三月而缺者補訛者正
條分縷晰三益其二設有采

蠻風而入貢者可以上考政
治之得失下徼民苗之好惡
不必諮諏瞭若指掌庶幾夙
興夜寐不負上官任使之
盛心更可藉以仰答

聖天子誕敷文教之治焉或有譏
我以代庖之人而為越俎之
事此事可已而不已費可省
而不省其為迂愚也固矣
康熙六十一年壬寅秋九月

思州府志

序

十三

武英殿纂修

特授文林郎知餘慶縣事護理思
州府篆蔣深書于郡署之優

則軒



思州府志序

夫志猶史也惟能具良史才出其
餘以為郡邑志即為良志矣 蘇
齋先生以宿學茂才於康熙甲申
歲被薦稱

旨懷鉛握槧待詔十年而出宰黔之
餘慶不二載政肅民和龍門劉大

思州府志

黃序

十四

中丞即登之上考列之薦剡簿書
之暇因出良定才纂修邑乘其時
護撫白公觀察王公叅議汪公見
而稱嘆咸製序弁首思州郡伯澣
山亦適晤先生於會城適館談心
因握手而謂先生曰思州開闢最
先而郡志闕如前守陸公孝山雖

曾著思賜志畧而其意議在改府
為州且恐蒐羅之不博故不名曰
思州府而曰思賜不直各曰志而
曰志畧安得如君大手筆共訂校
讎以補陸公所未逮乎先生謙讓
而未應也未幾兩次軍需供億征
調不遑從事邇者澣山先生調任

銅仁 上官簡賢署理郡事適

蘇齋先生奉檄而至至而清靜寧
謐行所無事因憶澣山先生夙約
不敢忘也取陸志為權輿條分縷
晰較若列眉更於學校兵防人才
節孝諸大事尤究心焉故備稽典
秩以待修舉博考關隘以重禦防

見人才之奮起舉念而切緇衣之
好嘆節孝之顯著載筆而興華袞
之褒至於藝文一志不特前賢之
尺璧備陳即時輩之寸長必錄較
陸志更為精核詳慎矣於是空谷
發天籟之聲漆室覩容光之照山
郡之烟瘴盡掃參井之寒芒不又

中天色正耶計揮毫之始迄排卷
之成僅閱三月雖仙才風發易若
弄丸孰如先生以良史之才體國
之忠成人之美精神貫注固不待
曠日持久而後成也穀半段寒穰
樓遲七載未及旦暮歸里門而幸
躬逢先生良志之成大有造於思

郡也敢搦管而述所見聞以誌不
朽

康熙壬寅八月思州府學教授黃
嘉穀拜手撰

思州府志

黃序

十七

思州府志序

自兩漢有地理志郡國志後世郡邑之志因之而作國史採之為寰宇記九域志等書蓋郡縣之志所繫重矣今署郡伯蘇齋先生大雅宏達久已珥筆承明金馬著作之庭纂修方輿諸書迨奉

天子命出宰黔之餘慶不兩年政通民蘇日以休暇爰有縣志之裒其書已與青螺山薑兩先生黔記黔書並重荒裔矣邇者我思州郡伯澣山先生調任銅江上官推公才守檄護郡篆公甫至即慨然於郡志之未有成書也輒奮筆為之予

惟思州為禹貢荆梁之界春秋時
莊躋畧定已隸楚之西境秦漢三
國或為黔陽或為丹陽至思州之
名見於唐宋至元且千餘年即郡
治之建自明永樂迄今亦歷三百
餘年而郡志缺如是使版輿內地
等於玉斧所截之外也良足憾已

先是當湖陸公孝山守郡時有思
賜志畧之纂書未竟引疾以去逮
澣山先生屢謀纂輯而亦未果庸
詎知夫山川面目發皇有時人物
文章彪炳有日以前此之荒陋千
百年有目從未覩者乃今於先生
來而一旦創見之以前賢之荏苒

數年有志尚未逮者乃今先生以
代庖之暫不三月而驟成之雖古
所稱良史木其何以加之哉然志
爲思郡而作而余平清兩衛以學
歷係黔屬亦得附載其中言必傳
信事皆徵實吾知今日所成爲郡
志而他時上於輜軒採之國史其

思州府志

田序

二十

爲思郡三學之幸豈淺鮮哉予辱
先生芻蕘之詢得預校讐爰僭言
書其簡端聊以慶後生未學之遭
云

康熙六十一年八月中秋後一日
平江治下後學田榕拜手謹撰



思州府志

凡例

一思州府舊志畧一冊康熙二十三年知府陸世楷孝山公纂輯未梓考其志叙云前明崔公彥俊蔡公懋昭俱有紀載散軼無存况今又幾四十年文獻無徵無足異者壬寅歲夏深奉上憲檄護郡篆因不辭固陋將深數年在黔網羅舊聞更博詢遺老考定纂入較陸志已增十之六七庶免掛漏而陸公創始之功不可泯也

思州府志

凡例

一

一思當黔頭楚尾為滇黔門戶區域雖小固一要地也星野沿華形勢山川關梁陸志載之審矣至風俗有漢苗之不同古蹟有增廢之不一博詢得實以補未脩

一服官茲土其姓名籍貫以及視事之年月陸志起自永樂至崇禎悉未詳載仍舊通志也深所增本朝仕宦考索頗詳間有闕疑無從質詢至設武備以保障置土司以佐理而又隸三學以振興文教一時棠陰口碑即可千秋俎豆故通

判推官吏目雖裁必書而仍以名宦冠其首亦欲樹芳聲而勸後也

一城池甫建學校是亟秩祀之位以及祭器樂器歌章例應備載而陸志畧之豈遐荒學校可不講明而詳習歟深詳搜故實以存制度庶後之君子有志修明亦可取為則做焉

一戶丁以編審為定田賦以見年奏銷為準前明賦役繁重附載於前俾知昔多今寡以見

本朝寬征至意而物產備列市場添設遊斯土者見

思州府志

凡例

二

其民豐物阜當不復生鄙彘之心矣

一科目之興隸斯郡者固不可復移惟平清兩學隸楚隸黔紛更不一苟不晰載去留年月不足考信而垂後今既詳載於學校復分注千里選聲然醒目矣

一人物首列鄉賢重名義勵人才也孝節之行凡府治所屬不論士民例得類書蓋郡志以郡為主詳之不得不詳若平清兩衛則地隸於楚學歸於思必其人其女之夫出於學校者方為採

入其有節行已為楚中上官題達者不敢濫收
蓋地非黔屬畧之不得不畧也

一事變一紀原於志體未合但郭中丞作黔紀另
列大事記一冊陸既做而行之何以自唐宋元
以來諸事竟不一載乎今考通志以補於前復
採故老傳聞以增於後總不敢滋臆而失實

一藝文大者關乎一郡之典章興革其次或以紀
事或以傳人又其次而流連山川風土咏物懷
人情有萬端體不一致陸志未遑博採多附已

思州府志

凡例

作深於古今載籍有關黔事者日夕究心如江
南歸震川有光朱竹垞曩尊汪鈍翁琬尤悔菴
侗許竹隱虬以及平溪鄭天虞逢元許直菴之
獬諸先生之作皆廣為搜取列入志中若古之
人先獲我心早已為思志而作可見文章會合
亦有氣運但無關於思郡者終不敢濫人也

一八志綱目之名半從陸志獨名宦一志實與本
地人材有別陸志附之人物今改釐職官從其
類也兵防昔無今設控制一方儼同重鎮陸志

編入賦役亦失義例今更改歸建設庶免舛錯
又陸志畧未經載入郡圖通志中所繪郡署位
列南向今查坐西朝東并改正焉

一鳩工昉於九月成於十一月書分八卷二百九
十餘篇先是工資無措蒙 督學院張首為倡
捐前府陳樂捐十分之二遊府薛及屬弁李劉
俱忻然助捐紙費其有始雖願捐而復中止者
不必相強深仍勉力刻竣其板藏諸府庫局以
木櫥後之覽此志者知成功之不易去

凡例

康熙六十一年壬寅冬月長洲蔣深并識

思陽志畧舊序

陸世楷

郡邑之有志猶列國之有史也列國之史兼載諸國之事故春秋二百四十二年之間會盟征伐冊不勝書若郡邑之志例不旁及則所載之事固無幾矣此詳畧之所由分也然自數千百年以來一郡之事亦或可埒於史而思州於明初置郡迄今歷三百餘年事之可載者更無幾矣此他郡之志難於畧而思州之志難於詳又時與地使然也夫詳與畧亦各成其志耳雖然史非一人所能作也

思州府志

舊序

五

必合諸家之史而後成其全史志亦非一時所能修也必集累編之志而後成其新志若遠無可稽近無所據面徒謬引傳聞妄憑臆見雖附會成書烏足信後人乎所以文獻無徵則不言夏殷之禮諸侯去籍亦不能詳爵祿之班耳歲甲子

天子留意方輿命省郡各繪圖以進且悉其境內之名山大川焉余因搜訪舊志將取而續之奈喪亂之後故家遺俗典籍蕩然求明初崔公彥俊所進志畧及萬曆年間蔡公懋昭所葺新舊合志已湫

不可得即近歲陳公龍巖所草志稿僅存紀載建置輿圖三卷又詳其所畧而畧其所詳未可據以成編丙寅秋奉太中丞慕公復有修志之檄幸明經鄒子繼聖於省覓寄通志全部乃仍其編次稍為增益遂成志畧八冊庶一郡之事有所考証不致疑信相參焉耳或謂省志宜畧而郡志宜詳今因省志以成郡志毋乃太畧夫求其詳而不得若以為畧而併置之則終無志矣姑存是編以俟異日有潤澤之君子而加詳焉余其敢居草創之功

思州府志

舊序

六

也哉

思州府志

序文

凡例

郡圖

卷之一

區域志

星野

沿革

分界

形勢

山川

關梁

風俗

古蹟

卷之二

職官志

名宦

文秩

武統

土司

思州府志

目次

七

卷之三

建設志

城池

學校

公署

坊表

祠祀

兵防

驛舖

丘墓

亭館

寺觀

義學

射圃

卷之四

賦役志

里甲

戶丁

田糧

支給

積貯

租賦

市場

物產

卷之五

選舉志

進士

舉人

貢生

監生

卷之六

人物志

鄉賢

孝義

隱逸

列女

仙釋

卷之七

事變志

思州府志

目次

八

事紀

災祥

卷之八
上
下

藝文志

諭告

疏

狀

序

記

議

考

墓誌

傳

文

示

賦

詩

啟

書


圖說

先王體國經野必詳於幅員廣隘雖土田不無相錯而四封之境固莫得而紊矣思州自明永樂分壤設郡疆圉甚隘而東西南北隅向亦不可不指掌瞭然因綴繪事內而四司轄屬外而黔楚郡衛分界以及山川關隘漢苗所在歷歷可數庶仰遵聖朝輿圖所載固不遺於彈丸也作圖說

思州府志

圖說

九



思州府志

圖

十

浪清至南西

界三十里


思州府志

東南至平清二

衛界二十里

里十二百一

屬屬
臺坡鎮遠



里十四衛

思州府志卷之一

護理思州府事餘慶縣知縣長洲蔣深纂輯

區域志

星野

沿革

分界

形勢

山川

關梁

風俗

古蹟

蔣深論曰思州之名最古而隸屬或楚或黔自有明開建始專隸於貴州孤城保障一遷平溪再遷都坪而定其山錯處於八蠻水遙控於五溪論其形勢城周一里僅等州縣之小者蓋古人設郡之名因滇黔咽喉欲資彈壓耳若夫星野山川關梁古蹟陸志具載無事複陳至於習俗之頑梗而返馴良固陋而知禮樂是在良二千石之道齊焉爰作區域志

星野

思州翼軫之餘

謝東山志

思州柳星之餘

沈思克通志

按一統志思州不載

分野而銅仁則以為柳星黎平則以為翼軫之餘思州在二府南北之中今一云翼軫一云柳星未知孰是荒裔之區疆域伊迤尚難辨析乃欲遠稽天道乎

陸志畧

思州府志

區域

星野

一

卷一

沿革

唐虞荆梁

春秋楚

秦黔中郡

漢武陵郡酉陽縣

三國吳分隸黔陽縣地

隋清江郡

唐寧彞郡丹川縣丹陽縣

宋思州安彞縣

思州府志 區域 沿革

二

卷一

元思州宣撫司

明思州府

國朝仍明制

禹貢荆梁二州之裔春秋屬楚秦屬黔中郡漢屬武陵郡酉陽縣三國吳分置黔陽縣地隸焉隋為清江郡唐為思州寧彞郡丹川丹陽二縣地宋為思州安彞縣地元世祖至元十二年思州田氏降置沿江安撫司隸思州軍民宣撫司尋自龍泉坪徙宣撫司治於清江為思州改稱故思州為思南

地隸湖廣行省吳元年田氏歸附明洪武五年分
置思州思南二宣慰司隸湖廣布政司永樂十一
年宣慰司田琛與思南宣慰司田宗鼎有隙弄兵
坐廢遂改思州宣慰司為思州府隸貴州布政司
國朝因之領長官司四曰都坪峩異溪曰黃道溪曰
都素曰施溪編戶七里通志按辰州府西有西
陽故城而蜀之酉陽宣撫司今與銅仁接界在
唐亦曰思州則知酉陽縣境甚廣而今之思州
非昔之思州矣大約宋元以前或合於銅仁或

思州府志

區域

沿革

三

卷一

合於思南而置郡分治則昉自明初也陸志畧

都坪峩異溪蠻苗長官司 附郭元為臺蓬若洞注

溪等處蠻彝長官司隸思州宣撫司明洪武六年
改置都坪司於都坪寨二十五年省入黃道溪司
永樂十一年復置本司於灑溪屬府

黃道溪蠻苗長官司 府東北一百五十里唐為丹

陽縣宋因之元為黃道溪野鷄坪等處軍民長官
司隸思州宣撫司明洪武五年改置本司於茅坡
寨三十五年以務程龍鰲平岳都坪四長官司省

入遷於武陵坪永樂十一年屬府

都素蛮苗長官司 府西北九十里係宣慰司地方
永樂十一年奏設本司於馬口司寨屬府

施溪長官司 府東北二百二十里唐為丹川縣宋
因之元置施溪漾頭長官司隸都雲定雲宣撫司
明洪武元年改置本司於丹坪寨隸湖廣沅州衛
六年調屬思州宣慰司永樂十一年屬府

思州歷代之建置制至不一矣而終不易於置郡
者何也地屬黔頭楚尾固滇黔之咽喉也粵稽漢

思州府志

區域

沿革

四

卷一

合思南為武陵均屬古黔中地當時幅幘猶廣也
郡治襟江逼處於邛水九股黑苗銅仁紅苗間隋
曰清江唐曰寧彞元曰沿江總因乎江與彞也思
賜之名不知昉自何代大都向東面賜而唐一名
思州故兼而錫以嘉名賜乃君象其義特為近古
相沿至前明洪武年設置宣慰司分思州思南而
二之永樂改宣慰為府亦沿而分其地蓋自此思
州之幅幘隘矣改縣則彈壓不靈改宣慰則弄兵
可虞而改府歲入無幾不足以供官役祿精故不

置州縣而置四土司蓋有以夫

陳龍巖論

分界

東西廣二百四十五里

西北袤二百六十里

東至湖廣沅州界九十里

西至鎮遠府界一百里

南至黎平府界三百里

北至銅仁府界一百二十里

西南至省城五百一十里

思州府志

區域

分界

五

卷一

東北至

京師七千三百八十里

通志

按思州四境東盡於

沅州之白巖計一百六十里西盡於鎮遠衛之

龍洞口計一百里南盡於黎平之小湍山計一

百一十里北盡於銅仁之倒馬坎計一百三十

里而東北抵麻陽之牛牯坪計二百三十里東

南抵天往之江口計一百四十里皆就各土司

之村寨孤懸於境外者而極其所至耳若以府

治四封辨方正位則東二十里瓮羊鋪即平溪

衛界矣西十五里木林鋪即清浪衛界矣南三十里龍塘洞即沅州界矣北四十里雲盤即鎮遠衛界矣實計東西廣三十餘里南北袤七十餘里已耳此外黔楚二省府衛軍民村寨參錯其間若斷若續難以畫疆而理也至如都坪司所屬後山四洞則越平溪清浪二衛而界於沅州邛水之間大度壩則又越石阡思南而界於龍泉湄潭之間矣蓋黔中舊皆苗寨土司隨在割據不經前王建設誰與辨疆域哉

陸志畧

思州府志

區域

分界

六

卷一

都坪峩異溪司

東抵平溪衛及本府黃道司界西

抵清浪鎮遠二衛界南抵沅州界北抵偏橋及本府都素司界後山四洞東北二面抵沅州天柱界西南二面抵邛水瀘洞界大度壩東北抵石阡界西南抵湄潭界

黃道溪司

東南二面抵沅州及平溪衛界西抵平

溪衛及本府都坪司界北抵銅仁府及本府施溪司界

都素司

東北二面俱抵清浪衛界西抵偏橋衛界

南抵鎮遠衛及本府都坪司界

施溪司 東抵湖廣麻陽縣界西抵銅仁府界南抵

沅州及本府黃道溪司界北抵湖廣五寨司界

孟夫子云域民不以封疆之界蓋為帝王家天下

言之也若分符剖竹郡治攸寄苟非界址暨訖扼

塞要害繡錯牙制村落寨堡一一洞如觀火烏能

禦暴詰奸又安民苗哉今查一郡區域東西朔南

將及五百餘里非四塞之國也彈丸黑子不過古

子男附庸耳而沅黎銅鎮黔楚之府州縣衛無不

思州府志

區域

形勢

七

卷一

撓接交聯夫以地險之若此參錯之若彼民彞雜處山箐密蒙使界址不嚴則隣封之四境或有潛匿逋逃嘯聚盜弄勢必波累吾封之四境故奠輿圖必嚴四至欲嚴四至必嚴四至中參錯之四至斯可有備無患矣

陳龍巖輿圖叙

形勢

重山環抱兩溪交繁東連沅靖西抵涪渝

通志陸志畧云西抵

涪渝似兼城郭再闢保障足恃

巡按毛在記

溪洞險阻西

南雄鎮

陸應賜廣輿記

山川

盤山 府西自偏橋鎮遠而來者百餘里結為府治後山 府治後舊名松園壘山頂建踞勝臺

平塹山 府東下為平塹村

獨哨山 一名都哨府東北

峩山 府南群峰聯綿上下十里

飛山 府南以飛山神祠得名祠在城北香爐忽飛至此山遂移建焉

點燈山 府南昔傳夜有神燈

思州府志 區域

山川

八

卷一

巴引屏山 府西十五里為鎮遠衛界

龍塘山 府南三十里產鐵

聖德山 府南九十里地名岑壩土人祈禱於上

望城山 府北晴久出雲即雨諺云望城帶帽

銅鼓山 府北十里頂有潭旁有手抓崖

冲文山 府北十里

岑鞏山 府西二十里左沙立演武塲昔為田宣慰

牧馬處

中賽山 府西二十里

掛印山 一名觀佑山府西三十里

上下佳溪 府西三十里山木有禁

鬼總山 一名鬼穩山府西九十里為偏鎮二衛界

舊通黃心平等苗道

天應山 府西一百里昔人禱雨於此呼雷輒應故

名思州之江發源於此上有金頂庵

白岩洞 府東十里洞有神乃蛇也祈禱頗應

十萬壘 府西五里田宣慰屯兵處地出草寇今右

嶺脈已斷

思州府志

區域

山川

九

卷一

打寶坡 府南十里有石兩分中有圓孔相傳昔人

得寶而去

荆竹坡 府南十五里皆產荆竹

老鷹崖 府西五十里舊有苗路

山羊殿山 府東南八十里地名上新溪土官周瑛

廟祀其上

灑溪 源出天應自佳溪繞城東南合架溪出兩河

口入灑溪

架溪 府南源出鎮遠衛土軍坡至府城東南合灑

溪

異溪 府東北由牙溪南西至天堂合灑溪

注溪 府西三十里故宣慰田氏子孫世居於此又

名住溪

鐵山溪 府東

芷草塘 府北

星石潭 府東七里產石間有金星者堅潤可琢為

硯

紙槽溪 府北十里

思州府志

區域 山川

十

卷一

凹溪 府西北十里東岸有油魚洞西岸有銅魚洞

轉水 府西四十里

鬼樓溪 府西九十里水自洞出日消長者三 按

黔中舊稱鬼方故地以名鬼者多通志作瑰樓諱

之也 陸志畧

龍塘 府南八十里地名平磨以上俱在都坪司境

內

鰲山 府東八十里上有古寺人跡罕到下為龍鰲

里

觀音山 府一百里孤岸卓立望之儼然

旗頭山 府東一百一十里上有井泉古柏舊哨勒

禦苗天險四字

楊柳山 府東一百三十里

黃崖冲山 府東一百四十里有臺可據險避苗

墓麻洞 府東北八十里險可避苗

泉洞 土名黑洞府北五十里上有飛瀑下有澄潭

明叅政蔡潮鐫雲門二字於石上潰兵之亂府中紳士多避居焉

思州府志 區域 山川

十一 卷一

九曲坡 一名清溪坡府東一百四十里山勢曲折有九

棖木坡 府東一百六十里黃道司溪分界處

金銀洞 府東南三十里昔有神於此能以金銀假人

黃道溪 源出都末司平牙寨至戶溪江口合平溪

大江

田塏崖 府東八十里

白巖溪 府東北一百一十里銅仁府分界處

水尾 在龍鰲里春夏之間望其發水以滋灌溉已
上俱在黃道司境內

紅崖山 府北形高色赤舊為苗隘

獅子口山 府北平牙寨洞苗出沒之處

天平園山 府西北土人避兵於此

千功坪山 府北三十里昔征苗於此得首級千顆

故名

金豹山 府北九十里山多大木

喬山 府西九十里接都坪鬼總山昔通苗路

思州府志

區域

山川

十二

卷一

羊浦坡 府北三十里都坪都素分界處

馬口溪 源出天應由經司前流下都坪境內

冷水溪 府西水極清冽

海龍溪 府北六十里地近牛角黃柏水銀三山昔

紅苗嘯聚於此明知府胡榘合思南石銅三府兵

殲之村民建祠其地以上俱在都素司境內

玉屏山

漾頭山 俱在府東北二百三十里施溪司前後之

山也

蠟傍山 府東北

六龍山 府東北三百里界連銅仁洞苗出沒之所

水龍坑山 府東北二百五十里地名坡西昔產殊

砂今廢

獨崖逕 名坑頭坡

施溪 源出銅萬山司流至漾頭司合銅仁大江

銅羅潭 近司前里許相傳有物穴此數十年一見

已上俱施溪司境內

八景

思州府志 區域 山川

十三

卷一

龍寺曉鐘 東門外迴龍寺

碧潭晚渡 灑溪渡口

一山擁翠 後山踞勝臺

二水拖藍 灑架二溪南北交流

白鶴鳴皋 文廟古柏上有鶴巢

元官倚壁 後觀祀真武神

武場畫角 岑鞏山下左沙營演武場

文石涵星 星石潭 按思州在萬山之中憑高俯

視蟻垤紛然按其泉石之奇巖洞之勝可以供

娛覽費搜尋者渺不可得好遊之輩未嘗過而問焉茲所志諸山川亦徒有其名耳必一一稽之恐所見不逮所聞也陸志畧

關梁

都哨關 府東門外一名苞桑哨

盤山關 府北盤山上明萬曆十年知府蔡懋昭置

世亂久廢近蜀僧明教募建三閣於上

清平關 府南

灑溪渡 府東門外

思州府志 區域 關梁

十四

卷一

天堂渡 府東十里

磨寨渡 府北五里

雲盤渡 府北五十里

羊坪渡 府南二十里

平溪渡 府東四十里衛城東北隅與沅州沙灣對

岸係思州舊府地故設此渡

田塍巖渡 府東八十里

爛縵河渡 府北九十里

竹溪河渡 府北都素司

迎恩橋 府大南門外半圯未修

雲封橋 府南三里

平壩橋 府東五里

木林橋 府南十五里

通濟橋 府東五里

大石橋 府東一百里地名田壩坪明總兵石邦憲

建

小石橋 去大石橋五里

轉水橋 府北五十里舊名虹霓圯於水里民張應

思州府志 區域 閩梁 風俗 十五

卷一

元等募修易名惠濟

風俗

民性剛悍祭鬼弭災一統志彘風丕變絃誦洋溢按察使盧

秩俗近醇龐人知畏法無大奸頑士類彬彬有文埒

於內地巡按毛按思地貧瘠吉凶諸禮大概儉樸

從事惟初喪在殯徹夜歌呼弔者必醉飽而去

此苗俗之難變者耳陸志畧

都坪屬後山洞苗男人畧與漢人相似女人多穿青

衣花裙婚嫁不憑媒妁姑家之女必字舅氏之男名

曰酬婚不論男女長幼近奉示華苗俗漸易

古蹟

廢都素府 即今都素司

廢丹川縣 在施溪司

廢丹陽縣 在黃道溪司

廢臺蓬若洞任溪等處蠻彝軍民長官司 在都坪

峩異司南

廢野鷄坪等處蠻彝軍民長官司 在黃道溪司西

平溪衛城西有野鷄河即其地也 陸志畧

思州府志 區域 古蹟

十六

卷一

廢平溪等處蠻彝軍民長官司 即今平溪衛

硃砂坑 在施溪司今廢

黃土關 在府南 按關名載廣輿記今無攷通志

關梁亦未載入當列之古蹟以俟諮訪 陸志畧

余嘗考職方所載黔中牂柯與西蜀之捷為百

粵之交趾其去京師道里遠近相等而思州舊

隸武陵郡壤接辰沅則自新息南征武鄉深入

久宜附荆楚之版圖列西南之郡縣矣乃由秦

漢以至唐宋歷千五百餘年迄於元季田氏猶

得據而有之何哉此非有崇山巨川可以阻險
而守也亦非有甲兵之強積貯之富可以雄視
一方也蓋其土地瘠薄人民恫愚良以得夫無
所損益故度外置之耶而明初遂列以為郡置
守城

本朝亦沿而弗改然而地不加廣民不加衆則思
州一郡等之附庸乃欲悉索敝賦以從諸郡之
後不重困乎

陸志畧

設流以馭土設土以理苗凡以固邊徼於苞桑

思州府志

區域

古蹟

七

卷一

法莫善焉考之思制知府統理其郡四土司分
治其疆民苗雜處密箐崇山其所以語姦禁暴
寧人息事之法所當兢兢而弗替者慎母曰承
平可恃而滋以玩愒為也蔣深識

思州府志卷之二

護理思州府事餘慶縣知縣長洲蔣深纂輯

職官志

名官 文職 武統 士司

蔣深論曰郡籍官而理官籍志而傳蓋官司之建置因乎地亦因乎時因乎時故或裁或設之不同因乎地或置流置士之各異思郡自開設以來地方之寧蠢民俗之生耗咸繫乎斯紀其名所以責其實也爰作職官志

名官

思州府志

職官

名官

卷二

唐

南承嗣

范陽人齊雲子也為務州別駕賜緋魚袋服忠思孝去替負荷後為清江郡太守多善政時巡夜郎

詳柯思惠最博

明

崔彥俊

新建人永樂壬辰進士知府事時方草創

八年纂修府志

檀

凱

永樂間為別駕洪熙元年秩當滿郡民詣闕請留宣宗聞而嘆曰貴州至京師甚遠民跋涉艱難求其復任必枉治有道命吏部遣選任予正五品俸以優之按宣宗當作仁宗否則當作宣德元年

唐賢 蘭溪人舉人永樂間司
李持身整潔刑政修明
賀讓 衡山人舉人宣統初以瀘州守遷思州府
揆取有功民苗安堵政歸惟市瀝青數

王常 馬湖人成化進士以地官郎出知府
事公平勤敏修舉廢墜重建城垣

張介 內江人進士成化間知府事老成諳
練修治郡事親為講授士習一新

李概 丰城人舉人正德初太守行政
惟務綏懷特有枯播復榮之異

高節 上元人進士知府事勞來安輯以
經術訓士征苗寇有功擢叅政

彭倫 永定人成化中以叅將鎮守
清浪折衝禦侮厥功最懋

張柱 涪州人進士正德間以地官郎出守性剛
直禁止淫巫作興士類重建學校士民咸

思州府志 職官 名宦

二

卷二

德之

毛希源 太倉人官生嘉靖間知府事力行化導禁
暴止邪民大輯睦歲餘以疾乞歸士庶攀

留歌思不已

李允簡 融縣舉人嘉靖間知府時銅苗出寇倉猝
不及備彼執以行投崖而死事聞賜祭葬

贈按察司副使廕一子

符任 寧陵人舉人嘉靖間守郡性剛果不能容
物值殘破後築土垣為衛民恃以去恐

蔡懋昭 上海人舉人萬曆初知府事時改遷府治
城人祀人無間志公經理修建撫輯安定

去任後郡人祠祀之

王制 雲南府人舉人萬曆初司理恤
民守憲督理均由人稱其平

李仕亨 銅梁人舉人萬曆中知府事置田縣士賑恤孤貧惠受為多

趙建 劍州人萬曆中以任子守郡勦族首賊多著勦勞

胡柟 陝西漢中府瀋陽縣人萬曆間知府事修城造士勦苗咸有成績祠祀二十餘所

萬嗣達 九江人舉人天啟間守郡有惠政士民舉祝名宦

國朝

陳龍巖 惠安人初任石阡司理嗣以同知管府事修城建學有功德方士民建祠祀之陞思

南府知府

陸世楷 平湖人貢生治思日值吳逆甫平居民流散田土荒蕪奉旨丈田則壤成賦曾修

思賜志畧

思州府志 職官 名宦

三

卷二

以上名宦陸志列於人物志中殊失義例今特標舉職官志之首蓋已入名宦思人尸祝有年所以厲靖共協輿論也繼此循良未經詳請不敢採入

文職

知府

明

崔彥俊 新建人進士

沈宗 錢塘人

王寅

劉本 潮陽人

郭勝 山東人

賀讓 衡山人

王常 馬湖人

胡深 巴縣人

趙渾 漳浦人

熊宗德 江寧人

李時 永平人

高節 上元人

俞敬 永康人 進士

思州府志 職官 文職

張秘 羅山人

周文光 永康人

毛希源 太倉人

朱懷幹 臨安人

王儀鳳 章丘人

符任 寧陵人

張子中 鄞縣人 官生

楊雲鵬 泰和人

馮汝承 州人 官生

郭琰 山東人 俱永

林英 蘇州人 俱宣

周振 吳縣人

張介 內江人

施裕 太倉人

李槩 奉城人

許翱 成都人

張柱 涪州人 進士 俱

王敬 泰州人

四 卷二

劉祚 安福人

吳拱辰 武昌人

周幼克 南克人 通志作

李允簡 融縣人

張淑明 孟縣人 舉人

張繼芬 茶陵人 官生 俱

莫如德 容縣人

蔡懋昭 上海人

鄭天佐 福清人

祁汝東 江陰人

高自修 嘉定州人

李士亨 銅梁人 舉人 通志作任亨

馬千官 金州人 舉人

陳夢琛 登州人 官生

趙建 劍州人 官生 陞河東運使

周天應 安邑人 舉人 陞 兩浙鹽運使

沈存德 紹興人 官生

胡栲 濟陽人 選貢 陞副 使俱萬曆年間任

萬嗣達 九江人 舉人

王履祥 石屏人 舉人 俱 天啟年間任

黃夢瑞 延平人

黃堯彩 九江人 舉人

劉起蜀 岳池人 副榜 通志失載

江璿 臨安人 舉人 俱 崇禎年間任

國朝

思州府志

職官 文職

五

卷二

胡必鼎 麻城人 貢生 順 治十五年任

裴紹宗 大同人 進士 康熙二年任

陳龍巖 惠安人 貢監 康熙五年任

李敷治 大興人 思監 康熙十年任

陸世楷 平湖人 貢生 康 熙二十三年任

朱射斗 歸安人 進士 康 熙二十七年任

王民皞 梧州臨川人 拔貢 康熙二十八年任

張聖佐 奉天人 康熙 三十年任

王清碩 奉天人 康熙 三十二年任

蔣敷錫 北直人 貢生 康 熙四十五年任

管承寵 奉天人 康熙 五十三年任

陳元 餘姚人 進士 康 熙五十四年任

張廣泗 奉天人 監生 康 熙六十年任

通判

明

檀凱

推官

明

田振辰州人

唐賢前溪人

柴俸臨安人舉人
化年間任

鍾恕枝江人

王芝度符人

弓中綿州人通志作
申俱正德年間任

思州府志 職官 文職

夏俸和州人

李闕青縣人

張武臣涪州人俱嘉
靖年間任

喻尚中會昌人俱隆
慶年間任

瞿學召上海人
監生

熊正顯富順人

蔡應吾平和人

吳天祐趙州人

余雲標莆田人

幸全高安人通
志失載

孫魁密雲人俱永
樂年間任

嚴績烏程人

唐琛樂安人俱弘
治年間任

趙宗賢巴陵人

陳文武岡人

六

王澤龍溪人

徐江浙江人

劉蘭蕪湖人

陳明德平樂人

王制雲南人舉人
行取御史

周至德麻城人

譚汝誠興業人

華三祝興國人

王應昌嘉興人舉人
天啟年間任

卷二

包大全 職眉人 選貢

莊以裕 曲靖人 選貢

常懋中 平樂人 舉人

黎象斗 廣州人 舉人

余廷守 平江人 選貢 通志失載

喻言達 南昌人 舉人

王佐 河陽人 舉人

黃堯彩 九江人 俱崇禎年間任

國朝 康熙四年 推官 缺裁

何元紀 璧山人 貢生 順治十五年任

許 弘 長洲人 進士 順治十八年任

經歷

明無考

國朝

思州府志

職官 文職

七

卷三

李棲鳳 山海衛人 順治十五年任

任德敏 浙江人 康熙八年任

王喜興 福建人 康熙十一年任

姚成治 武岡人 生員 康熙十九年委署

張拱極 平陽府人 供事 康熙二十五年任

田培廷 平陽人 供事 康熙三十三年任

俞日喻 紹興府人 吏員 康熙四十五年任

李琪 香河縣人 吏員 康熙四十年任

程子聰 潞安府人 吏員 康熙五十九年任

府學教授

明無考

國朝 康熙三年 裁各學訓導 每府衛 各設教授一員 平清二衛 奉同

商澤深 浙江人

胡瑗 巴縣人 生員

卜希哲 黎平人 歲貢 順治年間任

王祚蕃 平越人 舉人

王嘉雋 興隆人 舉人 康熙六年任

顧鼎新 黎平人 解元 康熙七年任

夏國瑞 敷勇人 歲貢 康熙二十二年任

廖應熊 餘慶縣人 舉人 康熙二十二年任

劉璧 都勻府人 舉人 康熙三十四年任

李士燿 婺川縣人 舉人 康熙四十六年任

葉林新 開州人 副榜 康熙五十二年任

黃嘉穀 貴筑縣人 舉人 康熙五十四年任

府學訓導

明

姜潮 嘉靖丁酉科 以訓導 中式 未幾 何年 裁缺

國朝 康熙三年 裁缺 四十四年 復設 平清二衛學同

思州府志 職官 文職

八

卷二

葉天開 龍里縣人 歲貢 康熙四十四年任

廖錦 大定州人 歲貢 康熙五十九年任

平溪衛儒學教授 屬府提調 康熙二十七年 後歸貴州

明無考

國朝

曹光美 湖廣人 歲貢 順治年間任

唐啟中 涪州人 舉人

張調民 興隆人 歲貢 康熙二年任

劉珪 漢陽人 貢生 康熙二十七年任

胡燦 安順人 舉人

黃元色 餘慶縣人 舉人 康熙三十二年任

管遴 貴陽府人 舉人

劉兆興 平越府人 舉人

王冕 都勻府人 舉人 康熙五十二年任

平溪衛訓導

唐之裔施秉縣人歲貢康熙四十四年任
夏之謨清浪衛人歲貢康熙五十六年在

清浪衛儒學教授

明無考

國朝

李士燿婺川縣人舉人

黃毓嵩都勻府人舉人

宋應舉施秉縣人舉人

黃曠安平縣人副榜

姚大椿思州府人思貢

趙寬貴陽人副榜康熙六十一年選

清浪衛儒學訓導

思州府志

職官

文職 武統

九

卷二

鍾鼎清鎮縣人歲貢康熙四十五年任

武統

遊擊

明無

國朝康熙二十五年自鎮遠協分駐

頗君佐山西宣府人康熙二十五年任

陳世勳紹興府人康熙三十九年任

馬迅陝西靖遠人康熙四十二年任

徐曦山東東昌府人康熙五十年任

蘇才偉直隸河間府人康熙五十二年任

薛朝龍陝西涼州人康熙五十六年任

千總

徐映台 江西吉安府人

周友功 福建汀州府人

文光質 湖廣寶慶府人

把總

徐大才 鎮遠府人

唐文虎 湖廣人

曹三奉 黃州籍

李桂芳 鎮遠府人

任德 鎮遠府人

劉偉 鎮遠府人

士司

都坪峩異谿司正長官二員

部頒印信何周二官

輪流掌管任事

思州府志

職官 武統 土司

十

卷二

明

何清 元末授定雲路總管將軍萬戶侯世襲宣慰司其子應龍承襲詳藝文墓誌

何應龍 思州府宣慰司冠帶頭目吳元年歸附有功授任谿等處長官司土司

何夢霖 應龍子隨征沅州等處有功加授都坪峩異谿長官司正長官世襲

何仁潔 夢霖子洪武二年承襲

何忠萬 仁忠子正統二年承襲

何顯瑤 斌子成化二年承襲

何世麒 純次子嘉靖七年承襲

何稟忠 烈子萬曆三十九年承襲

何純 顯瑤子弘治十四年承襲

何學政 稟忠子崇禎十年承襲

周仲融 授思州宣撫司冠帶頭目吳元年歸附有功

周斌 仲融子吳二年承襲

周瑛 斌子明永樂八年承襲十一年改授都坪

官正長

周鑑 瑛子正統五年承襲

周縉 鑑子弘治十五年承襲

周廷珪 縉子正德九年承襲

周廉 廷珪子嘉靖元年承襲

周楫 廉子嘉靖九年承襲

周紹魯 楫子嘉靖三十九年承襲

周懋德 紹魯子嘉靖四十五年承襲

周懋和 懋德弟崇禎三年承襲

國朝

思州府志

職官 土司

士

卷三

何潤遠 學政子康熙十年承襲

何察 潤遠子廩生康熙四十四年承襲

何道煌 察子郎庠生康熙六十年七月部頒號紙承襲

周如明 懋和子康熙二年承襲

周琇 如明子康熙三十五年承襲

都素長官司正長官二員

部頒印信何周二官輪

流掌管任事

明

何文學 洪武十九年授宣慰司辦事長官永樂十一年叙功授都素長官司

何忠貴 文學子宣德七年承襲

何政 忠貴子景泰元年承襲

何顯鳳 政子弘治九年承襲

何世恩 顯鳳孫萬曆九年承襲

何思治世恩子萬曆二 何稟德思治子萬曆三

何宗稟德子崇禎

周文富洪武間隨征有功三十一年陞思州千戶

所百戶永樂二年改授都素司長官辦事

周源文富子宣德

周勝祖源子成化

周永和勝祖子成化

周天福永和子正德

周尚文天福子嘉靖

周以政尚文子嘉靖三

周應曆以政子萬曆二十九

周繼動應曆子天啟

思州府志 職官 土司

國朝

何起圖宗子康熙

何騰鱗起圖子康熙四

周之龍繼勳子康熙

周弘基之龍子康熙二

周偉弘基孫康熙五

黃道谿司正長官二員 部頒印信黃劉二官輪流

掌管任事

明

黃文聰洪武三年帶兵攻打黃蓮溪獅子岩復平

古州八萬等處有功洪武五年授黃道谿

正長官

世襲

黃子芳 文聰子洪武二十八年承襲
 黃受鼎 五子正統十四年承襲
 黃顯昌 清子正德四年承襲
 黃天奇 蛟子隆慶三年承襲
 黃大順 鴻子萬曆二十四年承襲
 黃金印 誥子戊子年承襲
 黃 玉 子芳子宣德元年承襲
 黃 清 受鼎子成化十一年承襲
 黃 蛟 顯昌子嘉靖十四年承襲
 黃 鴻 天奇子萬曆七年承襲
 黃 誥 大順子萬曆十五年承襲

劉 貴 洪武五年授宣慰司同知八年陞副使
 劉道傳 貴子洪武八年承襲擒勦黃勝隆有
 劉 弼 道傳侄洪武七年承襲
 劉 弼 道傳侄洪武七年承襲

思州府志 職官

劉 澤 弼子洪武三十一年承襲永樂十一年改授黃道憲長官司正長官
 劉 璲 澤子洪熙元年承襲
 劉 福 順 廷璲子天順元年承襲
 劉 本 襲子正德五年承襲
 劉 懷 烈 一朝子隆慶三年承襲
 劉 師 上 時行子崇禎十六年承襲
 劉 廷 璲 璲子正統八年承襲
 劉 襲 福 熙子成化二十年承襲
 劉 一 朝 本 子嘉靖十二年承襲
 劉 時 行 懷 烈 子 萬 曆 十 八 年 承 襲

國朝

黃恩榮 金印子康熙二年承襲
 黃 卷 恩榮子康熙四十七年承襲
 劉士元 師上侄康熙二年承襲
 劉 祚 昌 士元子康熙三十五年承襲

施溪長官司正長官一員 部頒印信一官一姓承襲

襲

明

劉道忠 貴次子吳元年率兵歸附擒賊有功
洪武五年授施溪長官司正長官

劉瑛 道忠子洪武十七年承襲
劉永興 瑛子洪武三十年承襲

劉瑾 永興子正統元年承襲
劉廷鎮 瑾任天順四年承襲

劉宗襲 廷鎮子洪治三年承襲
劉世奇 宗襲子嘉靖八年承襲

劉一誠 世奇孫嘉靖十四年承襲
劉懷義 一誠子萬曆五年承襲

劉時龍 懷義子萬曆四十六年承襲
劉師朴 時龍子戊子年承襲

思州府志 職官 土司

十四 卷二

國朝

劉師光 師朴弟康熙元年承襲

劉士瞻 師光子康熙十二年承襲

劉祚茂 士瞻子康熙十五年承襲

劉以學 祚茂子康熙十八年承襲

吏目

明萬曆年間四司俱設吏目後奉裁年月失考

漢宣帝嘗曰庶民所以安其田里而無嘆息愁恨之心者政平訟理也與我共此者其良二千石乎然則一郡之理亂安危繫惟守臣是任而守固不能獨任也必有相助為理者焉秦始皇置

郡守之下有丞有尉漢以後郡事漸繁官亦漸備於是乎上佐則治中別駕諸曹別督郵叅軍各效其職而守受成焉耳思之為郡其初設也有通判有推官四土司各有吏目雖不比於六雄十望之列然官制亦粗具矣明季節省俸廩盡汰閒員

本朝初年尚留司理今則僅存府正與經歷而已昔賢謂省官不如省事然既列之為郡則必有不可省之事即必有不可省之官如官曰可省也

思州府志 職官

十五

卷二

曷不併郡而省之乎原夫國家設官分職必使上下相制大小相承如身之有臂臂之有指而黔中諸郡或有正而無佐甚或有守而無令者蓋要荒之域義取羈縻畢縷之初政從簡畧但有郡之名而不必有郡之寶也今則循名核實月要歲會與內地一例考課有不當則執成憲而議其後乃欲事事責備於郡守一人豈不難哉夫二千石之治郡與人主治國其道同也自用則勞任人則逸得其人則唯諾坐嘯而有餘

失其人則盡瘁執掌而不足馬援之在隴西也
任吏以職但總大體諸曹有白事者曰此丞掾
之任何足相煩頗哀老子使得遨遊茲以藐然
之守孤立於郡而環視左右誰相哀者恐嘆息
愁恨之心且自二千石始矣 陸志畧

同城之有文武文以牧民武以衛民不可偏廢
而陸志乃以彈丸之地居民寥落兵強民弱為
慮見陸兵防志誠恤民之盛心殊不知兵可百
年不用不可一日不備思郡當滇黔咽喉苗彝

思州府志 職官

十六

卷二

交借之區經歷土司雖屬郡之指臂若摧鋒挫
敵豈能勝任為郡守者惟在協恭調劑兵民和
洽而何有此強彼弱之慮也耶蔣深譏

思州府志卷之三

護理思州府事餘慶縣知縣長洲蔣深纂輯

建設志

城池

學校

公署

坊表

祠祀

兵防

蔣深論曰建設莫大於城池而尤亟於學校崇

聖道也故凡學校之事例應備載未可循蔭志

之闕畧矣况清平兩學得隸思屬尤當考其脩

建之人歸并之歲俾楚地人材發祥有自詎容

忽歟至公署坊表兵防等應得並紀獨惜義學

社學所以補教之不及尚未脩舉是又在乎良

思州府志

建設

城池

一

卷三

二千石矣爰作建設志

城池

府城 明永樂十三年知府崔彥俊創建土城隆慶

三年知府張子中議遷於平溪衛城萬曆五年因

民情不便奏請復回重築外包以石週圍三百二

十丈高一丈五尺為門三城樓三座十年知府蔡

懋昭以後山高峻俯瞰城中敵至難守乃議包築

後山石城一百二十丈增築敵臺十二座明季兵

火傾燬康熙八年知府陳龍巖增脩康熙十一年

知府李敷治重修 按今城有四門西面踞勝臺
在山頂門不可通而南面有大小三門未知何年
所增也城樓止有東門二座二門皆平房而已至
於敵臺十三座奈止有踞勝臺及南北兩角臺餘
俱無存稽其舊址茫然莫辨或亦當時誇張之說
也 陸志畧

都素司土城在馬口今廢

施溪司土城 一在平地寨一在漾頭明嘉靖年間移設扼防紅苗今俱廢

街巷

思州府志 建設 城池

二

卷三

十字橫街 在府城中自南門至北門

直街 府前起下抵十字街

橫街 自府前抵西門

北街 在北門外

新街 在隔河

都哨街 在隔河

火巷 四門內外皆有

井一口 在府署頭門內 舊有左右二井形家以為非宜因填其右

學校

府學 在府治左東向永樂十一年知府崔彥俊建
成化間知府王常改遷府治前南向嘉靖元年知
府張柱重修萬曆十年知府蔡懋昭改建正癸丁
向明季燬於兵康熙六年知府陳龍巖重修
大成殿 傍為兩廡前為戟門泮池櫺星門
明倫堂 左右分志道撝德兩齋
魁星樓 在 聖殿後康熙三十二年知府張聖佐
捐修四十一年教授劉璧重修四十二年紳士捐
資置附郭田四畝三釐三毫

恩州府志

建設

學校

三

卷三

敬一亭 在 聖殿後尚未建復

文昌閣 在名宦祠左即今起文樓

名宦祠 舊與鄉賢合祠今移戟門左祀知府崔彥

俊賀讓王常張介李槩高節張柱毛希源李允簡

蔡懋昭李仕亨趙建胡柟萬嗣達通判檀凱推官

唐賢王制

鄉賢祠 在戟門右祀劉貴李淳任應科何學政

學廡 在明倫堂右尚未修復今兩廣文居明倫堂左右兩齋

平溪衛學舊附思州府推官提調康熙四年推官缺裁因隸思州府提調

清浪衛學隸熙州府提調八年設

深按平清兩學明初屬楚嘉靖年間平溪侯位
官兵部侍郎時繕疏題請平清兩衛學校歸黔
省應試屬思州府提調奉旨以平溪清浪兩學
附思州府學准與府學合榜共案歷百有餘年
至

國朝順治十六年衛生唐景齡彭蕃夏炳等呈請分
榜各案隨奉督學道趙詳准另榜另案學仍附
思州府學兼理至康熙二十二年内貴州巡撫

思州府志

建設

學校

四

卷三

楊提師恢復滇黔於劃清黔楚地界等事案内
題請將偏鎮歸黔平清歸楚驛站錢糧與學校
隨之清浪有學無官附平溪學兼理屬楚五載
兩學士子每嘆楚關寫遠又險阻洞庭秋闈竟
無一樂赴者於康熙二十七年内貴州巡撫田
蒞任兩衛士子郊迎呈懇復歸寄黔當蒙疏請
於

聖德普洽寰區等事案内題請附黔清浪學仍隨平
溪學兼理與平溪共榜另案至提調學務令兩

衛衛守暫理是學雖歸黔猶非黔專屬也至康熙三十三年諸生呈請緣舊例歸思州府提調兩學始定於然清浪學伊未設官猶乎溪學兼理至康熙三十八年通省紳衿具呈懇恩題請添設學校蒙貴州巡撫王題請添設清浪學校捐銀六百零六兩檄令衛守脩余鼎試督工創造

聖官於城內北山之下自是清浪始有專學矣

秩祀

思州府志

建設

學校

五

卷三

先師廟正中奉

至聖先師孔子之位

廟中四配位

復聖顏子

宗聖曾子

廟傍十哲位

東列

閔子子騫諱損

端木子子貢諱賜

述聖子思東列

亞聖孟子西列

冉子仲弓諱雍

仲子子路諱由

子子夏諱商

朱子元晦諱熹

西列

冉子伯牛諱耕

宰予子我諱予

冉子子有諱求

言子子游諱偃

顓孫子子張諱師

東廡先賢位

澹臺子子羽諱滅明

原子子思諱憲

南宮子子容諱适一作縮

商子子木諱瞿

漆雕子子開諱開一字子若

樊子子遲諱須

思州府志 建設 學校

六

卷三

公西子子華諱赤

梁子叔魚諱鯉一作鯉

冉子子魯諱儒一作孺

伯子子祈諱虔一字子楷

冉子子產諱季

漆雕子歛諱哆

漆雕子子期諱徒父

商子子季諱澤一字子秀

任子子選諱不齊

公子子正諱良儒

奚子子皙諱容蒧

顏子子襄諱祖一作相

甸子子疆諱井疆一字子野

秦子子丕諱商

公祖子子之諱自茲

縣子子橫諱成一字子祺

燕子子思諱及

顏子子叔諱之僕

樂子子聲諱欬一作欣

公西子子上諱與如

陳子子禽諱亢

步子子車諱叔乘一作襄

東廡先儒位

左子諱丘明

高堂子諱生

杜子諱子春

歐陽子永叔諱修

思州府志 建設 學校

程子正叔諱頤

楊子中立諱時

蔡子仲嘿諱沉

陳子公甫諱獻章

西廡先賢位

宓子子賤諱不齊

公皙子季次諱哀一 字季沉

司馬子子牛諱犁一作耕

巫馬子子期諱施

邾子子歛諱與一

公西子子尚諱蒧

琴子子開諱張一作宰

穀梁子諱赤

毛子長公諱萇

王子子淹諱通

周子茂叔諱敦頤

七 卷三

張子子厚諱載

陸子子靜諱九淵

許子平仲諱衡

王子伯安諱守仁

公冶子子長諱長

高子子羔諱柴

有子子有諱若

顏子子柳諱辛

曹子子循 諱卹

秦子子商 諱祖

壤子子徒 諱駟赤

公夏子子乘 諱首一作守

公子子中 諱肩定

罕父子子素 諱黑

左子子行 諱人郢一作郢

原子子籍 諱亢一作姚

叔仲子子期 諱會一作會

思州府志 建設 學校

子蔑子 諱忠至聖兄之 子避孔子改稱

秦子子之 諱非

顏子子聲 諱噲

西廡先儒位

公羊子 諱高

子國子 諱安國至聖裔 子避孔子改稱

后子近君 諱倉

胡子翼之 諱瑗

范子希文 諱仲淹

公孫子子石 諱龍一作龍

顏子子驕 諱商一作刻

石子子明 諱信蜀

石子子里 諱處一字里之

鄔子子家 諱單

榮子子祺 諱旂一作旂

鄭子子徒 諱邦漢史避 諱改名國

廉子子庸 諱潔一字曹

狄子子皙 諱黑一字皙之

八 卷三

施子平恒 諱之常

申子子周 諱棖一作績

伏子子賤 諱勝

董子 諱仲舒

韓子退之 諱愈

程子伯淳 諱顥

司馬子君實 諱光

鬱子克夫 諱雍

胡子康侯 諱安國

呂子伯恭 諱祖謙

張子敬夫 諱栻

子希元 諱德秀

薛子德溫 諱瑄

胡子叔心 諱居仁

啟聖公祠正中奉

啟聖公之位

四配先賢位

顏路氏 諱無繇

子哲曾氏 諱點

伯魚孔氏 諱鯉

公宜孟氏 諱激

思州府志 建設 學校

九 卷三

從祀先儒位

伯溫程氏 諱珦

喬年朱氏 諱松

季通蔡氏 諱元定

周氏 諱輔成

釋菜

周禮大司樂掌成均 五帝之法以治建國之學政

而合國之子弟焉凡有道者有德者始教焉沒則

以為樂祖而祭於瞽宗

禮記月令仲春上丁命樂正習舞釋菜仲丁又命

樂正入學習樂 文王世子凡學春夏釋奠於其

先師秋冬亦如之

漢高祖十二年十一月過魯以太牢祀孔子

成帝追謚孔子宣尼公

明帝永平十五年三月詣孔子宅親御講堂命皇

太子諸王說經

章帝元和二年幸魯祀孔子及七十二弟子於闕

里作六代之樂

此祀孔子弟子之始

安帝延光三年祀孔子及七十二弟子於闕里

三國魏世祖正始七年令太常釋奠祀孔子於辟廱

思州府志

建設

學校

十

卷三

以顏淵配

前此祀孔子者皆於闕里至是始行於太學

北魏孝文帝太和十六年修孔子祠親行拜祭太和

十九年如魯城親祀孔子封其後為崇聖侯祭

孔子以二仲上丁日丁陰火也為文明之象故

用之以祭

隋文帝開皇九年國子學每歲四仲月上丁釋奠於

先聖先師州縣學則以春秋仲月釋奠

唐高祖武德二年詔國子學立周公孔子廟各一所

四時致祭

太宗貞觀二年左僕射房元齡議庠序置奠本緣孔子故晉宋梁陳隋皆以孔子為先聖顏淵為先師請停周公升孔子為先聖顏淵配從之貞觀二十五年詔皇太子於國學釋奠於先聖先師皇太子為初獻祭酒為亞獻博士為終獻縣學令為初獻丞為亞獻無博士者主簿為終獻又詔以左丘明卜子夏公羊高谷梁赤伏勝高堂生戴聖毛長孔安國劉向鄭眾杜子春馬融盧植鄭康成服子慎何休王肅王輔嗣范甯賈

思州府志 建設 學校 土 卷三

達杜預二十二人代用其書垂於國胄並令配享尼父廟

高宗追贈孔子為太師顏淵太子少師曾參太子少保曾子參配並配享孔子

元宗開元二十七年追謚孔子為文宣王顏子為兗國公閔損等九人為侯曾參等為伯

宋太祖建隆三年詔廟門立戟十六

真宗咸平中追謚孔子為至聖宣王

神宗以孟子同顏子配食宣聖此孟子配荀况揚

雄並從祀

徽宗崇寧四年從司業蔣靜請文宣王用冕十二旒服九章又詔躋子思子祀大觀四年宣聖廟用戟二十四文宣王執鎮圭並用王者之制

理宗加周惇頤張載程顥程頤封爵與朱熹並從祀孔子廟庭周程張朱又加張栻呂祖謙伯爵從祀孔子廟

度宗以顏回曾參孔伋孟軻並配孔子始此升顥孫於十哲列邵雍司馬光從祀

思州府志

建設

學校

十三

卷三

元成宗大德十二年制加孔子號曰大成

仁宗以許衡從祀孔子

文宗加封顏回充國復聖公曾參鄒國宗聖公孔伋沂國述聖公孟軻鄒國亞聖公又加孔子父母封爵始以董仲舒從祀孔子

明太祖洪武四年令進士釋褐詣國學行釋菜禮十五年詔天下儒學通祀孔子頒釋奠儀二十六
年頒大成樂器於府學令州縣如式制造二十九年黜揚雄從祀

英宗正統元年刊定從祀各爵位次頒行天下
年以宋胡安國蔡沉真德秀從祠八年追封元
吳澄為臨川郡公從祀

憲宗成化二年封漢董仲舒為廣川伯胡安國建
宣伯蔡沈崇安伯真德秀浦城伯

孝宗弘治九年封宋楊時為將樂伯從祀

世宗嘉靖九年允輔臣張璁議去封號易像以木
主題曰至聖先師孔子神位改大成殿為先師
廟殿門為廟門四配稱復聖顏子宗聖曾子述

思州府志

建設

學校

十三

卷三

聖子思子亞聖孟子十哲以下皆稱先賢某子
之位申黨即申棖祀止存棖削而不祀者十二
人公伯寮秦冉顏何荀况戴聖劉向賈逵馬融
何休王肅王弼杜預俱罷祀林放蘧瑗鄭衆盧
植服虔范甯鄭康成吳澄改祀於其鄉增祀者
五人后倉王通胡瑗陸九淵歐陽修凡籩豆樂
舞之數皆更定焉

穆宗隆慶五年以薛瑄從祀

神宗萬曆十二年以王守仁陳獻章胡居仁從祀

二十三年以宋儒周敦頤之文輔成從祀啟聖
祠學宮左祀啟聖宮叔梁紇以先賢顏無繇曾
點孔鯉孟孫激配以宋儒周輔成程珦朱松蔡
元定從祀古未有專祠自嘉靖從輔臣張璉議

國朝制同明朝望有司黜學行禮春秋仲月上丁致
祭知府為正獻官經歷教授訓導土司為分獻
官樂舞六佾 康熙二十三年頒壘刻

御書萬世師表於天下學書 康熙五十一年

思州府志 建設

學校

十四

卷三

詔以朱熹升入先師廟與先賢十哲同列位次卜子
夏 康熙五十五年以范仲淹從祀與先儒同
列位居司馬光之上

祭器

簠簋 皆盛黍稷稻粱之器簠方簋圓古用陶器
後世範金為之

犧尊 取犧牲享食之義犧牛形用貯終獻酒

象尊 取形於象範金為之用貯亞獻酒

雲雷尊 組以螭頭腹畫雲雷回旋之狀用貯初

獻酒

太尊 有虞氏曰太尊瓦尊也貴本尚質

山尊 夏后氏之尊也刻畫爲山雲狀

壺尊 其尊作壺形其脰飾饗饗腹著風雲

著尊 明堂位曰商尊曰著尊著地而無足也

壘洗 皆所以盥也壘盛水洗受棄水壘畫文龍

洗畫水文菱花

爵 形象雀兩柱三足有塗有整

坫 置爵承爵皆用之措諸地而平正

思州府志 建設

學校

十五

卷三

勺 夏龍勺今刻首為龍夏制也

籩豆 籩古今皆竹製惟豆制不同夏楛豆殷玉

豆周獻豆今製以銅

俎 明堂位曰周以房俎房謂足下拊也魯頌曰

籩豆大房

篚 竹為之用以盛幣

鉶 用薦和羹

登 用薦太羹

籩巾 以絺為之圓幅元被纁裏

龍幕 以絳帛方幅為之中畫雲龍兩旁畫文彩

四角綴以金錢用以覆尊聖廟所用

尊幕 以青布為之縱橫二尺二寸兩廡所用

盥盤架 以木為之繪以彩色髹以漆

盥盤 範金為之盛水盥手

帨巾 白布為之長短隨宜獻官盥卒拱手

燭臺 範金為之高一尺八寸重盤四足

鼎 範金為之用以焚香

祝版 以木為之高九寸闊一尺二寸用白紙寫

思州府志

建設學校

十六

卷三

祝文貼版上祭畢揭而焚之

祭品

牛 豕 羊 黍 稷 稻 粱 白餅 黑餅

形鹽 醢醢 韭菹 芹菹 菁菹 笋菹 榛

菱 芡 棗 栗 鹿脯 兔醢 魚醢 鹿醢

藁魚 脾肝 豚胎 帛 香 燭

按籩實形鹽藁魚棗栗榛菱芡鹿脯 豆實韭

菹菁菹芹菹笋菹鹿醢魚醢兔醢醢醢 簋實

黍稷 簋實稻粱 登實太羹 鉶實和羹

陳設

先師廟 帛一 爵三 登一 簋一 簋二 鉶

二 籩八 豆八 牛羊豕各一 香燭全

四配 各用帛一 爵三 登一 鉶二 簋一

簋一 籩六 豆六 羊一 豕一 香燭全

十哲 各用帛一 爵一 鉶一 簋一 簋一

籩四 豆四 豕一 香燭全

兩廡先賢先儒 東西分壇每壇四位各用帛一

簋一 簋一 籩四 豆四 豕肉四

思州府志 建設 學校 卷三

香燭全

啟聖公 帛一 爵三 鉶二 簋一 簋一 籩

八 豆八 羊一 豕一 香燭全

四配先賢 各用爵三 簋一 簋一 籩四

豆四 豕肉一 香燭全

四從先儒 各用爵一 籩二 豆二

鄉賢 名宦 各帛一 爵三 簋一 簋一

籩四 豆四 羊肉一 豕肉一 香燭全

樂器

金部 編鐘一簋鐘十六範金為之擊以茱萸木為斡竹為柄擊之則有六律六呂以應十二月之候又有清聲以配之

石部 編磬一簋磬十六靈璧石為之拊之以牛角竹為柄

絲部 琴六白虎通曰琴禁也禁止於邪以正人心也 瑟六二十五絃頌琴也雅琴則三十三絃二者制名不同

竹部 箎二以竹為之長一尺二寸圍三寸三分
思州府志 建設 學役 十八 卷三

共八孔此樂聲宜輕用氣吹之其聲乃和 笛六斷紫竹為之長一尺四寸七孔 排簫二又名鳳簫排竹如鳳翼故名鳳簫 簫二截竹為之以紅絨絛繫之吹者宜緩取其音斯悠揚不追

匏部 笙二用紫竹為之十有七管而值管匏中各施以簧管端參差如鳥翼吹匏之端則鼓舞其簧而發聲 管二截竹為之為十二孔以應十二月之音

土部 塤 以土爲質雜紙筋爲之布漆戲金霞彩上銳而底平高三寸四分六孔

革部 應鼓身高三尺而濶二尺一寸髹以朱每奏樂一句以槌擊者三聲但節奏從容方爲佳

鼗鼓有柄兩旁有耳持其柄則兩耳自擊搏拊如鼓而小中實糠外髹以朱以紅絨絲維於人項兩手用之或搏拊以節登鼓之聲

木部 祝一以桐木爲之狀如方桶上爲圓孔納槌三面畫山一面畫水凡用先以槌撞底復擊

思州府志

建設

學校

十九

卷三

左右共三聲以起樂 敵一狀如伏虎背上有二十七齟齬刻用竹長二尺四寸破爲十莖一名曰甄擦其背以止樂

舞器

麾幡以絳繒爲之長七尺濶一尺一寸上板繪雲下板繪山以相連首尾前面畫升龍後面畫降龍各塗以金五色彩雲朱竿長八尺五寸末施銅龍龍首塗金啣其麾下垂樂中麾生執之升龍向外降龍向內舉之則升龍見樂作偃之則

降龍見樂止以木為架髹以朱間則植其上
旌以紅絨為之纓上加塗金彩雲監於其上數九
長七尺以紅絨縹繫之下綴以結竿長八尺五
寸朱髹末施塗金龍首啣其節二人執之於東
西兩階舞生之前以導其舞

翟六十四以木為柄長一尺四寸朱髹柄端刻龍
首長五寸塗以金彩每翟用雉尾三根插於口
中舞生右手執之以舞

籥六十四以竹為之長一尺四寸三竅朱飾舞生

思州府志

建設

學校

二十

卷三

左手執之以舞

按樂舞之制唐宋元無考明洪武二十六年頒
大成樂器於天下府學令州縣學如府式麾一
祝敔各一琴六瑟四編鐘編磬各一十有六箎
塤各四簫笙笛各六鳳簫二搏拊鼓二楹鼓一
堂上之節二籥翟各三十六堂下之節始定樂用
樂用上之節二籥翟各三十六堂下之節始定樂用
登歌樂生五十六人司麾一人司祝司敔各一
六人瑟四人笙簫笛各六人箎塤各一人搏拊二人琴
各四人鳳簫二人鐘磬鼓各一人箎塤舞用六佾舞
生三十八人引舞二人各執籥翟生成化十三

年增樂舞爲八佾嘉靖九年詔釐祀典定制三樂三奏文舞六佾

國朝定制仍用六佾

樂章

按釋奠樂章明協律郎冷謙改定

迎神奏咸和之曲

大哉先聖道德尊崇維持王化斯民時宗典祀有常精神並隆神其來格於昭聖容

有樂無舞

初獻宣和之曲

思州府志

建設

學校

十一

卷三

自生民來誰底其盛惟師神明度越前聖粢帛具陳禮容斯稱黍稷非馨惟神之聽

樂舞俱全

亞獻安和之曲

大哉聖師實天生德作樂以崇時祀無斃情酷惟馨嘉牲孔碩薦羞神明庶幾昭格

樂舞俱全

終獻景和之曲

百王宗師生民物軌瞻之洋洋神其寧止酌彼金罍惟清且旨登獻惟三於戲成禮

樂舞俱全

徹饌咸和之曲

犧象在前豆籩在列以享以薦既芬既潔禮成樂
備人和神悅祭則受福率遵無越有樂無舞

送神咸和之曲

有嚴學宮四方來崇恪恭祀事威儀雖離歆茲惟
馨神馭還復明禋斯舉咸膺百福有樂去舞

望痊與送神同

學地起屋一十三間在 學宮左右居民賃在
學田一十八畝在黃道司平岳里

按陸志畧載學田二百畝全荒今儒學止管十

思州府志 建設 學校

二十二 卷三

八畝護府蔣深查黃道司路梁田尚有十三畝
四分零詳憲歸府為義學延師之資餘未清出

學宮藏書 淵鑑齋古文類函 日講四書 玉衡

錄 五經淫解 朱子全書 臣鑑錄

義學 舊建學前久廢護府蔣深改設菁莪草堂
射圃 舊建東郊外戊子兵燹無存

公署

府署 在城內西偏東面明永樂十一年知府崔彥
俊即宣慰司改建正統己巳燬於寇成化七年

知府王常重建隆慶四年遷於平溪衛萬曆六年復歸府城知府楊雲鷗修建十年知府蔡懋昭增修康熙七年知府陳龍巖重修

大堂五間 顏曰帥正左為書吏房右為班役房堂

之前為儀門門左為馬王廟右為土地祠正中

大門為 樓知府張聖佐建

後堂三間 舊為大堂明知府趙手植雙桂舊顏泰

初今名雙桂堂知府張聖佐題

內屋九間 舊構大樓七間名華福知府張聖佐改

思州府志 建設 公署 卷三

建左右從屋各十餘間知府管承寵增修

優則軒五間 在府署左知府張聖佐建詳載藝文

理刑廳 在府堂左今廢

經歷司 在府二門右

永豐倉 在大門右

府司獄 在倉前

陰陽學 府前左今廢

醫學 府前右今廢

察院 在城北隅今廢

布政司分司 在察院前今廢

按察司分司 在小南門內今廢

遊擊府署 在大南門內知府陳龍巖造

長官司署 一在小南門內 一在十字街南 按

三長官司其地方屢遭變亂近皆寄居各寨非

復原駐衙門故不及詳載 陸志畧

坊表

承流宣化坊

旬宣坊

思州府志 建設坊表 祀祠

肅振坊 府前左右

應宿坊 為舉人周廷璉建

聚英坊 為歷科舉人建

育才坊 為歷年歲貢生建

貞烈坊 府東為節婦甯氏等建 以上今俱廢

祀祠

社稷壇 在府治北門外

風雲雷雨山川壇 原在府南明知府蔡懋昭遷於

東門外

厲壇 在府北三里

城隍廟 在小南門內 康熙二十年燬三十年知府張聖佐重建有碑記詳藝文志

飛山廟 原在府南飛山上今移於東門外祀英惠侯楊再思 按通志云飛山神係唐刺史楊再思及考黎平府名宦志載五季梁楊再思據誠州稱刺史然有功於民土人戶祝之宋追贈英惠侯而鎮遠祠祀志亦載飛山廟祀英惠侯即楊氏之遠祖其在梁與後唐之間乎 陸志畧

思州府志 建設 祀祠 兵防

二十五

卷三

李公祠 在城內祀明知府李允簡

遺愛祠 一祀明知府蔡懋昭一祀明推官王制

功德祠 在文昌閣後祀知府陳龍巖以修學有功

菁莪書院 在東門外知府管承寵建知府陳元改爲菁莪草堂有記詳藝文志

薛公祠 在大南門外兵民爲遊府薛朝龍建護知府篆事蔣深題德懷挾纊額

附江西會館 一在府城 一在田壩坪

兵防

明 設土兵一百二十名守隘犂兵一百二十名
國朝

康熙五年知府陳龍巖請撥鎮遠協標守備一員帶
兵三百名分防城汛

十二年士民具呈總督甘撤回十九年地方初定
城中空虛署知府鄒嘉璽復請撥把總一員帶
兵一百五十名照前分防二十一年添兵五十
名二十五年銅黎苗警先後調去知府陸世楷
詳請另設專汛副將張祚議遣右營遊擊頗君

思州府志 建設

兵防

二十六

卷三

佐分駐思城添補原兵三百名之數 按專汛
之請因無兵而留兵非有兵而添兵也協鎮不
謀於府而議以遊擊移駐彈丸之郡居民不滿
百家遊擊官尊役眾兵強民弱竊恐貽累地方
但成議已定未便紛更調停之術尚俟後賢也

陸志
畧

二十七年為郡小人稀等事案內陸續撤回一百
名止留二百名共設一十八塘

苞桑塘

七里冲塘

蒙寨塘

毛坡塘

田塍岩塘

田埂坪塘

銅鼓灘塘

漾頭司塘

龍塘塘

貫墨塘

思州府志

建設 兵防

二十七

卷三

岑賈塘

以上三塘在府城南門外汎兵防守

廣制塘

注溪塘

鷹揚塘

木茶塘

一名木柞

保坡塘

馬口司塘

客樓塘

以上七塘在府城北門外汎兵防守

按陸志畧載哨守者五曰苞桑塘在府城東芒

菁塘在府城南廣制哨在府城北 廢岑賈哨
在上三洞鬼迷寨界連邛水涌洞貫墨哨在下
新溪貫寨連沅州天柱發兵防守今查塘汎或
名是而地非或昔廢而今設是固隨時制宜不
得泥前以疑後也

驛鋪

平溪驛 舊係本府四司朋應今劃歸平溪衛 按
本府四司每年額徵馬館銀一千六百二十五
兩九錢一分零充平溪驛喂馬之用嗣馬館銀

思州府志

建設

驛鋪

三八

卷三

兩奉文全解布政司而平溪衛每年尚板四司
代僱喂馬夫一十二名半幸於康熙二十二年
奉將軍總督部院蔡批免清浪站原隸鎮遠

本朝初開滇黔以思屬地近派協站夫四十名於康
熙十年奉總督甘題免吳逆變亂康熙十九年
恢克之後糧驛道仍照舊例派協二十三年清
浪劃歸楚省改協鎮遠頗受加派之累二十四
年九月內奉巡撫慕飭示停免官民頌德
府屬六鋪鋪夫二十名

陸志

府前舖夫三名 羊坪舖夫五名

橋頭舖夫四名 三家橋舖夫三名

大漁塘舖夫三名 田埂塘舖夫二名

按陸志畧舊制尚有丙溪龍船冲木林任溪都素瓮羊及三司前等舖

丘墓

明宣慰司副使劉貴墓 在府東桑坪山陽

土同知党宗仁墓 在府東南五里峩山之陰

通判任應科墓 在城南五里峩山之陰

思州府志 建設 丘墓 亭館

亭館

踞勝臺 舊在府治後後山絕頂舊名松園堂康熙

辛丑知府陳元改建於府署後山之麓

望江樓 東門渡口明知府李允簡建今廢

盤龍樓 盤山上

捧日樓 即東門城樓

登瀛閣 即文昌閣

慈雲閣 府城西南

省耕亭 府南一里

瑞蓮亭 在府署左

聚春亭 在府署後俱廢

寺觀

廻龍寺 府東門外明嘉靖年間建

後山觀 城內西南隅

鰲山寺 在龍鰲里唐時僧慧通建今廢

真武觀 在旗頭山上明隆慶年間建

關帝廟 在府盤山上

中興寺 在黃道司毛坡里康熙十九年僧從哲買

思州府志

建設 寺觀

三

卷三

地建造四十九年火燬其徒宗傳改向重修
創業之與守成人皆謂創之人難不如守之人
逸抑知創之時簡不如守之時煩如郡邑初創
城不必其甃也署不必其飾也宮墻不必其巍
且煥也規模粗備苟如是是亦足矣迨承平日
久民居漸以稠物力漸以裕為守令者出其橐
中之餘而倡率之曰城當甃矣署當飾矣宮墻
當巍且煥矣因復念曰某祠宇當建也某橋梁
當架也某亭臺當置也斯時之民莫不鼓舞以

從事焉數百年後猶得指而言曰某事某守令之所爲也某地某所某守令之所成也此其爲之豈一人而成之豈一時哉乃前人旣已爲而成之而後之人聽其毀而不之繼是能創而不能守也奈何前人任其勞而後人安其逸與故田有其舉之莫敢廢也雖然亦視其時何如耳今思郡城垣館署學宮以及祠宇橋梁諸所皆數百年以來前後守所經營而成者兵燹之餘或崩頽無存或傾朽已甚無在不需修葺顧不

思州府志 建設

三十一

卷三

能出其橐中所餘以倡率斯民而民亦無有鼓舞趨事者豈不難哉余觀近日緇流或募修某寺補某像民間升斗錙銖無不喜捨恐後若地方公事則曰此守土者之責也吾儕小人何與焉嗟乎此日之郡邑吏方且應酬之不給朝夕之不^謀敵其有餘力以及營建諸務者蓋亦鮮矣况瘠薄知思郡者乎今而後安得休養數十年使民豐物阜而以前人所已成而復廢者一一修舉之也 陸志畧

按思郡孤城保障再遷後定土易以石甲寢以
高府學既建於郡南衛學復歸於府屬雖無州
縣之轄而得士之盛亦無殊焉但有關於民社
者前賢任創業之勞後賢廢墜弗修物力維艱
往往然也深意修無益之寺觀不如置買學田
以助義學根本固而人材興蠻陋之區不難丕
變齊魯矣蔣深識



思州府志卷之四

護理思州府事餘慶縣知縣長洲蔣深纂輯

賦役志

里甲

戶丁

田糧

支給

蔣深論曰民數之盛衰開國計之盈縮思郡屢經兵燹田荒丁逃戶口寥寥幸承平日久亦已生齒漸繁硤确日闢矣但物產不饒則商賈鮮至民苗雜處則稔歲堪憂即官有常平之貯民有糶糴之場其能哺此嗷嗷者乎蒞茲土而能於賦稅緩急之間加以調劑更於民苗爭鬪侵

思州府志

賦役

里中

卷四

蝕諸弊嚴其條約紳衿率先輸賦土司恪守成規則公事理而編氓樂訟獄簡而隴畝閒故觀於鄉而知王道之易易也君子宜究心焉爰作賦役志

里甲

都坪峩異溪長官司 轄在城峩異二里在城七洞
曰在城大關上住大佃峩山龍塘丙溪又附後山
四洞曰爐洞胆洞埂洞上下新溪峩里十洞曰上
下酒溪異溪架溪中下二住面溪平姑都坪大寨



又分龍馬亮溪二洞天應着溪

黃道溪長官司

轄平岳茅坡龍鰲三里各分十甲

都素長官司

轄馬口一里有半爲七洞曰杜麻石

毛土漏金豹凱空客樓地連

施溪長官司

轄半里分十甲

戶口

蠻民三千二百一十三戶

戶浮於丁例無所考

人丁

明萬曆年間人丁二千一百五十一丁共徵差銀八

思州府志

賦役

戶口

人丁

二

卷四

百九十兩零七錢

崇禎年間人丁二千四百一十六丁共徵差銀一千

五十兩八錢五分除逃亡外

都坪原額八百七十八丁

黃道原額八百零九丁

都素原額一百八十九丁

施溪原額二百七十五丁

國朝實在人丁五百四十丁共徵差銀二百一十五

兩三錢五分

按各省人丁五年一編黔省從

編審故歷年並無增減又按思屬丁出於土客
戶例不編人第人有逃亡而土無死徙何以兵
燹之後失額如許卽云土亦荒蕪歷年豈無開
墾計土報丁似可漸復乃乎定以來上下相蒙
曾無議及此者蓋國家大矣如增數百丁不爲
益減數百丁不爲損畱有餘於民間亦見前人
之忠厚有心也然以丁之不清而使土亦盡失
凡民間山場與軍屯相隣者徃徃被其侵占蓋
軍土之糧有定民土之丁不分故無所據以相

思州府志

賦役

人丁 田糧

三

卷四

乎耳然則思屬之丁何時可望其復額耶

陸志畧

康熙六十年編定報部丁數共七百八十六丁

上丁七十九丁

每丁徵銀七錢共銀五十五兩叁

中丁一百九十五丁

每丁徵銀五錢共銀九十七

下丁三百二十三丁

每丁徵銀三錢共銀九十六

下下丁一百八十九丁

每丁徵銀一錢五分共銀

外滋生人丁永不加賦四司共五十六丁

田糧

明萬曆年間丈實民苗田四萬八千三百八十畝二

分零四釐額糧八百五十六石七斗六升六合五
勺七抄六撮五粒二粟徵銀三千一百三十一兩
六錢除荒蕪外

國朝康熙七年實在田二萬九千一百六十三畝一
釐九毫八絲一忽九微一塵康熙七八兩年報墾
田八千四百八十一畝五分一釐五毫二十四年
奉

旨清丈實在田三萬八千四百六十八畝零一釐七
毫二絲六忽五微四塵六渺額糧正耗七百一十

思州府志 賦役

田糧

四

卷四

三石六斗三升四合零七抄七撮四圭二粒一粟
徵銀二千四百二十六兩七錢七分九釐九毫一
絲一忽六微三塵六纖四渺遇閏加銀一百四十
四兩六錢五分五釐七毫一絲四微二成五纖按
七八兩年所報開墾非實數也今奉

旨清丈有增無減乃以由單暫除九年報墾之數作
為自首遂成定額矣

都坪 原額民苗田一萬六千二百二十二畝八分
一釐三毫報熟一萬三千三十九畝六分七釐六

毫一絲六忽七微四塵三纖八湫新丈一萬三千二百六十九畝五分四釐五毫六絲六忽七微四塵三纖八湫內民田九千八百六十六畝九分六釐六毫三絲六忽七微四塵三纖八湫苗田三千四百零二畝五分七釐九毫四絲

黃道 原額民田一萬八千三百一十九畝四分七釐八毫報熟一萬四千七十四畝三分三釐四毫六絲二忽五微三塵六纖四湫新丈一萬四千三百五十六畝一分六釐八毫八絲七忽九塵六纖

思州府志 賦役

田糧

五

卷四

四渺

都素 原額民田九千五百二十七畝五分九釐三毫報熟七千一百八十八畝八分九釐九毫二絲二忽九微五塵九纖七湫新丈七千零九十八畝七分九釐七絲一忽七微三塵三纖九湫

施溪 原額民田四千三百一十畝六分三釐六毫報熟三千三百四十二畝六分二釐四毫七絲九忽六微八塵一湫新丈三千七百四十三畝五分一釐二毫九微六塵六纖六湫

外鎮遠府邛水司開墾過割苗糧並崇禎二年開
墾荒田折糧銀四十八兩七錢一分六釐五毫久
荒無徵

糧差

都坪 每畝徵糧一升七合六勺一撮二圭六粒四
粟民田每畝徵銀九分六釐九毫八絲一微九塵
八纖五渺九茫苗田每畝徵銀七分八釐六毫九
絲八忽七微七塵一纖五茫

黃道 每畝徵糧一升八合五抄四撮二圭三粒徵

思州府志 賦役

糧差

六

卷四

銀九分二釐五毫三絲五忽三微四塵二纖八渺
都素 每畝徵糧一升四合九抄三撮九圭三粒八
粟徵銀七分五釐九毫八絲二忽三微五塵二先

四渺四茫

施溪 每畝徵糧二升三合七勺七撮五圭二粒徵
銀八分九釐二毫九絲一忽四微一塵九纖三渺
四茫

外四司每糧一升加耗五勺每銀一两遇閏加徵
四分二釐二毫一絲三忽三微一塵五纖一按萬

曆年間都坪民糧每斗派銀四錢三分苗糧每斗派銀三錢四分黃道每糧一斗派銀三錢二分都素糧每斗派銀四錢六分施溪糧每斗派銀二錢六分未知加自何年至加數之輕重亦不一例惜無從溯其根源而為之釐正也陸志按陸志載四司徵糧之數與今無異獨徵銀之數萬曆年間遞加今逢

聖明愛民若子仁風遐被如都坪黃道都素三司徵銀二分有奇施溪一司且不及二分抑何與有

思州府志 賦役

糧差

七

卷四

明之賦稅多寡頓異若此耶吾願思之君子無忘食德小人共樂昇平爰有樂土余幾望之今查府屬四土司原額民苗田四萬八千三百八十畝三分各司科則開列於後

原額秋糧正米八百五十二石七斗六升五合九勺七抄七撮五粒二粟原額耗米四十二石六斗三升八合二勺九抄八撮八圭五粒一粟原額條馬銀四千二百九十八兩八錢四分四釐二絲四忽二微四塵自康熙二十四年承文後節年開墾

陞科至康熙六十一年止現今四司成熟田三萬
八千八百六十四畝八分一釐三毫二絲六忽五
微五塵應徵條馬銀三千四百六十兩九錢八分
九釐二毫一絲九忽六微遇閏年每兩加徵閏銀
四分二釐二毫一絲三忽三微一塵五渺共閏銀
一百四十六兩九分九釐八毫一絲二忽五微六
塵四纖二渺應徵秋糧正米六百八十八石三斗
五升六合八勺三抄六撮四圭五粒應徵耗米三
十四石四斗一升七合八勺四抄一撮八圭二粒

思州府志

賦役

糧差

八

卷四

二粟

都坪司成熟民田九千九百六十畝二分六毫二絲
六忽七微四座三纖八渺苗田三千四百二畝五
分七釐九毫四絲

係都坪後山洞

黃道司成熟民田一萬四千四百三十六畝五分六
釐八毫八絲七忽九塵六纖四渺

都素司成熟民田七千二百六十三畝三分七釐六
毫七絲一忽七微六塵三纖九渺

施溪司成熟民田三千八百二畝八釐二毫九微六

塵六先五渺

四司畝數載前各司科則每畝有糧多銀少者原有上中下則例賦役全書亦未開載

都坪司民田每畝徵糧米一升七合六勺一撮二圭六粒四粟每石糧加耗米五升每正米一升起徵條編銀二分八釐三毫八絲一忽七塵八纖五渺馬館銀二分六釐七毫一絲七忽三微五塵苗田每畝徵糧米一升七合六勺一撮二圭六粒四粟每石糧加耗米五升每正米一升起徵條編銀二分

思州府志

賦役

糧差

九

卷四

分三釐三絲一忽五塵二纖四渺馬館銀二分一釐六毫八絲九微四塵七纖三渺

黃道司田每畝徵糧米一升八合五抄四撮六圭三粒每石糧加耗米五升每正米一升起徵條編銀二分六釐四毫二微九塵二纖馬館銀二分四釐八毫五絲二忽六微七塵七纖

都素司田每畝徵糧米一升四合九抄三撮九圭三粒八粟每石加徵耗米五升每正米一升起徵條編銀二分七釐七毫六絲九忽七微二纖六渺馬

館銀二分六釐一毫四絲八微一塵六渺

施溪司田每畝徵糧米二升三合七勺七撮七圭五粒二粟每石加徵耗米五升每正米一升起徵條編銀一分九釐四毫三微二塵六纖五渺馬館銀一分八釐二毫六絲三忽五塵八纖六渺

共有徵條馬銀二千四百六十兩九錢八分九釐二毫一絲九忽六微

荒蕪無徵銀八百三十七兩八錢五分四釐八毫四忽六微四塵二纖一渺

糧差 雜課

十

卷四

共有徵正耗米七百二十二石七斗七升四合六勺七抄八撮二圭七粒二粟閏年無增後有新墾陞科例增不等荒蕪無徵米一百七十二石六斗二升九合五勺九抄七撮六圭三粒一粟

雜課附

黃蠟一百八十九觔折價一十八兩九錢無徵

支給

一應徵丁銀二百七十八兩五分內上丁七十九丁每丁徵銀七錢中丁一百九十五丁每丁徵

銀五錢 下丁三百二十三丁每丁徵銀三錢
下下丁一百八十九丁每丁徵銀一錢五分

一應解藩庫條馬丁銀三千五百三十二兩四錢六分
此康熙六十年楚閩奏銷之數如不遇閏減去分閏銀壹百四十六兩零後有新墾例增不等

一存番經費俸工銀三百五十三兩七錢七分零小
建扣除款項列後

一存番曆日銀四兩

一存番春秋祭祀銀十二兩
平清二學春秋丁祭係楚省本衛發辦

一存番春牛花鞭銀六兩

思州府志 賦役 支給 十一 卷四

一存番官役俸工就地支放

一知府員下每歲俸薪一百五兩
春夏二季俸銀五十二兩五錢在存

番銀內支銷秋冬二季赴藩庫領

門子二名每名每年工食銀六兩共工食銀一十

二兩 春夏二季工食銀六兩在存番銀內支領秋冬二季赴藩庫領

步皂十二名每名每歲工食銀六兩共工食銀七

十二兩 春夏二季工食三十六兩在存番銀內支領秋冬二季赴藩庫領

轎傘扇夫七名每名每歲支工食銀六兩共工食

銀四十二兩 春夏二季工食二十一兩在存番銀內支領秋冬二季赴藩庫領

禁卒二名每歲支工食銀六兩共工食銀一十二

兩春夏二季工食銀六兩在存番銀
兩內支領秋冬二季赴藩庫領

斗級一名歲支工食銀六兩春夏二季工食銀三兩在存番銀內文領

秋冬二季赴藩庫領

經歷一員每年俸薪銀四十兩春夏二季俸銀二十兩在存番銀內

領秋冬二季赴藩庫領

門子一名歲支工食銀六兩春夏二季工食銀三兩在存番內領秋冬

二季赴藩庫領

皂隸二名每名歲支工食銀六兩共工食銀一十

思州府志 賦役 支給 十一 卷四

二兩春夏二季工食銀六兩在存番
銀內領秋冬二季赴藩庫領

馬夫一名歲支二食銀六兩春夏二季工食銀三兩在存番銀內領秋

冬二季赴藩庫領

府學教官每年俸薪銀三十一兩五錢二分春夏

俸薪銀一十五兩七錢六分在存番銀
內支領秋冬二季赴藩庫領

齋夫二名每名歲支工食銀一十二兩共工食銀

二十四兩春夏二季工食銀十二兩在存番
銀內支領秋冬二季赴藩庫領

膳夫二名每名歲支工食銀六兩六錢六分六釐

共工食銀一十三兩三錢三分二釐春夏二季

兩六錢六分六厘在存番銀
內領秋冬二季赴藩庫領

門子二名每名歲支工食銀六兩共工食銀一十

二兩春夏二季工食六兩在存番銀
內支領秋冬二季赴藩庫領

喂馬草料十二兩春夏二季草料銀六兩在存番
內支領秋冬二季赴藩庫領

平清二學俸工數目與府學同領亦係春夏二季赴藩
領秋冬二季赴藩

庫支領

一舖夫額設六舖共舖夫二十名每名歲支工食銀

三兩六錢共銀七十二兩春夏二季工食銀三
十六兩存番銀內領

秋冬二季赴藩庫領外又下幫工食銀三十
六兩歲支口糧七十二石奉藩憲撥支

思州府志 賦役

支給

十三

卷四

一思州額設廩生四十名每名歲給廩糧四石應支

米一百六十石每年廩生名數增減不一各廩

糧俱係府倉支領平精二學廩生每年奉道會
計兵糧等事內在別府州縣

撥給

一駐防思州兵丁二百名每名年支米三石六斗共

支米七百二十石小建扣除遇閏照月支給思

州秋糧支完不足營內兵米歷來年中糧憲於

會計兵糧等事撥別府縣倉糧添補營內親往

請領

積貯

一積貯案内常平倉存貯捐穀八百石

一重農案内常平倉存貯捐谷七十二石五斗又長

官周秀罰俸米二十五石

一欽奉案内分貯府屬四土司適中倉米三十八石

二升五合谷四百七石四斗二升七合內都坪司

分存米一十二石六斗七升五合谷一百三十五

石八斗九合黃道司分存米一十二石六斗七升

五合谷一百三十五石八斗九合都素司分存米

思州府志 賦役

積貯

十四

卷四

七石六斗五合谷八十一石四斗八升五合四勺

施溪司分存米五石七升谷五十四石三斗二升

三合六勺 此案米谷向置府倉康熙三十三年知府張聖佐詳請分貯四土司

租賦

賑田一十九畝九分 坐落地名都素司客棧洞徵一十石七十一升四合二勺八

抄五撮七圭二粒三粟

學田二百畝 徵谷六十石全荒

學地一十畝 徵谷一石九斗五升全荒

按陸志所載以上三款今查賑田係該地居民

何遜志等數戶耕種每年租谷奉文撥支舖夫口糧學田二百畝內黃道司平岳里成熟者一十八畝冊名務程峒土名架稿坪螺螄壠若鶴壠浸牛塘清丈一十七畝五分載糧三斗二升二合零學宮經營護府蔣深查路梁田十三畝四分六釐五毫地名落水壠岩灣新壠牛草坪四處歸府為義學之資載糧二斗五升六合

市場

北街市外府塘

新正街市門外南

思州府志

賦役 市場物產

十五

卷四

本城場在府城門外每

都坪場離府城

大興場離府城

平牙場離府城

大有場離府城

羅家山場離府城

小舖場離府城

轉水場離府城

田塍岩場離府城

物產

穀類

早穀有六十日白露早洗杞

晚穀有早麻粘益草粘之類
紅過冬青矮筒禾之類
開糯黃區糯都勻糯香

早稻亦種山土中平地

稷即粟類似

梁似粟而大

麥有大麥小麥

豆燕麥三種

玉米一名包谷米

蔬品

芥

韭

芹

菁

甜菜

菠菜

薺

蒿苳

思州府志

賦役物產

十六

卷四

茄子

王瓜

東瓜

絲瓜

南瓜

苦瓜一名錦荔支

刀豆

裙帶豆

四季豆

羅葡

瓠

葱

同蒿

白菜

苦蕒

苜菜

蒜

蕨

芫荽

芋

菌有羊肚青

薤俗名薤豆形小名苦薤形大名薤腿薤

葫蘆

果品

柑

橘

橙

柚

黍即膏粱

粟即小米有黃白二種

菽有苦菽甜菽二種

豆有豌豆扁豆蚕豆紅豆黃豆菜豆黑豆紅

秬黑黍

香緣

梅

杏

桃

梨

李

石榴

棗

柿

栗

枇杷

櫻桃

來禽

銀杏

核桃

花紅

西瓜

花品

牡丹

芍藥

蓮

紫薇

紫荊

山鵲即紅鵲

芙蓉

海棠有鐵梗

桂有紅黃二種

梅有香二種與不香

臘梅

菩提茨

思州府志

賦役

物產

十七

卷四

蘭有香二種與不香

淡竹葉

蛺蝶花

蜀葵

向日葵

剪春羅

罌粟

白鶴即玉簪

雪裡紅

芭蕉

水仙

菊有黃白紫紅四色

木槿

鐵線蓮

月月紅

玫瑰

薔薇

瑞香

茉莉

美人蕉

梔子

鷄冠

粉團即綉毯

荼蘼

香花

鳳仙

竹木

竹有箭竹筍竹斑竹松竹苦竹紫竹

檜

藥品	冬青 <small>子名蠟樹</small>	枹木	楠	楓	椿	松
	真	椶櫚	梓	柏	桑	栢
	楮 <small>一名黃構皮</small>	羊桃藤	青桐	黃楊	楸	柳
	樹					
		麻栗	梧桐 <small>青白二種</small>	白楊	槐	杉

益母草	何首烏	五味子	車前草
枸杞子	地骨皮	天門冬	麥門冬
思州府志	賦後物產		
小茴香	香附	山茨菰	希簽草
五佳皮	穿山甲	旱蓮草	金銀花
馬鞭草	黃精	荊芥	薄荷
黃蘗	桔梗	紫蘇	陳皮
半夏	前胡	山藥	薏苡
青皮	木通	瓜蒌	厚朴
赤芍	枳壳	牛膝	茱萸
百合	常山	紫草	蒼耳
沙參	續斷	蒲公英 <small>即地丁草</small>	艾草

貨類
海椒俗名辣火土

金精石即金星石產下

油有菜油茶油桐油柏油芝麻油蘇麻油火麻油粟油草麻油各種

棉紙

棉花

棉布

花椒

苧麻

葛布

蜂蜜有巖蜜茶葉

白蠟俗曰冬青樹

黃蠟有巖蠟菽油子

藥弩

蘆笙

金星石硯石出星石潭及小溪等處

羽屬

黃鸝

白鸚

竹鷄

錦鷄

思州府志

賦後物產

十九

卷四

鴛鴦

鷺鷥

鶻鷂

畫者

布穀

鸛鷄

鷓鴣

斑鳩

巖鷹

喜鵲

烏鴉

白頭翁

野鷄雉一名

野鴨

山蛇

白鶴

青鶴

燕

鴝鶒即訓

啄木

百舌

鶻

鴿

杜宇一名子規

毛屬

虎

豹

熊

羆

麋

鹿

豺

麂

兔

狐

狸

野豬

山羊

茨豬

猿

獾
即果狸

竹猫

猴
有最
小者

鱗介

魚

有青魚鮎魚鯽魚鯉魚膳魚白魚油魚短頭魚
長唇魚鮰魚黃尾魚蝦魚赤甲魚石花魚角魚

鰻頭魚青背魚
大眼鰻魚

鱉

螺

蚌

蝦

龜

鯁

蚌
形如蚌
小不可食

歷代取民之制輕重不一大約歛從其薄則帝

思州府志

賦役

物產

二十

卷四

王治世之良法與聖賢訓世之格言皆此志也

禹貢則壤成賦止行於中和而要荒不及焉思

州在荆梁二州之界宋元以前苗蠻分據其中

生齒之蕃耗田宅之寬狹莫得而稽之今之計

丁而輸差量田而納稅惟正之供兢兢乎王章

是凜矣雖然先聖王之取於民非得已也足以

備用而已故凡一郡一邑必酌其田口之所出

與其公私之所用而制為賦稅之準常使民寬

然有餘力焉蓋聖王之所重者人與土耳未嘗

利其財也若惟財之是利而併不計其用焉將土何以成土而人何以成人哉余搜覽遺籍明萬曆間所刊歲用冊思郡四土司歲徵糧丁差銀四千餘兩皆以供本郡朝祭大典諸費及官役俸食而傳銀兵餉亦於此取給焉無所謂解京解邊錢糧也近者諸費盡裁而以地丁銀兩全解司帑郡吏不得名一錢矣夫糧丁之銀因差而派也銀已去而差猶存安得不重困吾民乎而且慮其難繼也蓋財之源易窮而其流無

底必有以轉輸之乃能相通而不匱故取之於民者還用之於民斯上下之財常若有餘今有取而無用恐竭澤而漁明年無魚矣嗟乎思郡民田舊額四萬餘畝不過江浙一二富家之產耳四土司丁口計其力耕所獲者尚不足以自給而又無桑土漆林之利以來遠方之商賈資其貨財歲賦之輸憂憂乎難之乃官茲土者且欲搜其隱漏督其開墾以博一時之賞擢而貽茲郡以無窮之害恐忠愛之長當亦不忍爲也

陸志

畧
丑有定賦戶無定丁故五年編審即有增丁增銀之例今奉

聖天子曠世隆恩自康熙五十五年起丁有滋生永無加賦查思郡明季丁有二千四百田有四萬八千培養百年其丁差田賦考之賦役全書通志所載四司熟田尚缺一萬人丁尚少一千六百良可慨也至舊志積貯物產多所未備詳搜臚列免譏遺漏矣蒞茲土者義學而兼社學以廣育賢常平而添社倉以賑灾稔教養兼得民苗協和而治無不興矣蔣深識

思州府志卷之五

護理思州府事餘慶縣知縣長洲蔣深纂輯

選舉志

進士 舉人 貢生 監生

蔣深論曰思自有明設郡建設之後人才蔚出至我

朝而文教遠被懷瑜握瑾之士或以賢良或以明經
駸駸乎盛矣且平兩學隸府提調豈曰維楚有
才晉實用之乎至於辟雍鍾鼓遠人鮮得觀聞
乃間有思觀光於國學者亦不可謂非有志

思州府志

選舉

一

卷五

之士也爰作選舉志

思州府學

進士

明無

舉人

明

傅汝舟

成化丙午中湖廣鄉試官叅政

李

芹

嘉靖乙酉中湖廣鄉試官學錄

舒

魁

戊子科官通判

姜

潮

丁酉科官思南府訓導

舒

華

庚子中湖廣鄉試

鄒

孟

丙午科官知州

劉相 丙午科官知縣

吳麟 乙酉科官知縣

朱環 通志作襄壬子科官主事

邊捷 壬子科官教諭

周廷璉 壬子科官知縣

戚鈇 乙卯科官知縣

甘閏 戊子科官知縣

李成棟 戊午科官知縣

何嶼 通志無名陸志畧增入不知何據

楊和 辛丑科官知縣

陳應奎 隆慶丁卯科官山西按察使司

吳道東 庚子科官長史

李惇 萬曆丙子科官知府

劉懷民 已卯科官同知

邊上臣 壬午科官知縣

尹新 乙酉科官籍除

劉懷宇 甲午科官知縣一云知府

丁汝臣 丁酉科

思州府志 選舉

朱邦彥 庚子科

祝天應 庚子科

李朝柱 癸卯科官通判

高梁楹 丙午科官雲南監軍道

詹儀 丙午科

朱穀 乙卯科官推官

周懋仁 乙卯科官知州

朱祚盛 戊午科官思石銅仁勦撫道

朱邦俊 戊午科官布政司

高梁楷 戊午科官雲南知府

詹仲 天啟辛酉科通志思南人

任之望 丁卯科官知縣

康思孝 丁卯科

戚功勳 崇禎庚午科

李之駒 癸酉科官兵備道

李標 癸酉科官知州通志載貴陽人

丁文魁 癸酉科官知州

高士美 已卯科官主事

朱道盛 壬午科通志
載思南人

國朝

進士 文無

馬元勳 甲午武舉
乙未進士

舉人

任中鳳 順治庚子科

廖士奇 壬午科餘
慶縣人

武舉

田仁統 庚午科

思州府志 選舉

副榜

劉 鈺 庚午科

貢生

明 萬曆以前無考

楊應時

劉懷禮

吳道東

王汝孝

楊 振

劉有憑 康熙丙子解元
任武陵縣知縣

劉懷瑜 乙酉科

何淶遠 甲午科

劉學禮

傅從禮

鄧之藩

李 燦

周 濂

楊秀錦

曾宗孔

徐守魁 任知縣

任應科 任通判

李泳

任應仕

黃采

楊先春

傅夢弼 任南直安慶道

李廷言

劉學孔 任知縣

劉學昌

劉一德

李廷高

劉時寧

張大有

李之騏

吳明經

思州府志 選舉

四

高士毅 拔貢任推官

李之驥 恩貢

楊通澤

石如崑

何鯨 副榜貢

吳伋 副榜貢

周祚昌

楊占春

高士弘 恩貢

劉啟亨 恩貢

李大由 恩貢

何謂美 恩貢

周懋脩

高士禎

任中龍 甲午任州同知

何秉淳 乙未

高士英 丙申

蕭上選 丁酉

國朝

劉懷泰 順治十七年貢

何謂善 恩貢

唐景齡 順治十八年貢

何學詩 康熙元年貢

周懋龍 康熙二年貢

夏熾 康熙三年貢 婺川縣訓導

劉之賓 康熙四年貢 赤水衛教授

劉士禎 康熙五年貢 鎮寧州學正

朱當鉉 康熙六年貢

王家鼎 康熙七年貢

何秉貞 康熙八年貢

任中驥 康熙十九年貢 永寧縣教諭

鄒延聖 康熙二十年貢 定番州學正

戚兆印 康熙二十二年貢

任中麟 康熙二十三年貢 涇潭縣教諭

陽煜 康熙二十四年貢 以上陸志

思州府志 選舉

五 卷五

楊旭 二十五年貢 任畢節縣訓導

鄧去爵 二十六年貢

鄭瑞 二十七年貢 現任永寧縣訓導

盧之琦 二十八年貢

劉士行 二十九年貢 現任法平縣訓導

鄒應去 三十年貢

劉祚新 三十一年貢 現任銅仁府訓導

鄒紹聖 三十二年貢 新授印江縣訓導

劉有憑 三十三年貢

姚大松 三十四年貢

鄒輔去 三十五年貢

姚大棗 三十五年貢 恩貢 現任浪浪衛教授

廖文瑛 三十六年貢

高汝璜 三十七年貢

張啟賢 三十八年貢

何學 三十九年貢

游廷禎 四十年貢

田

張應星 四十二年貢

談連璧 四十四年貢

何毓麟 四十五年貢

羅萬廷 四十六年貢

蕭堯佐 四十七年恩貢
銅仁府學教諭

楊維聰 四十八年貢

洪邁昌 四十九年貢

何 榮 五十年貢
現任普定縣教諭

周如伯 五十二年恩貢

任傳世 五十二年貢

劉士表 五十三年貢

劉懷琨 五十四年貢

陳萬卷 五十五年貢

劉師參 五十六年貢

任緯世 五十七年貢

鄧崑秀 五十八年貢

鄒善世 五十九年貢

何 森 五十九年捐貢

思州府志 選舉

六

景先仁 六十年貢

卷五

監生

顏時鼎

蕭 蘭

劉芳英

平溪衛學 詳建校志

進士

明

侯 位 由弘治乙卯中湖廣鄉試正德辛未成進士
陞兵部左侍郎

兵部左侍郎

唐一鵬 嘉慶癸未科由行 司考選廣東道御史
張佐辰 崇禎癸未科官吏部尚書 閣大

舉人

明

何騰黃 嘉靖壬子科官 順天府推官 黃惟一 壬子科官雲南 建川州知州

鄭國寶 辛酉科官山東 東平州知州 高世儒 甲子科官西充 秀縣知州

燕祖召 嘉慶癸酉科官 江鹽運副使 專州蘇州二府同知 歷浙

鄭維藩 乙酉科官河南 滎陽縣知縣 劉尚德 戊子科解元官 同知

袁應斗 戊子科官四川 金堂縣知縣 張植 戊子科官湖廣 平江縣知縣

思州府志 選舉 卷五 七

汪廷玉 辛卯科官雲南 臨安府同知 陳王道 辛卯科官廣東 廉州府同知

黃鳳翔 辛卯科官雲南 蒙化府同知 黃朝用 辛卯科官教諭

董漢臣 甲午科官廣東 文昌縣知縣 錢產 己酉科

曾鳳采 壬子科官廣西 藤縣知縣 郝安德 乙卯科官主事

單定國 戊午科 洪銘鼎 戊午科

袁雲龍 天啟辛酉科 袁翎 甲子科官知州

萬年策 甲子科官兵部 左侍郎 張國柱 甲子科官河南 武安縣知縣

劉廷獻 甲子科官四川 滎陽縣知縣 夏起龍 甲子科官雲南 武定府知府

劉芳久 丁卯科解元官兵部車駕官郎中 鄭逢元 崇禎癸酉科官 兵部尚書

章閣然丙子科官江南
鄭君錫丙子科官戶部
洪恩榮已卯科官中書
洪運昌壬午科官兵部
劉芳早壬午科 以上載通志及平溪衛志

國朝

萬鍾禮順治庚子科官
萬鍾艾康熙丙午科官
洪灝壬子科官四川
袁良佐戊午科
田毓龍戊午科
袁祖憲乙酉科
田榕辛卯科
張自成辛卯科
洪湜丁酉科
吳錦韜甲午科武舉

思州府志 選舉

八 卷五

貢生

明

劉尚仁官北直三河縣
洪鉞
張翹官廣西蒼梧縣
田珍
於崇官岳州府教授
章文宗官辰州府教授
洪岳忠官平越縣教諭
洪岳美官江南銅陵縣
洪騰霄官四川重慶府
許桂官四川內江縣
吳宗臯
洪位官江西星子縣
譚道
何天佑

鄭維翰

鄭之城官北直東安縣知縣

單嘉章官雲南河西縣知縣陞曲靖府同知

洪名盛官浙江嶧縣教諭

夏民仰官四川重慶府教授

張學聖官湖廣邵陽縣教授

唐一魁官貴州普安州學正

洪應秋官長壽伏羌兩縣知縣

單之賓官四川劍州學正

鄭維喬官湖廣宣慶府教授

何其高官廣東南海縣教諭

於觀光

李煒官四川德陽縣教諭

燕翼官貴州都勻府教授

夏民標官四川江津縣知縣未任

李希龍官廣東欽州通判

武尚德官福建教諭

陳大呂官銅仁縣教諭

思州府志

選舉

九

卷五

楊秀

袁勳

以上載平溪衛志

國朝

田起圖

官雲南保山縣知縣陞雲州知州

鐵可光

田起虬

官湖廣桂陽縣教諭

萬鍾岳

官貴州永寧縣教諭

萬鍾粟

官湖廣德安縣教諭

洪國禎

夏啟嗣

官康熙十九年貢

李宏先

官康熙二十一年貢

鄭君謨

官康熙二十三年貢

鄭君知

官二十四年貢

許之獬

官鎮遠府教授

劉文選

任葵川知訓導

夏時亮

二十八年貢

夏宗虞

三十一年貢

田種良 三十二年貢

萬慎獨 三十四年貢

田種穎 三十六年思貢官
獨山黃平訓導

許之麇 三十六年貢

趙元章 三十八年貢

陳甲 四十年貢

夏之駟 四十二年貢

洪泌 四十四年貢

鄭文雅 四十六年貢

馬士蘊 四十八年貢

劉希亨 五十年貢

燕之駿 五十二年思貢

袁祖澤 五十二年貢

洪國憲 五十四年貢

劉文炳 五十六年貢

趙琴 五十八年貢

洪滙 六十年貢

思州府志 選舉

十 卷五

監生

鄭超

清浪衛學 詳建設志學校

進士

明 無

舉人

明

黃卷 萬曆丙午科通志載思州人

袁瑛 萬曆己酉科

國朝

詹昂 康熙癸酉科係

劉在登 康熙甲午科係

貢生

明

丁作楫 恩貢官教諭

邊民孝 副榜貢官知縣

黃之勳 歲貢

王序 選貢官四川峽眉縣知縣

劉三畏 官龍里縣教諭

朱符 歲貢

劉之誼 拔貢官廣西縣知縣

胡維弼 歲貢官畢節縣教諭

戚懋勳 歲貢

李文思 拔貢四川廣安州知州

王宗孔 歲貢官江南宜興縣教諭

江東 歲貢官山東蒙陰縣教諭

思州府志 選舉

十一

卷五

劉在德 歲貢

劉登瀛 歲貢官龍里縣教諭

邊民孝 歲貢

朱祚隆 歲貢

朱當先 歲貢

宋名彥 歲貢

李鼎 歲貢

吳士彥 歲貢

國朝

唐景齡 康熙二年貢

夏熾 康熙八年貢官

朱當鉉 康熙十年貢

戚兆印 康熙二十二年貢貴定縣教諭

周士弘 康熙二十四年貢

朱令聞 康熙二十六年貢

夏之謨 康熙二十八年貢現任平溪衛訓導

倪文輝 康熙三十一年貢現永寧教諭

翁 熊現康熙三十二年貢劉紹伶康熙三十四年貢

夏之時康熙三十六年恩貢邊士英康熙三十六年貢

劉祚遠康熙三十八年貢雷國祥康熙四十年貢

崔鳳翎康熙四十二年貢戴文炯康熙四十四年貢

朱令望康熙四十六年貢戚玠康熙四十八年貢

黃登瀛康熙五十年貢衛紹姪康熙五十二年貢

周 冕康熙五十二年貢姚 薦康熙五十四年貢

李 瑗康熙五十六年貢翁世卿康熙五十八年貢

唐允中康熙六十年貢

思州府志 選舉

嘗論天生人才自足供一代之用此以言乎才之不待時而出也抑豈擇地而後生哉願上所取之何如耳周官鄉舉里選之法或以德進或以事舉或以言揚而後世專以文章取士兩漢對策試經唐宋兼用詩賦似但取其言而德與事且置之矣是烏足以盡天下之才乎愚謂人之有才不患其不足而患其有餘有餘而不能盡用彼將囂然自用其才矣有明試士先之以制義次之以論策

本朝欲變其法而終不能蓋四史六經聖賢所以垂訓萬世士子童而習之惟以正心誠意竭力致身諸言諄諄誦記及其操筆為文則殫精極微以希合乎聖賢之旨學術端而人品自正故有白首章句而不屑從他途以進者此陽示鼓舞之權陰存檢束之術與黔省西南荒徼教化未通苗頑錯處中有一二聰明特達者且自負為不世之才而囂然思有所用之故前人於分建郡衛之初即為之設立學校董以師儒而且

思州府志 選舉

十三

卷五

每歲貢士三年大比欣以功名之途而消其桀黠之性此道得也雖然上有以取下則下必有以應上天下人文之盛莫若荆楚思州密迩荆南聲教首被當有好學深思之士卓然以文章名世者乃有明三百年來指不多屈而近更寥落無聞時耶地耶吾更不能無望於取之者陸志

畧

按山薑先生黔志所載唐宋以來貴州分隸之省無論矣其叙有明之制曰明洪武初分隸雲

南湖廣四川布政使司後設都司於貴州領十八衛九所萬曆二十八年改湖廣平溪清浪偏橋鎮遠四衛隸貴州三十一年復以四衛隸湖廣至

本朝自康熙二十八年平清歸黔之後制度始得畫一矣蔣深識

思州府志卷之六

護理思州府事餘慶縣知縣長洲蔣深纂輯

人物志

鄉賢 孝義 隱逸
列女 仙釋

蔣深論曰人才不擇地而生亦必應時而出教化隆於上斯節義興於下也思雖褊小建郡有年忠孝節烈之行挺生拔萃豈限方隅矧平清兩學兼收並舉事稱盛矣其或服官野處者之不同其地承平遭亂者之各異乎時俱為邦家之光棗梓之幸故裡祀旌獎無非勸以寓懲他

思州府志

人物

鄉賢

一

卷六

如仙釋偶然託跡比之三丰之於嶽峨亦何多讓焉爰作人物志

府學鄉賢

元

劉 貴 郡人宣撫司同知明洪武初贖田氏稱

臣入貢五年以忠順授宣慰司同知八年遷宣慰司副使

黃原銘 郡人才智過人民苗親附以薦任沿江

安撫司安撫

黨宗仁 郡人洪武間以才幹任宣慰司僉事

周瑛 都坪司正長官征苗有功土人祀之甚

謹

侯位 平溪人進士歷官中丞抗疏受廷杖

賜祭葬詳平溪學鄉賢

傅汝舟 舉人官至叅政歷官有聲

李淳 郡人舉人萬曆間知永州府性倜儻清

慎自持士民懷畏前明戊申年入祠鄉賢

周懋德 都坪司正長官萬曆庚子奉調征播運

思州府志

人物

鄉賢

二

卷六

糧有功天啟壬戌隨撫院進勦水西安邦彥血

戰陣亡從祀省城忠臣廟

周懋仁 郡人舉人授南直太湖知縣蒞政七年

撫字有聲陞海州知州丁艱回里蕭然自守子

孫以清白稱

任應科 郡人以明經任廣西思恩府別駕蒞政

居鄉皆有譽望崇禎十五年入祠鄉賢

李之駒 郡人舉人官僉憲有才未竟其施

任之望 郡人明經應科子也舉天啟丁卯科孝

廉與父同宦蜀中父卒扶襯歸里至夔門狂風
陡作隣舟俱覆之望顛禱舟中隨風歌側行六
十里風息舟正竟得無恙人以為誠孝所感服
闕陞兵部職方司主事兩舉鄉飲大賓子五人
為孝廉者一為明經者三皆無忝庭訓云

國朝

何學政 都坪司正長官幼孤以嫡子承襲事其
兩庶兄甚恭居官盡職寬猛得宜勦撫隣疆著
有勞蹟康熙二十四年入祠鄉賢

思州府志

人物

鄉賢

三

卷六

平溪衛學鄉賢

侯 位 字世卿平溪衛人弘治乙卯舉人正德
辛未進士初授無錫知縣判斷如神日了百餘
事民咸心服邑當水陸之衝往來驛使絡繹位
性剛毅有不畏強禦聲行取兵部主事轉武庫
司郎中疏抗武宗批鱗廷杖直臣之名滿天下
後陞江南操江巡撫奏咸浮糧清海防諸大政
纍纍不可殫述後轉都御史母百歲奉旨建坊
霍韜有文載黔通志入府學鄉賢

萬年策 平溪人天啟甲子舉人歷官兵部左侍郎許之獬為傳詳藝文志

袁 翎 平溪人天啟甲子舉人任來安知縣丁丑七月流賊蟻至城下大呼袁清官不破你城經三日盡去縣境無擾全活男婦數千餘口安撫特疏具薦畧云循良大著芳聲流寇不改孤邑後陞壽州知州卒人皆惜未竟其用云

唐一鵬 平溪衛人萬曆己卯舉人癸未進士由

思州府志

人物 鄉賢

四

卷六

明紀

燕祖召 平溪衛人萬曆癸酉舉人任青州蘇州

二府同知署府篆計焚宦鹽御賜匾額曰直臣廉吏歷陞浙江鹽運副使

單之賓 平溪衛人由拔貢任四川劔州學正署州篆值流寇破城整冠罵賊以死川撫具題疏畧云罵賊有常山之舌臨難無苟免之心後奉旨單之賓既已封贈仍與他祭葬一禫看贈國

子監學錄一子來京承襲平溪衛志之賔入鄉賢又入忠臣祠

鄭逢元 字天虞平溪衛人崇禎癸酉舉人歷官總督禮部右侍郎康熙六十年紳士具呈詳入鄉賢督學院張批鄭逢元德功並立忠孝兩全身沒而名彰事久而論定允為黔楚之芳型堪入春秋之祀典

清浪衛學鄉賢

朱邦俊

思州府志

人物

鄉賢

五

卷六

李文思

拔貢任長沙府湘陰縣後陞四川順慶

府廣安州知州解任回籍鄉飲二次

宋名彥

貢生博學有文鄉人師事之隱居不求

仕進壽八十九

李鼎

歲貢博文嗜學奮志科名至老不衰

唐景齡

歲貢不願仕進居家教讀及門甚衆

夏熾

歲貢康熙八年廷試候補值滇逆不受

偽職至康熙二十一年任思南府婺川縣訓導

學校歸楚改補德安府應山縣訓導勤慎守職
課督不倦在任卒應山人士悲泣思慕不置

邊士斌 庠生性至孝甫十歲父病臂毒斌吮之
晝夜號泣禱於神願以身代父病忽愈父呼謂
曰願爾子如爾孝越三年而父卒奉母楊氏值
兵戈擾攘逃避山箐斌背負母氏以走涉江值
江水泛漲忽有白氣自上而下旋繞籠罩旁觀
母子不知其處而斌與母已登彼岸矣無波濤
之驚人皆異之後建學鳩工飭材矢公矢慎事

思州府志 人物 鄉賢

六

卷六

竣而後即安年五十八卒閭巷為之嗟嘆

朱祚盛 舉人任江南安慶府推官陞授思石銅

仁勳撫道安慶士民有政協天人評高月旦之

頌陸志載入思州萬曆戊午科舉人
今清浪儒學又開載清浪鄉賢

胡維弼 歲貢性淡薄益靜自守先明崇禎二年

任貴州畢節衛教授課士有聲按院學道獎薦
陞江南吳縣赴任一載解任歸里思州府每延
以大賓鄉飲七次

朱當先 歲貢學博行端高尚其志一時通庠士

孝義

子皆師事之 王文雄

字叔師貴州玉屏人乾隆三十二年由行伍隨征緬甸三十七年隨征金川皆有功官至總兵陣亡賞三等子爵謚壯節

明

田應秋 都坪司人嘉靖三十年苗賊攻陷府城

擄其父母秋與弟應期泣奔苗穴願以身贖父母得歸兩院旌獎

田紹昌 都坪司人廩生家貧性孝割股以療母疾院道旌其門

劉 惠 清浪人庠生父患癱醫家以穢不可施

思州府志 人物 孝義

七

卷六

藥惠口吮度不起遂乞衣衿終養父卒哀喪骨立葬後廬於墓側一夕隣家失火將延墓舍惠哀泣環護火尋滅人皆異之事聞撫按旌獎

國朝

鄒繼聖 明生員康熙五十九年士民公舉入鄉賢知府陳元看 持已端方居家孝友兩舉正實而不就品重播璵獨探理學以自娛胸羅經史為多士所矜式洵後進之典型允宜請入鄉賢以光俎豆督學院沈翼機准祀鄉賢賜先民

遺範匾額

田起虬 字角靈平溪衛人天性孝友痛其母江氏死于流寇每歲時伏臘輒嗚咽流涕悲不自勝居鄉里訓子弟動以古人為法隱惡揚善好義樂施黔楚之間卓然奉為典型尤博聞彊記熟悉勝國遺事每對人言終日亶亶不倦由明經歷任楚之桂陽黔之湄潭安平三縣訓導所至薰陶鼓舞必盡其職當補任安平時大中丞劉公蔭樞優禮遇之題舉孝行有年踰七旬精神矍鑠文行兼優之語後卒於任

思州府志

人物

孝義

八

卷六

夏

炳

清浪廩生性至孝年十三喪父值丁亥

兵戈舉家分散母羅氏重病炳服侍惟謹刻不敢離及母卒哀號不輟葬後廬墓庶母祝氏并幼弟熾失散無跡炳誠心思慕忽星月之下恍聞神言母弟在落脫地方汝往尋之即遇遂辭墓而往至其處果與母弟相逢迎歸養延師訓弟婚配成名順治十七年舉孝行奉督學道趙舉行旌獎康熙二年又舉孝友純篤奉督學道

衛復加旌獎

何舒鱗 郡庠生二歲而孤事瞽母以孝稱於鄉
里康熙五十七年督學院沈特加獎賞

陳萬選 郡庠生兄弟七人人皆稱其孝友思郡
士習健訟陳氏一門未嘗一至府城康熙五十
七年督學院沈旌獎以勵風俗

涂景愈 庠廩生謹慎誠篤孝友著聞人無間言
家距郡十餘里而四十餘年中非公不至思習
澆漓佻達每見而愧之

思州府志

人物

孝義

九

卷六

周如貞 庠生幼孤有孝行家貧吾耕不與外事
母邁疾思子如貞輒歸侍秦古人嚙指而心動
其庶幾焉

隱逸

國朝

胡士芳 字 草號眉雪拔貢生幼有夙慧比長
學問該博多讀異書識奇字時有書 之目其
詩文造意邃密使事奧僻自成一家之言終身
坎壈竟老死于窮谷

陳汝學 郡廩生學行雙美童叟敬服辭名不應
貢家政森嚴有太丘風知府王民暉賜匾旌之
列女

明

徐萬謙妻范氏 徐萬顯妻戴氏 徐鵬妻余氏
俱郡人遇洞苗攻城擄去相挽投河而死巡按
宿府 旌曰三門三節

張 東妻何氏

楊勝舉妻姚氏 熊仁妻范氏 土官司

思州府志 人物 列女

十

卷六

以上俱思州人值苗賊倡亂同時義不受辱挺
身迎刃而死萬曆十七年內兩院題旌

張 羽妻舒氏 思州人羽無子舒為娶妾生子
羽故妾亦隨歿舒年二十七誓不再適扶孤成
立壽七十餘提學吳國倫旌之

張 价妻高氏 思州人价故高年二十二以姑
老子幼遂守節事親撫子孀居五十七歲

高 達妻何氏妻吳氏 思州人達生三子長梁
楷何出次梁楹及李吳出達歿三子俱幼吳以

身殉何守節撫三子無異備極恩勤後楷登戊午科鄉試官知府楹登丙午鄉試官副使請於朝旌表有烏懷集海內名公傳讚詩歌甚夥

何 熊妻田氏 思州人守節四十年奉姑教子

里有芳聲經奉題旌

王應期妻高氏 陳洋妻曾氏 俱思州人年少

家貧撫孤成立流離不改其操

高粱栳妻周氏 年二十二梁栳死遺孤士俊士

哲俊甫二歲哲甫四月周青年守志誓死撫孤

思州府志

人物

列女

十一

卷六

垂四十餘年完貞以歿二子俱得食餼明末曾經具題旌表兵燹不果

國朝

鄒士昌妻冷氏 青年失偶孝事孀姑撫子鄒繼

聖等兄弟四人俱以文行成名備載藝文志陸

守序中

周祚昌妻徐氏 祚昌丙戌選貢戊子身故徐氏

孀守三十九年郡人稱其完節

徐 耀妻任氏 耀府庠廩生文行素著戊子避

亂扶羅遭袁兵之難任氏以身殉焉

吳通相妻劉氏 年二十四喪夫子幼家貧劉氏
矢志堅貞教子訓孫均列黌序雖疊遭變亂而
冰操不改守節四十八載年登七十二歲康熙
五十年郡人公舉詳請咨題奉

旨旌表建坊賜曰貞節

何源遠妻柯氏 源遠郡庠生柯年二十七源遠
死婦苦志守節雖宗欲奪其產婦率一孤鳴於
官得以保全夏延師教子何梅入庠康熙五十

思州府志 人物 列女

十二

卷六

七年督學院沈核實旌其門

張士林妻舒氏 年十八寡姑七旬子未週歲婦
孝養鞠育葬姑盡禮教子應宿遊庠五十八年
如一日宗族鄉隣上其事於郡康熙五十九年
學院沈旌表其門

任經世妻談氏 經世郡庠生歿時婦年二十六
所遺孤兒任昭撫育成立為庠生康熙五十九
年督學院沈旌之康熙六十年督學院張復給
匾旌獎任昭隨故婦復鞠育其二孫尤為可憫

尚朝覲妻龔氏 年二十六寡堅志守節姑屢欲奪其志婦志不可奪有慕其色者賄姑設謀欲亂之於樵路適有虎出林中其人悸踣姑始感悟姑死喪葬如禮教子從仁遊庠而與其叔析產每分多就少體姑志也康熙五十九年督學院沈康熙六十年督學院張並加獎賞

李 華妻許氏 年十六適華姑孀有幼叔婦事姑撫叔勸夫力學遊庠生四子華歿婦年二十五葬夫如禮忍哀慰姑孝養益篤撫幼叔與孤

思州府志 人物 列女

十三

卷六

免勤女工以足衣食或有強其改節時以輓運役煩欲借此重困之婦覺豫典產賣牛倩所親赴公急役竟莫能擾又宗俗有貧而黠者屢侵姑及婦諸孤莫能禦婦轉屢周之其人感悟且為綱紀農乘之事幼叔成立為婚配甫生子三歲而叔死孀孀而幼婦周旋俸恤助其撫孤守節孀趙亦守貞自矢人莫敢至其門鄉曲親黨莫不感而化之今年六十咸謂巾幗之鬚眉云都坪司故士官周如明妻黃氏 父堯彩江西九

江人以鄉薦起家崇禎末守思州甲申之變黔苗乘亂守避亂入山時如明之父懋和任事保護惟謹守德之女年與如明相等因議姻媾亂定守挈家歸黃故巨室求婚者衆女私謂母氏曰兒許婚於黔母忘之乎古人不以盛衰易節女聞父訓久矣幸勿更議他婚母以語父父知其不可奪遣僕送女於思州至則懋和物故如明丞襲另娶感婦信義迎歸正室婦溫惠寬恕無纖毫芥蒂周內外親黨以及所部苗獠稱其

思州府志

人物

列女

十四

卷六

賢而化之如明裝職頗準於禮法皆婦內助之力也生數子不育乃撫姪琇為嗣親愛教誨不啻已出如明歿葬祭有禮屢捍強禦堅立撫孤婦卒後郡守至者廉其寶屢旌之

邊之帥妻楊氏 思州府教授楊昌佐之女年十六歸於邊二十六而夫亡誓守終身自邊亡後家道日落楊勉力支持戊午歲兵變民走避深山忽遇賊即引刀勢面血污滿身欲先殺四子而後自刎賊驚捨之今值昇平子孫俱列宮牆

皆氏苦節之報也通衛紳士舉其節貴州督學
院沈賜額旌表

夏熾繼妻張氏 年二十歸于清浪衛貢生夏熾
熾任婺川教居家身勤織紡夫卒官慟絕復甦
者數次泣奠誓守督學院沈給匾旌獎

朱令聞妻鄒氏 年二十歸於清浪貢生朱孝事
孀姑姑病氏禱於天願以身代因夢神授方姑
飲藥即愈尋遭逆亂氏負姑走避苗洞路遇賊
氏求殺已貸姑賊為義感以去子四皆成名護

思州府志

人物

列女

十四

卷六

府蔣深給匾旌之

劉良臣妻鄭氏 年二十一值良臣病故家貧無
子孀居七十年未詳旌表

田賦國妻江氏 田平溪庠生病故江年三十守
節明末己丑之變氏避亂苗箐姑媳被執江跪
泣求代姑死賊不允刀斫其姑氏以頸就戮厲
聲大罵死姑僅受傷得以免云

田種心妻鄭氏 氏方年二十夫歿一慟幾絕忍
死撫孤以承先業親黨舉其節行學院沈書匾

顏其閭

侯 璋妻鄭氏 年二十四而寡姑閨其年少每令改適有丐婚者氏誓死以拒家貧取給針指縮衣節食以事尊璋姑病六載奉侍湯藥未嘗安寢姑卒竭力殯葬躬運瓦石男子不及也鄉里高其節孝聞於督學院沈扁旌其門

楊光炳妻張氏 年二十八而孀子三或督其耕或教其學紡績不間寒暑足跡不履閩外親黨莫見其面敝衣糲食情如也子學成而天婦哀

思州府志 人物 列女

十六

卷六

號不絕聞者悲之婦今年六十有七矣

周懋彩妻楊氏 懋彩死時氏年二十五無子父母念其無倚欲令改適氏涕泣而告曰亡人尚有嫡姪在即吾子也吾撫孤以續後嗣亦何憂於是誓死守節備歷艱險四十餘年如一日

袁義勝妻黃氏 年二十六夫死無子矢志守節已歷三十五載

周懋 妻鄒氏 年二十九子在襁褓夫死家貧時有慕其賢能欲強娶之者氏矢志不忒以承

先啟後為已任勤女紅以供衣食撫孤子以繼
宗桃苦節四十一年

詹奇選妻陸氏 年二十四奇選病亡遺腹子名有後
家貧氏採蔬度日豪強屢欲奪其志誓死守節撫
孤成立母子相依四十八年歿年七十有二平溪許之辯
作傳詳藝文志督學院張護府蔣俱匾旌其門

夏承衡妻萬氏 氏為前明大司馬年策之女年
十八歸于平溪庠生夏承衡越四載夏歿氏年
二十有二屢欲死殉因上有雙姑下有二子忍

思州府志 人物 列女

十七

卷六

淚承顏含悲撫育姑死喪塋盡禮教子之駟成
明經之驄為諸生真不愧健婦持門戶勝一大
丈夫也享年八十有一雖奉華張西文宗旌其
廬而輿情猶以未得顯彼絲綸為惜

裴定朝妻陳氏 賦性坤柔事夫與順乃年甫二
十二夫喪誓死不嫁奉老翁以盡孝撫幼子以
成立歷盡艱辛勁節無渝郡人援例合詞詳請
咨題雍正六年奉

旨旌表建坊賜曰貞節

楊昌祚妻陽氏 年二十一夫亡苦守樸持值翁
姑繼變衣棺悉為營辦孝養無虧孤燈永矢惜
無子而侄秀楷代養白首全操年登六十士民
合詞詳請咨題雍正六年奉

旨旌表建坊賜曰貞節

許登甲妻劉氏 年二十二登甲故上有垂白翁
姑下無叔伯兄弟苦撫幼子善盡承歡翁姑憫
其苦命以招夫氏則剪髮誓死不貳撫子育孫
萬鎰維翰均列鬻序苦節四十九載壽終七十

思州府志 人物 列女

補志

卷六

一歲閣郡公詞詳請咨題雍正六年奉

旨准入祠崇祀以闡幽光旌表建坊賜曰貞節

張士良妻楊氏 年二十夫逝守貧食力遇變不
渝完節無虧壽終五十八歲閣詞請題奉

旨准入祠典以發潛德旌表建坊賜曰貞節

仙釋

唐

通憲 天寶時僧在黃道司鰲山龍建般若招提
因上患瘡有道士奏寧爨郡鰲山有僧能治奉

召不終朝詣闕上果愈賜金帛不受賜乘馬還山亦不終朝而至後不知所之

椰子厚云楚之南少人而多石豈石之生能與人爭靈哉彼子厚固有激乎其言之也天下之石莫多於黔而所生之白金水銀丹砂與夫竹木之良者又得其水土之神氣若然則黔境之內將終古無人物與非通論也夫宇宙名山多矣而人之生其間者每得其氣之所鍾而性情區以別焉因而發為文章著之事業亦各有以

思州府志 人物

十八

卷六

自見故得山水之剛者其人必魁傑而尚武燕趙秦晉是也得山水之柔者其人必惠秀而能文吳越是也得山水之奇者其人必磊落而英多楚蜀是也得山水之正者其人必光明而俊偉中州是也雖不盡然然同者什九異者什一也若夫黔之山局迫而多幽黔之水勢湍而善折故其為人器量甚隘機智甚淺而性情則詭激而不易定蓋未離乎苗蠻之舊習焉耳雖然文章事業成乎人者也忠孝節義生乎天者也

故雖九州之外四裔之遠而其人之忠孝節義者往往見諸史冊況同在中土者乎黔之人雖文章事業未能埒於上國如山之與秦華爭其高水之與江淮爭其大而忠孝節義概不乏人殆未可以遐陬僻壤視之也夫芳型懿範莫為之前則不能開莫為之後則不能繼以思州蕞爾之區而郡志所載為名臣者若而人為孝子悌弟者若而人為貞婦列女者若而人後之生茲土者可無觀感而興乎高山仰止景行行止

思州府志 人物

十九

卷六

余於思人有厚望焉

陸志畧

按鄉賢崇祀本之鄉評主之當事苟非專祀不必出自王章也若節孝之倫自必顯奉綸綍而後烏頭綽楔光耀邦國苟非後嗣之堅志顯揚亦豈易言旌表哉今以陸志所載仍其列序深所增入者先以題旌者列於前而以各憲所獎置於後重 王命而戒濫冒也故列叙人物首以鄉賢節孝使人知典型未遠爭自濯磨此都士庶寧不可聞風而與起乎蔣深識

思州府志卷之七

護理思州府事餘慶縣知縣長洲蔣深纂輯

事變志

事紀 災祥

蔣深論曰思雖小郡溯其得名之始官制之設以及士司之變更城隍之營建事經數百餘年攷之陸志尚多缺畧深增入通志所載又採父老傳聞可免遺漏矣災祥之見未必有闕氣數然為休為咎郡之人民實身受之有郡守之責者其能不遇災思懼遇祥益警乎爰作事變志

思州府志

事變

事紀

一

卷七

事紀

唐

貞觀元年廢思州五縣屬務州

按通志思州之名至此始見

四年改務州為思州

天寶元年改思州為寧羸郡

宋

紹興元年置思州軍領安彝邛水思邛婺川四縣

嘉定六年秋八月庚午思州田宗範叛夔州路安

撫司遣兵討平之

紹定二年春二月壬戌築思州三隘

三年夏四月丁酉詔田應己駐思州

開慶元年秋七月丁亥知播州楊文知思州田應
詹各遷官一級

元

至元十二年冬十二月己亥四川行樞密答順請
降詔貸播州安撫楊邦憲思州安撫田景賢並
許世封從之

十四年夏五月乙卯詔諭思州安撫使田景賢

思州府志

事變

事紀

二

卷七

使其來附

十五年冬十二月庚辰思播安撫使田景賢楊
邦憲請歸宋舊借鎮遠黃平二城仍撤戍卒不
允田景賢等請降詔禁戍卒毋擾思播民從之
十六年春正月丙子賜思州田師賢部軍衣服
及鈔有差

十七年春三月甲辰思播侵鎮遠黃平界命李
德輝等往視之秋七月勅思州安撫司還舊治
十八年改思州宣撫司為宣慰司兼管內安撫

使

二十一年夏閏五月己卯思播二州隸順元路
宣撫司

二十八年秋七月己卯詔諭思州提省溪洞官
楊都要招安叛蠻來歸者免罪

二十九年夏五月丁未改思州安撫司為軍民
宣撫司隸湖廣省

三十年夏四月癸亥括思播等處亡宋湮手軍
冬十二月己未督思播二州及鎮遠黃平發宋

思州府志

事變

事紀

三

卷七

舊軍從征安南

元貞元年二月戊子思州田曷刺不花入來貢

仁宗四年春二月庚子思州宣撫司招諭官唐銓

以洞蠻楊正思等來朝賜金帛有差

延祐五年冬十月己丑播州南寧長官洛麼叛思

州守臣換任哥招降之

至治三年冬十二月丁亥免八番思播差稅一年

泰定帝元年秋七月丙戌思州平茶楊大軍酉陽

州奔世昌寇小石邪凱江等寨調兵捕之

二年秋七月庚午思州洞蠻楊銀等入貢

四年冬十一月庚午以田仁智為思州宣慰使

吳元年思州田仁智內附仍授思州宣慰使以上

通志

明

太祖洪武五年春正月分置思州思南二宣慰司

隸湖廣改銅仁司隸思州宣慰司

十八年夏四月思州苗叛征蠻將軍湯和副將

軍周德興從楚王討之苗寇聞王師至輒竄入山谷退則復剽掠和等

思州府志

事變

事紀

四

卷七

舉師抵其地恐蠻人驚潰乃於諸洞分屯立柵與蠻人雜耕使之不疑久之計擒渠魁餘黨悉潰凡戮四萬人師還留兵鎮之

成祖永樂十一年春三月宣慰使田琛與思南宣

慰使田宗鼎俱以構兵伏誅遂廢宣慰司為府

十三年知府崔彥俊城思州府

以上陸志畧

英宗正統十四年春二月邛水苗陷思州府時府城

築未固賊猝至不能為備死者殆半城遂陷

通志

憲宗成化十年知府王常城思州府陸志畧

武宗正德六年夏六月江津賊方四等寇思石貴

州兵敗之 通志

世宗嘉靖二十九年洞苗攻陷郡城知府李允簡

死之 苗方出寇參將石邦憲令二卒星馳報次

入城無軍防守衆猶不知知府李允簡被

執投崖而死擄掠人畜不可勝紀載通志

三十六年砌思州府城 陸志畧

通志

穆宗隆慶二年遷思州府治於平溪衛 從知府張

子中議載

神宗萬曆五年遷思州府於舊治 堯思州城十年

拓思州府城 舊三百二十丈色築後山

增一百二十丈陸志畧

二十九改平溪清浪隸貴州三十一年夏五

月復以平溪清浪隸湖廣 通志

熹宗天啟七年紅苗據牛角水銀黃柏二山為患

知府胡榘合兵殲之 陸志畧

庚寅年偽秦王孫可望據有黔地 陸志畧

國朝

世祖順治十五年三月大將軍固山額真羅託同

經畧洪承疇統兵取貴州 通志

十六年四月經畧洪承疇題准借給民苗牛種

銀二百兩五月題襲思州府屬各上司世職陸志

十七年四月總督趙廷臣請平溪清浪鎮遠偏橋四衛生儒照舊附黔應試通志

康熙三年裁各學訓導每府衛各設教授一員州縣大學設學正教諭一員中小學設訓導一員通志

十年二月總督井文焜題准禁革派幫損糧養馬民人勒石通衢

思州府志 事變 事紀

六

卷七

十二年十二月吳三桂反於雲南兵至鎮遠知府李敷治迎降於賊

十九年偽將軍王會敗兵過城大掠四月大將軍貝子章泰同綏遠將軍湖廣總督蔡毓榮統兵進黔偽經歷謝恩綸赴沅州獻餉投誠以上陸志

畧

二十二年九月巡撫陽雍建題割平溪清浪二衛驛站劃歸湖廣次年因以二衛學校歸楚通志

二十四年九月奉巡撫慕嚴禁革協夫

陸志

二十八年巡撫田雯疏題設貴筑縣學並以平溪清浪二衛生童仍在黔應試允之 通志

五十四年九月

欽差畫輿圖大人雙 費 卽至府畫圖

五十四年知府管承寵奉巡撫劉調守安順

五十五年奉

旨編審滋生人丁永不加賦

五十八年滿兵往滇奉文思州協濟焦溪晃州便水三站馬草共五十七萬觔

思州府志

事變

事紀 灾祥

七

卷七

六十一年四月知府陳元奉巡撫金調守銅仁

五月餘慶縣知縣蔣深奉檄護篆纂修府志八

卷十一月刻成板藏府庫

灾祥

元

至順二年九月思州鎮遠饑賑米五百石 通志

明

正德七年府治火 通志

十六年天上有紅光大團自南飛過北而去天

鼓鳴良久方息

陸志畧

嘉靖六年市火大中丞坊燬

陸志畧

十八年五月大水漂溺廬舍洒溪有二龍鬪

三十年夏思州府饑

通志

萬曆十二年冬大雷雹雨雪

陸志畧

三十六年思州府民易繡虎一產三男

通志

崇禎十七年五月大雨街市可以行舟竟日乃止

云有龍起自新添到處盡淹沒河架二溪民田

衝決成河者四百五十畝

陸志畧

思州府志

事變

災祥

八

卷七

七月思州梅花盛開成實

通志

國朝

順治十六年旱民苗食蕨

陸志畧

康熙二年五月大水居民泛舟入城

八年二月十五夜有雷起自

聖殿北角掣瓦而出柱有火爪痕

九年六月府署池開瑞蓮

二十年立冬日府城大火

被焚兵民四十五家知府陸世楷發粟以

賑之

二十三年六月至八月不雨都坪都素晚田無
收

二十五年閏四月二十八日驟雨溪水大溢衝
壞都坪民田二百五十餘畝以上俱陸志畧

五十四年六月初五日思州水荒城內水深五
六尺廬舍田地沖決頗多知府管承寵詳請緩
徵錢糧

五十五年五月十二夜思城失火延燒四十一
戶知府陳元報明撫憲隨家護撫白發銀四十

思州府志

事變災祥

九

卷七

一兩分給災民

孔子作春秋二百四十二年中詳載會盟征伐
之事而於日星雷電之變水旱蟲稼之災必統
統乎志之所以昭勸懲示敬畏也封建不復列
國既無史官郡邑之所紀載缺畧不詳然故家
遺老猶有述其傳聞而藏之簡冊者一披覽間
千百餘年之治亂安危瞭若目前矣故曰前事
不遠後事之師也思州為黔中門戶凡宇內有
龍戰雲擾之事西南兵禍必首罹其鋒焉考通

志云楚項襄王遣莊蹻將兵從沅水滅夜郎此
用兵之始也歷代以來叛服不常然蠢茲有衆
不過保聚山谷間撫之以德或傳檄而定臨之
以威則鳥獸散耳孰為之辨治亂慮安危哉自
有明開郡以後官有封疆之任而民有城社之
依其以固吾圉而禦外侮者不得不鯁鯁過計
焉然正統嘉靖間兩經苗患郡治再遷蓋地狹
民寡而又無高城深池以衛之其不危且亂者
幸耳今取三百年以來之舊事而約畧計之曰

思州府志 事變

十

卷七

若時治若時亂若時安若時危治與亂因乎時
也安與危或不盡因乎時也則夫制於未亂而
保於未危者其可以不盡人事乎哉若夫水旱
之災固危亂所由生也雖曰天意亦必修人事
以勝之夫上有蠲恤之思而下有賑貸之惠此
非人事之實與邇者倉無積粟帑無羨銀一遇
年饑賑貸何恃而請蠲請恤內外檢勘友增官
民之擾故有始報之而終諱之者非得已也救
荒大事而托諸空言豈久安長治之道哉

陸志
畧

稽有明至今灾祥疊見紀水紀旱而又紀火灾
肩民任者委天道之自然而莫之省與備旱備
潦救火救荒經濟之士當必有講明而熟計者
修省格天又不在乎梓慎禘竈之占測矣蔣深
識



思州府志卷之八上



護理思州府事餘慶縣知縣長洲蔣深纂輯

藝文志

諭告
墓誌

疏

狀

序

記

議

考

蔣深論曰上之為播告下之為敷陳以及牧民
經世之務無不繼功德以立言本經術而矢志
即謳吟間作托物興懷異地異時猶有誦其詞
而如見其人者藝文不綦重乎思雖荒裔自有
明開設歷我

朝而久道化成文章華國不乏名賢是可兼羅而

思州府志

藝文

諭告

一

卷八上

博採也爰作藝文志

諭告

明洪武

諭宣慰司田仁智入覲勅汝在西南遠來朝貢其意
甚勤朕以天下守土之臣皆朝廷命吏人民皆朝
廷赤子汝歸善撫之使得各安其生則汝亦可以
長富貴矣夫禮莫大於敬上德莫大於愛下能敬
能愛人臣之道也

國朝

卧碑 順治九年頒

朝廷建立學校選取生員免其丁糧厚其廩膳設學院學道學官以教之各衙門官以禮相待全要養成賢才以供 朝廷之用諸生皆當上報 國恩下立人品所有教條開列於後

一生員之家父母賢智者子當受教父母愚魯或有非為者子既讀書明理再三懇告使父母不陷於危亡

一生員立志當學為忠臣清官書史所載忠清事蹟

恩州府志

藝文

諭告

二

卷八上

務須互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就為官必取禍患行害人之事者徃徃自殺其身常宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入即有切已之事止許家人代告不許干與他人詞訟他人亦不許牽連生員作証

一為學當尊敬先生若講說皆須誠心聽受如有未明從容再問無妄行辯難為師者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷

曲所作文字不許妄行刊刻違者聽提調官治罪
上諭十六條 康熙十九年頒

第一條敦孝弟以重人倫

思州府志

藝文

諭告

三

卷八上

第二條篤宗族以昭雍睦

第三條和鄉黨以息爭訟

第四條重農桑以足衣食

第五條尚節儉以惜財用

第六條隆學校以端士習

第七條黜異端以崇正學

第八條講法律以儆愚頑

第九條明禮讓以厚風俗

第十條務本業以定民志

第十一條訓子弟以禁非為
第十二條息誣告以全良善
第十三條誠窩逃以免株連
第十四條完錢糧以省催科
第十五條聯保甲以弭盜賊
第十六條解仇忿以重身命

查則例載康熙二十五年五月禮部覆浙提陳
題查康熙十九年十月內禮部已將

上諭十六條通行八旗及直省奉行講解今請

思州府志

藝文

諭告

四

卷八上

勅下各直省督撫將

上諭十六條抄錄轉行該省提鎮等照通行文職庶

民講讀例曉諭各該營伍將弁兵丁俾令實心
講解俱如忠孝禮義之大節以仰副

皇上振興教化至意至土司一體令其講讀

上諭俾知忠孝綱常等語相應

敕下該督撫提鎮並將

上諭十六條頒發土司官員講解可也奉

旨依議

御製訓飭士子文 康熙四十一年正月頒

國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務期風教修明賢才蔚起庶幾棫樸作人之意乃比年士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功源委有叙爾諸生幼聞庭訓長列宮牆朝夕誦讀寧無講究必也躬修

思州府志

藝文

諭告

五

卷八上

實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化僞盈之氣文章歸於醇雅毋事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑行已多愆或蜚語流言脅制官長或隱糧包庇出入公門或唆撥姦猾欺孤凌弱或招呼朋類結社邀盟乃如之人名教不容鄉黨勿齒縱幸脫褫朴濫竊章縫返之於夷寧無媿乎况乎鄉會科名乃掄才大典關係尤鉅士子果有真才實學何患困不逢年

顧乃標榜虛名暗通聲氣黃緣詭遇罔顧身家又或
改竄鄉貫希圖進取囂凌騰沸網利營私種種弊端
深可痛恨且夫士子出身之始尤貴以正若茲厥初
拜獻便已作姦犯科則異時敗檢踰閑何所不至又
安望其秉公持正為國家宣猷樹績膺後先疏附之
選哉朕用嘉惠爾等故不禁反覆惓惓慈訓言頒到
爾等務共體朕心恪遵明訓一切痛加改省爭自濯
磨積行勤學以圖上進國家三年登造束帛弓旌不
特爾身有榮即爾祖父亦增光寵矣逢時得志寧俟

思州府志

藝文

諭告

六

卷八上

他求哉若仍視為具文玩愒勿儆毀方躍冶暴棄自
甘則是爾等冥頑無知終不能率教也既負栽培復
干咎戾王章具在朕亦不能為爾等寬矣自茲以往
內而國學外而直省鄉校凡學臣師長皆有司鐸之
責者並宜傳集諸生多方董勸以副朕懷否則職業
勿修咎亦難追勿謂朕言之不預也爾多士尚敬聽
之哉

疏

請建平溪清浪兩學疏

本朝田雯

題為 聖治普洽寰區敬請修舉學制以降^隆文教
事竊照平溪清浪二衛學歷係黔屬思州府提調
應試貴陽不過五百餘里前因用兵之際將驛站
改隸楚南而學校隨之諸生應試東下武昌迢遙
川途不下二千五六百里資斧既難而鼓柁洞庭
駭浪驚濤士心恒多畏阻臣赴任時身過其地同
聲呼籲云兩科以來從無一士能赴武昌應試者

思州府志

藝文

疏

七

卷八上

情固可憫應請復還黔屬就近提調之制以示作
養臣謹具題伏乞

勅下部議施行

狀

為南承嗣請從軍狀按南承嗣通志入思州府名宦

唐柳宗元

臣亡父至德之歲死節睢陽陛下每降鴻恩必加
褒寵臣自七歲即忝班榮垂五十年常居祿秩再
守遐郡績用無成終貽官謗甘就嚴譴無以負荷
先志報効殊息以慚以懼隕越無地伏見某月日
勅以王承宗負恩干紀命將徂征雷霆所加殄滅
在近臣竊不自揆思竭忠誠願預一卒之任荅百

思州府志

藝文

狀

八

卷八上

生之幸庶得摧鋒觸刃又摩壘塞旗冀獲盡於微誠
儻不墜於遺烈

序

思州府舊志序

明蔡懋昭

今志即一郡之全史也然不曰志而曰畧不合為一而分為新舊者何哉蓋幸斯文之未墜而不忍以已意泯前修之績也思州自昔為蠻彝雖共職貢未能疆理其地紀載其事者惟我朝開闢始籍其田賦戶口歸之版圖至永樂癸巳遂從而郡縣之時則新守崔公奉命採輯山川風物列疑奏報所草志畧雖非全書誠一邦文字之鼻祖恨遭兵

思州府志

葦莖序

九

卷八上

燹無復遺編辛巳孟冬昭初蒞任欲尋故實而無從今茲八月偶於秋溪山山叟家購獲一冊乃永樂十五年崔公所進舊稿得齋冊老人譚祖慶者手錄以遺子孫紙多蒙翳字畫猶完即一覽間具見創始之制殆若有神護持之者於乎幸哉不然幾為偽本惑謬矣遂欲合而修之恐不足以傳信故不忍改竄而別為新志並鏡梓之以相參考

邠孺人節孝錄序

本朝陸世楷
列後

禮曰內言不出於閫故閨幃之中雖有懿美無得

而述焉然余觀春秋時凡君夫人以及卿大夫士之家其母與妻之賢者列國必交稱之况近在里黨間乎迨漢唐宋明以來所傳忠臣烈士高賢碩儒遺事類有因母氏之賢以成其名者芝草禮伴泉誰謂根源無自也余曩在都門補任思州遇四方士大夫之宦於黔者詢黔中人物必首推淑艾邵先生云抵任即識其仲氏若韓而叔季兩弟先後應童子試復得睹其人文之秀美洵可踵武荀陳而比肩王謝何邵氏之多才歟乃詢其家世則厥

思州府志 藝文 序

十 卷八上

考邵公謝世甚蚤而數十年來允能課讀截髮留賓以致諸子之成其名者皆母氏冷孺人慈愛之誠也方孺人之失偶也孀姑在堂藐孤在室仰事俯育厥惟艱哉而孺人毅然以身任之戊己喪亂以後廬舍漂搖田園荆棘患難周旋孺人奉其姑以俱酒食是宜甘旨無匱養生送死邦人稱有禮焉若乃鼎革之際戎焉縱橫詩書煨燼雖薦紳子弟絃誦未遑而孺人於辛苦流離中獨能延師擇友朝夕讀課俾諸孤學問有成凡孺人所為極難

耳今淑艾伯仲以文章行誼知名於四方士大夫者且二十餘年而孺人尚未在六旬也癸丑甲寅之變孺人復避居山中擬從綿上之隱蓬樓穴處晦跡十年近稍有寧宇始挈家還城將含飴弄孫以老矣有言及舊事者孺人曰盡孝守貞閨帟庸行也何足稱乃里黨戚友更為詩歌以揄揚之嗣自思州大家巨室以孺人之婦道母儀比於鍾之禮郝之法罔不是訓是式而四方士大夫亦皆知鄒氏之有賢母且相而咏嘆之而不置也此固孺

思州府志 藝文 序

十一

卷八上

人之茹荼嘗糜苦心勞身積數十年慈愛之誠而致其子於有德有造然非淑艾伯仲善承其母氏之志飭躬砥行動學博聞交相黽勉以成於成烏能顯親揚名積久而彌光也哉讀是編者其益深錫類之思矣余因拜手而颺言於簡端

鄒節母冷孺人壽序

陸世楷

臣以忠名婦以節著此國興家之不幸也雖然忠臣或無救於國而節婦恒有造於家則又不幸之幸者矣在易之節六四曰安節九五曰甘節上六

曰苦節苦節者勉強而行之者也甘節者利而行
之者也夫節未有不苦者而何甘之有然苦於始
者必甘於終乃節婦之心則固不以甘苦異視也
安焉而已以余觀於思郡鄒孺人不信然哉初孺
人之稱未亡人也家貧親老可不謂苦歟孺人以
婦代子而奉其孀姑以母代父而鞠其諸子溫清
定省必虔飲食教誨必備孝慈之稱宗黨無間似
忘乎其為苦也迨二十餘年而金昆玉友接武成
名其幼子甫出就試採芹食餼取之如掇諸孫又

皆鵲起儒林雲津之躍可拭目以俟孰不曰此孺
人漸入蔗境哉而茹蔬衣縞淡焉自足蚤作夜休
惟習勞之是勉其克勤克儉蓋始終如一日也非
所謂安而行之者耶余既以其節孝上之且督撫
旌其門矣今歲在丙寅六月上浣當孺人六秩設
帨之辰因以一言稱壽而復遡其從前苦節焉夫
孺人固不樂以節著者而鄒氏門祚寢盛實由孺
人造之粵稽古今大儒自孟夫子以迄二程先生
無不羨其有賢母者蓋坤德含弘資生必厚而安

貞之吉與安節之亨皆有合於無疆之應也今孺人季甫六秩而子姓濟濟若是嗣是而十年二十年且三四十年芝蘭之茂麟鳳之祥必將甲於思郡是又易文所云積善之家必有余慶者歟夫鄒氏兄弟固邃於易者而余乃引易辭以為祝得無曰此不善易者而言易也哉

募修石橋序

鄒繼聖

夫橋梁所以津渡商民也滄桑遞閱向之螭梁巨水虹橋卧波者後多沒于斷碣橫流矣山水時漲

思州府志

藝文

序

十三

卷八上

舟楫不施滅頂可虞姑未暇舉其遠祇就府治論之南關水舊有輿聚橋創自明初毀於明末春雨秋霖滌淼汜濫每為徒涉之患茲逢賢守敷政寧人之暇毅然以興復圮橋為已任何其愛思民之深憂思民之切而修廢舉墜之意而思民相維于無已乎第工程浩大木石繁多利用無窮清囊有盡二三父老欲請廣福緣于十方也相率而索序于余余因是不能無慮焉慮夫泥于一己者多自為身家計求其留心利濟蓋憂憂其難之然而人

聞作善則色喜聞作不善則色怒是善之理初未嘗沒于人心也古有以木板七片渡人於春浪中陰曹註曰是人嘗以七星橋渡人當畀之長年以為人去勸夫以七片木而成天象七益人動天如此居今日而去慳吝心米穀錢刀相助為理則獲福之隆又非止木板七片之功矣余固願與經始此橋者樂觀厥成尤喜見落成此橋者坐享美報也是為序

募渡船序

鄒繼聖

思州府志 藝文 序

十四

卷八上

剡木為舟剡木為楫自舟楫之制興而人之過都越國者濟川利涉如履康莊楫之為用大矣思郡東門外距城不數武山色空濛水光激灑即黔志載思陽八景中碧潭晚渡者是年來舟楫破壞春秋汜濫汪洋民病干涉怒然久之所望鄉黨隣里中各出錢刀購買一舟以通往來余將與諸父老共覩利有攸往民無病涉也爰為序以募

重修魁樓序

鄒繼聖

魁樓之建於北城也已數稔矣遠吞山光平挹江

瀨蒼蒼泱泱不可具狀當其鳩工庀材之日好事者聽形家言謂於風水為利予竊詆其言之不足信厥後魁樓落成宮民輯睦士獲雋者幾人予始悟魁樓之建大有功於人形家之言果信而有徵也獨是樓之墻垣未葺風雨飄零燥濕不時甚懼斯樓之易朽也考諸左氏完客所館尚有高其閤闕厚其垣墻者矧夫魁宿主天下圖書秘府為天文人文之大萬世所當尊崇者乎本庠學博劉公急欲修治四圍砌以磚石用垂不朽然慮非一手

思州府志 藝文 序

十五

卷八上

足之力也語曰衆腋足以成裘九金可以作鼎誠能各出錢刀繕垣葺墻相助為理將見魁樓翼然臨于城上傳之久遠安知形家之言不始終足信也哉願與同心者共襄厥成俾勿壞

募修城隍祠序

鄒繼聖

甚矣祠廟之關於人國也或報歲功或答神貺或祛乖沴有一不舉則民罔被其休況城隍之神為降康保障之火乎思郡城隍廟創自明永樂間廟之內金碧輝煌廟之外古柏參天迨後兵火頻仍

本無餘蔭室無完堵敗宇荒祠丹青剝落有心世道者能不動風土盛衰之感耶今 聖世懋熙洽之治賢守張公弘愷悌之澤慨捐清俸庀材鳩工廢者修之墜者舉之如 聖殿明倫堂尊經魁星樓閣俱節次經營駸駸然有起色矣惟城隍廟工費浩繁任持僧人本智欲廣行勸募蓋亦善體夫雅意修舉者予聞神憑依則為祥鬼不歸則為厲光復城隍廟貌正散厲凝祥亦思郡由衰而盛之機自否而亨之會也誠能随心樂佈相助成功俾

思州府志 藝文 序

十六

卷八上

輪奐鼎新丹雘增飾予以報歲功荅神貺祛乖沴所關詎淺鮮哉僧乞引于余余因引以乞諸善長

建渡口小亭序

鄒繼聖

思郡為古武陵地一山環抱二水滌洄明太守潯陽萬公題碧水丹山四大字嵌於渡口石壁近雖剝落無存然山光水色煥然列於口齒之間者已百有餘年亦足賀山水之遭矣距渡不數武舊有樓三楹樓之前有序亭計其一時宏傑詭麗居者行者送往迎來者驅車出入于斯者皆相与登覽而

肆目縱意焉無何戊子變後既已化為禾黍荆棘
坵墟蔓草矣憑弔深情其能已於懷歎今

聖朝久道化成復覩太平文物之盛仍因舊址建立
小亭固欲使居者有所觀行者有所憩往來者可
以庇廕而暫憩驅車出入者可以停驂而問津亦
如向時之相與登覽肆目而縱意也璞含楊君既
倡其端予亦繼和其事抑予意尤有屬者亭當渡
口之衝即郡乘所稱碧潭晚渡者近是實為施黃
入府要津昔年之創此亭也安知非施黃二司之

思州府志

藝文

序

十七

卷八上

物力居多乎茲欲鳩工庀材所望于合郡之賢君
子之樂捐者固殷而于施黃樂捐之賢君子更憐
憐有厚望云

置買魁樓田序

鄒繼聖

語云福田不斷於滄桑蓋言作善之有據也本郡
黌宮後建有帝君魁神樓閣連年以來丹堊剝落
柱礎傾頽本庠學博劉公留心學校捐俸修葺鳩
工庀材煥然聿新誠足以妥侑神灵矣但地無常
主主無常住焉能保是閣之可傳久乎今劉公復

倡捐俸議買田畝以贍香積招僧焚獻千秋百世
香火有憑夫豈滄桑所可變我願我同志不論多
寡各出錢力相助為理共成厥志幸勿吝

思州府志 藝文 序

十八

卷八上

記

重修思州府城碑記

明人盧秩
列後

思州府治春秋時本楚黔中地秦漢吳隋唐以來
郡治州治建置沿革隨時變易莫有定制宋大觀
丁亥蕃部長田祐恭願為王民始建思州即今思
南至元間自龍泉坪改置思州宣撫司於此天朝
鼎定率土賓王洪武壬子改思州宣慰司永樂壬
辰嗣宣慰者肆惡于罹憲典遂革宣慰司為思州
府入隸貴藩而領四司自是典郡者率天子命吏

思州府志

藝文

記

十九

卷八上

然而後先相代往往視解字如傳舍間有草創復
為苗寇焚蕩迺成化紀年之初蜀王君常以民部
尚書即奉天子簡拔來知是郡仁風流布義問遠
揚未即三載民有經業乃議築城維時總戎吳經
叅戎彭倫俱頓兵清浪保障邊郵遂立心贊襄力
主其事經始於成化庚寅訖工於甲午歲凡五更
役凡萬徒為城一千三百步悉建連屋其上覆以
陶瓦防風雨霜雪之凌周闢四門架層樓以置鐘
鼓為寅夜之儆界四門以畫通衢因地勢以建公

署逋逃四歸商民聚處環城內外櫛比蜂屯鮮有空隙絃誦洋溢鷄犬熙蕃非復萍浮星散昔之蕭索也蓋吏有所據以治事民有所倚以為安不逞之徒消其覬覦之謀去其駸脆之危宜其皆安堵奠枕於今日矣

思州府察院碑記

毛 在

貴州於宇內為僻壤思州又為貴州之僻壤也開設在永樂十一年正統間苗寇城陷迨成化中復完堞議調威興平清四衛官軍哨守而清浪叅將

思州府志

藝文

記

二十

卷八上

往來調度隆慶初以供億奔命之苦議遷府治於平溪然舍僻就衝民苦益甚至萬曆五年復議還舊顧哨守官兵因遷府並掣乃別募犍兵百名把守關隘僅取充數無裨捍禦自是不無隱憂且觀風使以道僻事簡往往不至故院署亦不修葺余按黔南念觀風之職雖深山窮谷車轍必遍未可獨遺思州而思守蔡懋昭欲調清平二衛官軍合操以壯威武許之既入其疆則見風俗醇厚民知畏法無大奸猾諸生彬彬有文而城郭再闢保障

足恃入署則見規模壯麗後倚一山風氣藏聚問
知為今日改創也噫嘻羨矣使君亦既有署可居
矣何可鄙彝思州而置之度外也余聞此中流寓
倍於他郡士民苦於丁差乃以計田均差之說檄
府議又兵丁寡弱將來可虞而以復設哨守之說
檄道議夫使君之志不能無擾於民倘均差之說
可行而衆擎易舉民力可繼自此可以報吾民清
平二衛官軍之至亦不能無擾於民守哨之議可
復使府衛體勢聯屬如唇齒相依居民咸獲安堵

思州府志

藝文

記

二十一

卷八上

思州府題名碑記

蔡潮

其為報吾民者更大也院署之新宜有記余特記
時事之大畧如此以告後之君子俾知思州之可
以駐又知思州之不可以不駐而歲一至焉庶乎
此署之新不為虛矣

自嬴秦易古制化國為郡而國史之職廢去之為
郡縣者欲考求前躅之得失賢否以自昭勸戒僅
存乎廳壁之片石焉思為古黔中地歷隋唐宋元
沿革不一國朝吳元年前宣慰田氏歸附隸湖廣

行省永樂壬辰田氏以弄兵坐廢改宣慰司為府
分屬貴藩然地僻民貧游雁曩燹日敝敝焉鞠為
荒翳往年郡守王君常張君介漸次修舉而文獻
猶未足徵雖欲取證於廳壁之片石亦未可得也
正德丙子秋上元高君節守邦之三年嗟茲缺典
博詢於長官周縉何純輩得其所記憶前人之名
氏籍貫凡二十六人介經歷楊漢馳書屬記於予
予聞諸邦人曰吾郡曩爾一隅猥潛荒服重以曩
氛歲歉之故吏茲土者恒以投瘴禦魑視之速欲

解去不能一朝寧處也吾民益用愧懼靡所仰藉
自崔賀啟治以來能久安其位不甚鄙曩吾民者
王張趙李唐孫嚴柴暨今高趙數公焉高侯又能
於勞來安輯之暇以經術訓飭吾子弟且猶徵之
辭以表章斯郡今而後吾尚屑以陋邦之民自待
耶予聞之重有感焉夫天子為斯民宅牧無非欲
其承流宣化以上裨宵時之所不及固無分於遠
近內外也故曰為刺史無文武才畧無明惠公直
則一州^生崖類皆受其害^或裁者流未承化未宣文武

才畧之未備乃屑屑焉較計於內外遠近美惡豐約之等抑惑矣今夫工之治水也端心目正規矩不疾不徐雖擁腫盤曲迎刃而解况得美材而治之乎人將稱之曰此天下之良工也苟不先利其器而過受其直貿貿馳騫病於剗裁雖得榱桷杞梓治之需莫適於用人孰不訾其為天下之賤工耶由前數君子觀之誠何負於民牧哉虞詡有言不遇盤根錯節何以別利器臨川吳子論禹稷伊尹之志苟得一縣亦可小試謂其福惠所及最速有以慰斯民蘇息之望也其他何計耶後之吏茲土者幸勿以斯文為迂談

建思州府學碑記

蔡潮

國家化民成俗之本不可一日廢者學校是也古
儒皆達於斯乎泮宮作而采芹之頌出學校廢而
子衿之刺興簿書奔走之煩猥獄訟徵科之嚴急
視諸治化本原輕重何如也涪州張侯柱由地官
郎屢遷而守思學宮敝廨蕭然茅茨塞道侯始至
毅然以修復為已任乃節縮俸入悉心經畫初建

號舍二十楹樂器俎豆齋厨庖湍之屬而凡學宮所宜有者井井咸備殿堂門廡則易其朽腐而加以丹堊甃甃之工人舊常經是者駭愕於驟見恍乎疑非前日之思郡也其賢於去儒之所見遠甚諸生請予記其事夫賢才之用去必有取之之法亦必有養之之地群以庠序聯以師友磨以歲月誦法堯舜周孔之道率天性厚倫理克其精粹宏博之具以振其光明俊偉之業此士之責也於斯道而先覺焉出以膺民社之寄躬行所學懷柔乳

思州府志

藝文記

二十四

卷八上

哺之餘興廢舉墜使士不失其所養之地有司之責也吾觀夫郡養士之責盡矣為士者盍亦思所以自盡其責耶

頌思郡陳太守德政碑記

陳諱龍巖

鄭逢元

夫士君子人品事業故自有真而真則源本出之顯名厚實靡有窮也請言源江出岷山河出崑崙濟出玉屋潁出少室灤出嶧冢分流外馳咸注於海而汪洋浩渺請言本徂徠之松太行之櫟東海之椿南山之梓鵲華之桐根深質美飽沃風霜叅

凌雲漢色澤不私人之砥礪名節發為事功蔚為
文章不粉飾於一時而聲施後裔何以異此我我
太尊陳公祖先是司理阡陽署篆龍泉宜民課最
問刑省會欽恤有聲來守是邦初時未悉本領意
其持已孤峻不少寬假西門豹一流耳久之而任
事之氣冠絕一時凡便於民者力行恐後如不便
之事意所欲更雖強梗不足以撓之且四時之氣
俱備人憚其威嚴亦樂其平易未數月而興廢舉
墜別弊釐好事事畫一四境之輿頌興矣今納畧

思州府志 藝文 記

二十五

卷八上

計之繕城池修學宮課士子去雜派絕苞苴平價
市物不取於民禁里胥差役下鄉斟酌無益之費
盡為革除此數者難乎易乎第恐出之不真作門
面格套耳我公修學修城也當清苦之際凡所存
杯盤簪珥之類盡為犒資全副精神經營布置務
使堅固華美燦然一新可請建學建城矣不獨補
其缺畧已也課士則多方獎借定文俸期經濟實
用端品行必圭璋令器有韓愈進學解之苦心而
文風丕變故入閩校士炯炯雙眸不使有迷五色

獲雋倍竒論苞苴則斗大一城無魚可懸無絲可封况素存清白持去阿堵一片冰心斷不以姑臧在念也禁里後滋擾者前此事無頭緒暮四朝三以愚眾狙而民苦於此公則立法極嚴纖細畢照昔時恣肆之輩恐懼收斂如真節登壇波旬羅刹俱拱手向化而所在晏如也至無益之費如馬失協夫等項即成規已久公惡其病民毅然詳免以除大患或有不可已之費其收掌開銷盡付司官以明其至公也古分循吏儒吏兼之實難讀公詩

思州府志

藝文

記

二十六

卷八上

文諸刻出經入史鑄古鎔今垂家望族學問淵源以故長公穎秀之筆發于少年次公臨風玉樹雅致逼人刻苦下帷文情暢逸知一往不畱行者太夫人在堂七袞有八先時遠處閩中公則食息不安問闕迎養農昏定省孺慕不衰子舍公庭勞民愛日為國賢臣為家孝子為士嚴師為民慈父吉祥善事萃於一人余嘗私謂我公介潔則徐孺子真率則陶元亮摘伏則張京兆節儉則劉東平盤錯則虞朝歌不可干以私則尹翁歸也君子良以

為知言今一府兩衛紳衿百姓感公思庇之渥以為非祠與碑無以明報毅然舉之欲以繼峴山之石南國之棠耳昔黃霸之治潁川也鳳凰神爵之集次第而見公異日者五雲深處黼黻皇猷功名不減治郡時則超潁川而上之矣眾為微言聊述其槩以壽諸石俾知人品事業出于德性問學而岷嶓徂徠之說為不誣也

重修城隍祠碑記

本朝陸世楷
列後

郡邑之有城隍神猶之有守令也其有祠宇猶守

思州府志

藝文

記

二十七

卷八上

令之有廨舍也神之職在禦災捍患神能盡其職以惠於民而民亦吉蠲以報之猶守令之撫摩噢咻以勤恤其民而民咸趨事急公以奉其上也思郡城隍祠不知建自何時必也與城俱昉乎辛酉季秋之念有八日未申之際疾風陡作東門外居民失火飛越城中延燒官民房四十七家神祠燬焉神之意若曰吾不能庇民之居乃自庇其居乎寧與之俱燼耳然連歲以來邀神之惠季穀游登疵癘不作民間得以衣食之餘誅茅結竹完其故

宇而於神祠尚置而弗葺蓋格於陰陽家之論也
歲甲子山向既利月日維良乃鳩工庀材而從事
焉余按城隍之神各省所奉不一如吾浙杭郡則
云冷面寒鐵公周新而粵之南雄又云漢將紀信
其他郡縣或托於近代名臣且有前後相代者思
州之神其名姓未可考大約奉上帝命以至此一
方必聰明正直而為神者也余於通都大邑所覩
神祠香火繁盛牲醴之饗楮幣之薦幾無虛日而
此獨祠壇闕寂所報缺然殆與羅雀之訟庭相似

思州府志

藝文

記

二十八

卷八上

耶然神惟救庇為心不以地僻民寡而必盡於其
職雨澤愆期有禱輒應今祠之新民且皇皇焉有
經始子來之誼亦足以見斯人之不忘神惠也矣
祠成於某月某日費計若干金余捐俸錢二十千
其餘則都坪兩長官之力為多士民亦各有所樂
助當別勒諸石焉而此則志其興廢之由也是為
記

重修惠濟橋碑記

陸世楷

古者濟人之政小曰徒杠大曰輿梁杠之為制費

儉而易成梁之為制費奢而難就然積數十百年
為杠之費其奢亦與梁等而人往往任其易而辭
其難故曰凡民可與樂成難與慮始也乃有良士
民焉郊居遠處能審平時之所急不待督率勸導
而毅然身任其事且不欲為其小者易者而捐費
多貲以期乎一勞永逸斯誠有助乎濟人之政而
可以垂諸不朽矣思郡西北五十里為峩異里中
柱洞其地名轉水者楚蜀孔道也有溪焉水勢險
惡厲揭維艱先年建有石橋圯於天啟辛酉蓋病

思州府志 藝文 記

二十九

卷八上

涉之嘆六十餘年矣居民張應元等請於府募修
之今年閏月來言曰橋已落成乞為之記夫濟人
之政守土者事也而士民能代成之余滋愧矣而
士民固足嘉矣烏可以無記是役也經始於康熙
甲子之季冬落成於丙寅之孟夏蓋閱十有五月
而工乃竟費約二百餘金首事者民則張應元姚
正瑞游文玉張又溥吳通啟士則田仁統景永春
也橋舊名虹霓似為聚散不常之兆改名惠濟從
其實耳所建新橋下舊基十有餘丈其地勢既寬

平而復為瓦屋十餘間以覆之益見諸士民之慎始慮終不惜一時之費而務為其可大可久者為更足嘉也是為記

登踞勝臺記

陸世楷

余於辛酉季夏來守是邦巷無居人城有茂草假榻郡齋坐卧而已先是余從武陵肩暑陸行秋初復有貴陽之後觸熱往來歸而病病幾不起中秋強起夜坐不能久重陽始出議廳事同城諸僚屬以余有拂鬱之懷來相慰勉余固安於所遇泊如

思州府志

藝文

記

三十

卷八上

也因進而詢之曰授衣之月落帽之辰天爽氣佳佩萸採菊城之外有崇阿高巘可以呼屬戲馬者乎僕雖病將扶杖以從諸君後僉曰城之內郡治後山上有踞勝臺者前人登眺所也曷往視之余曰可乃偕學博安君叅幕姚君長官何君騎而往至則從山之右麓拾給循牆數憩而上有臺巋然存焉郡城之形如人箕踞坐臺據其巔俯瞰城中纖悉咸睹環城則盤我二山前後擁峙遠近諸峯亦蒼翠相映余曰此固一郡之勝哉當其四境無

虞百室攸聚士樂絃歌女勤機杼白屋鱗鱗青烟
縷縷而且禾稼收倉庾獲漁綸歸樵唱起木映潭
清烟凝山紫登臺而望可謂愉懌者乎若乃喪亂
之後人民竄徙井里空虛高蔚盈庭蟪蛄在戶晨
不聞鷄犬之聲夕不睹牛羊之影况復羽書未絕
狼燧猶驚曠野悲風殘碑落日登此臺也觸目蕭
條當有愴然而嘆繼以泣下者矣雖然滇城負固
久頓王師從征士大夫方且櫛風沐雨奔命行間
雖有碧鷄金馬之勝詎遑乘興登覽哉而茲郡密

思州府志

藝文

記

三十一

卷八上

邇荆南聞風效順王師之來兵必不加室廬無恙
今日者僕與諸君猶得於荒區蠻落中循龍山之
舊事效鳳嶺之遺風不已幸乎且思州故田氏之
舊疆也田氏而前又不知幾人稱君幾人稱長遐
想其時阻溪拒隘岬虎自雄箐篁蔽天萑苻匝地
驅其民與豺狼虺蜴為伍中朝冠蓋誰復過而問
焉幸今

皇威遠暢薄海車書一隅之境皆有命吏以守之數
年之後閭里充膠庠盛民殷物阜蒞茲土者必將

增葺此臺以成一郡之勝矣豈猶頽簷敗壁僅存
數椽於風雨間耶天色將晦更循山之右麓而下
焉是日也賓僚雖從樽壘不具作此寂寂令黃花
笑人然而興會所乘率然命駕亦取其時與地之
宜而已是用記之以俟後之登眺其上者

重建思州府帥正堂碑記

張聖佐

朝廷畫疆分治于州邑之上設知府統轄之準古
諸侯任綦重也而其承流宣化察吏安民必有其
地傳曰臨之以莊則敬明乎體統之不可不嚴也

思州府志

藝文

記

三十二

卷八上

否則易而褻瀆而玩其何以尊朝廷肅吏治耶思
州府署建自先明洪武年間地勢湫隘棟宇淺陋
至今三百餘年為風雨飄搖鳥鼠巢穴虫蠹蛀蝕
者又不啻十之八九矣予自康熙癸酉孟夏奉命
守思履任之初即欲思改造特慮工役浩繁衆心
疑阻爰詔士官集闔郡紳士與諸父老謀之咸曰
某等之欲為此久矣第前此當事未遑及耳今脫
亂離已十有餘載休養生息百姓安堵樂有室家
而政令所出之地罔壯觀瞻氣象蕭條地方頽敗

實由于此是宜亟新之便于是俛順輿情捐貲重建不動公帑不費民財木石則平值易之匠役則計日廩之為大堂五楹左為書吏房右為衙役房堂之前為儀門門左為馬王廟廟前為官廳右為土地祠祠前為經歷司大門正中譙樓東西榜亭前樹甬壁一時好義之民歡欣鼓舞朞月告成思之諸父老乃率其子弟欣然來告曰此愚民有生以來所未睹之盛也蓋思州地僻而城小僻則商賈鮮至小則人烟寥落在上者又無以振興之

思州府志

藝文

記

三十三

卷八上

日是荒殘頽壞全無起色矣我公不惜捐金重新堂構烏革輦飛制度宏敞不獨布政有地而形勢齊整南旅輻輳生齒漸繁地方興起思之福也公之功也詩曰君子攸芋君子攸躋敢為公敬頌焉言畢稽首旋退予因之有所感焉予聞之吾夫子曰不患無位患所以立簽斯室也為問思之民良鴻果盡集其疾苦果盡蘇其頑莠果盡格而善良果盡安其撫郊原之繡錯而不知茅簷之內果皆含哺鼓腹饑餒無聞者乎望苗彛之險阻而不知

溪洞之間果皆畏威服教賣刀買犢者乎覩學宮之巍煥而不知園橋之下果皆家絃戶誦祀樂彬彬者乎風俗未化仁讓未興無一不惟守之累則所以夙夜匪懈靖共爾位以對颺天子之休命者正未有涯也豈徒侈尊嚴盛威福云爾哉予今者蒙督撫卓異保舉入都引見得仰瞻天顏特擢四川憲副以去庶幾可以告無罪於斯堂矣後之君子無忘創造之艱難傳舍視之時加修葺俾永垂勿替則體統嚴而朝廷以尊吏治以肅民受清靜

思州府志

藝文記

三十四

卷八上

之福官無拮据之勞是固予之願也夫遂述其事而記之石

重修思州府城隍廟碑記

張聖佐

凡神之無關於社稷生民者祀典不舉焉若夫城隍之神則社稷之安危生民之休戚與夫旱澇災祥之類無不惟神是司是神固主乎陰教以助人為理者也故自王畿以迄郡邑春秋廟祀所在都有咸崇奉惟謹不敢隕越以貽兆民沴戾思州府治僻在萬山之中城隍一祠偪處南隅地勢狹隘

廟貌傾圮斷壁頽垣叢生荆棘縱享祀不忒願
宇未新祇增褻越欲神罔時怨神罔時恫亦極難
矣予奉命來守是羣癸酉初夏履任視學之餘首
謁神祠即慨然有興修之志于是自捐清俸撤舊
棟而重新之委經歷田琯培土官何潤遠董其事
一時鳩工庀材衆務畢興若正殿寢宮儀門墻垣
視舊制俱增恢廓其廟中應有神像雕鏤刻畫靡
不精嚴八閏月而厥工告竣落成之日爰率僚屬
躬親祀事見殿宇輝煌制度修整拜瞻之下令人

肅然起敬洋洋乎如在其上如在其左右閭郡士
民皆知所尊奉而禱祀時行比年以來百穀用登
災祲不作民物康阜境內又安未必非神靈妥佑
之所致也後之守茲土者誠能以社稷生民為念
時加補葺俾神享民安固思城之幸亦予之所
以告無罪於神也雖然黍稷非馨士君子學古入
官理幽治明固分內事要必民人既奠而後幽冥
可通其中本末先後有較然不可誣者假使曠而
官棄而守弗共而職田疇未闢教化未行致水旱

頻仍凶荒叠見徒修而籩豆潔而棗盛以幸邀夫不可知之福也吾知神其吐之矣因記其事而並著之

建思州府學魁星樓記

張聖佐

聖天子振興文教天下郡縣學宮頒立

御書扁額而郡縣之吏無不仰體右文崇治之盛心凡學宮之廢者舉頽者修駸駸乎治躋文明天下郡縣之士亦無不爭自濯磨欲修之家而獻之廷乃思州僻處一隅科目獨少噫人盡學也率土王

思州府志

藝文

記

三十六

卷八上

臣何獨靳於思乎思郡人士好修者彬彬然又豈盡文章之士乎得無如輿圖家所云地方形勢或有所缺畧以至此也予素不喜形家者言然理之所在未嘗不揆厥所由以審曲面勢詩有望景觀卜之語原非謬也予自守思來兢兢以培育人才為務而瞻謁 聖廟椽屋僅存若窓櫺戶牖朽折摧崩十無一有至於明倫堂啟聖祠額垣敗壁俱無以肅景仰而作敬共怒焉傷之亟興屬司紳士謀所以鼎新廟貌而眺望山川似有缺焉未備者

屬司紳士胥進而告予曰曩欲建魁星樓於殿後
依城聳構以壯觀瞻歷任以來有志未逮予乃恍
然曰甚哉斯樓之不可不建也不獨宜於文風而
更合乎形勢登踞勝臺一望龍勢蜿蜒自西迤邐
而來至小南門城隍廟為右抱北至學宮一帶為
左抱右高而左平亟宜建星樓以控峙之甚哉斯
樓之不可不建也予捐俸焉爾屬司紳士其殫力
以圖之而屬司紳士亦僉曰善於是量為捐助選
時鳩工不數月而告成巍焉煥焉又不獨為思郡

思州府志

藝文

記

三十七

卷八上

形勢壯其觀瞻而實為思郡文風培其氣脉是以
今科掄元者即在思庠行將多士濟濟霞蔚雲蒸
出為王國之選者悉權輿於此矣而予之所以仰
體夫右文崇治之盛心者庶幾藉是以無忝爰珥
筆而為之記

優則軒記

許之辯

處士而盜虛聲仕宦而忘經術此人情之常而今
昔之所同也士當平居負重望拓落風塵託言時
命一旦遭際明盛不學無術叢脞貽譏者比比皆

是不則崇尚虛無清談廢事或馳騁遊獵音樂之
屬以自娛樂求其官閒而學益勵者曾不數教觀
此無他其所挾持者無具而其志未遠也若勦翁
張老夫子以間代賢豪學問蘊藉素負海內重望
天子側席旁求特授榕城司馬課最擢知思州府
事思為黔中巖郡漢苗雜處公不鄙彞其民實心
撫馭凡所不便及民所願欲而不得者悉與除之
期年教化大行風移俗易獄訟衰息政簡刑清較
長孺之治淮陽少卿之守渤海何以加諸公於是

思州府志 藝文 記

三十八

卷八上

相署之左得隙地一區披荆棘剪蓬萊構小軒數
椽顏曰優則蓋取仕優則學之義也軒前濬池一
泓澄清可鑑環墻修篁千挺軒內藏書牙籤滿架
公政事之暇止息軒中研心典冊與趙韓王之半
部河山千古若出一轍嗟乎公之治思也教養兼
至政通人和昔之所學今固見之行矣猶孳孳不
倦且以優則名軒也何居蓋公以益梅舟楫之才
游办思郡茂著循良督撫大臣交章論薦不次之
擢屈指可期方將如黃次公出典名郡入為卿相

禹臯稷契之業講而益明是以公餘手不釋卷豈非其抱負有素而期許者大歟某幸託門墻時得造軒請業因樂記其事以著公不忘經術之志敢告當世用垂不朽云耳若夫江山之勝槩草木之繁英與夫禽魚上下煙雲杳靄出沒有無之間可以供騷人韻事者特茲軒餘事記所不載焉

修平溪學宮碑記

唐啟中

蓋聞開道統之先者賴有首出之聖人而扶教術之衰者實藉繼起之君子惟茲楚衛平溪學宮

思州府志

藝文記

三十九

卷八上

創自有明弘治地雖僻處黔陬而二百餘年聲名文物之盛稱為雄甲厥後野狐作崇廟貌傾頽鞠為豐草我國朝肇統開天崇儒重道他務未與首以建學明倫為急惟黔後入版圖而賓興三舉一時人文又復彬彬稱盛顧此宮墻就圯即有志鼎新者俱以羽檄交馳之會每趑趄而未暇也幸思州府司李許公以人龍文虎拔起江南儒宗之望遠近仰止康熙元年出李思郡而平庠以提調獲兼轄焉下車拜奠之餘瞻對悽愴即慨然以興

復為已任時值邊署荒涼羽檄未息一飯間耿耿
不忘於心奮力從事請命楚黔各憲俱報曰可遂
傾清俸合學亦鼓勵助蠲鳩工庀材爰為相度周
遭規恢矩則乃復日董學博生徒夙興夜寐備極
辛勤以及引繩削墨之事俱公自指揮詳審不踰
年而工告厥成若堂若廡若門若塔若啟聖宮若
藏經閣若明倫堂暨夫環堵崇墉几案戶牖之屬
靡不自無而有燦然畢具煥然聿新其以妥

聖靈而廣楚黔教思之澤者真能炳耀千年而蒸變

思州府志

藝文

記

四十

卷八上

多士觀者咸為頌實枚咏曼碩焉猗歎休哉謂非
繼起之君子而能若是耶昔韓昌黎建學於潮文
起八代之衰道濟天下之溺我許公文章治行卓
絕一時今建學明倫心旌宜興昌黎接武都人士
之謳思而不替者亦如潮人之思昌黎焉歲丙午
冬擢守思南龔黃政績正未有艾平之士於公之
來也感建學之功興思民之口碑相和於公之去
也誌隆文之愛興思地之崇蔭並深啟中濫竿衛
鐸猥廁執經受事之日興前教博交代間履地指

述目擊其詳敢為搦管他日平士蒸蒸豹變曷敢
忘所自與公諱虬號竹隱順治戊戌科進士江南
蘇州府之長洲縣人爰臚列其事以壽貞氓云時
康熙六年歲次丁未黃鍾月上浣立石

平溪學校記

洪運昌

學校者人才所自出也雄溪人才蔚起而建學之
功有足誌焉本衛隸屬辰州府科目在楚自衛人
侯位官兵部侍郎時因四衛諸生洞庭覆舟之變
具疏題請將平溪偏鎮寄貴州鄉試於湖廣舉人

思州府志

藝文

記

四十一

卷八上

額內撥五名入黔時平溪尚未設學也位又與總
戎高崗鳳兵馬司曹釋等赴闕乞恩建學部覆題
允平溪始有學焉衆人捐貲鳩工庀材建

聖宮

啟聖宮兩廡戟門櫺星門及明倫堂儒學公

署歲週告成廟宇輝煌千秋俎豆多士鼓舞於詩
書勵行檢而厚風教前人力居多也自康熙二十
三年忽有改楚之舉至康熙二十八年蒙撫軍田
大中丞題請歸黔子衿稱便紀石頌德焉

題復平清學校碑記

王承祐

今上三十有八年 詔平清學校仍復黔省從大中
丞田公祖之請也公諱雯字綸霞瑯琊人山左在
家制科蔚起文章德業炳煇名都其立德立言立
功之大足銘彝鼎而光史冊矣戊辰夏公奉
簡命專閩全黔權衡文武節鉞臨平諸生恭迎道
左瞻望星軺心儀矩範已而謁諾行署徐稱平清
學校定制壓屬黔省三百餘年從無更變康熙二
十三年內驛遞浩繁撥平清供楚之役並學校隨
之兩科楚關抵省數千餘里洞庭險阻若登天然

思州府志

藝文 記

四十二

卷八上

具呈公祖前異加矜惜公時為首昔曰爾多士其
聽之孰知公之蒞黔士也甫下車採訪輿論聿興
人文先以造士者治黔蒞泮雖容環橋觀聽爭自
濯磨以親色笑由是金筑夜郎之士莫不欽山斗
而慕文宗是公之以化成天下者化成黔國裁成
黔國者裁及平清所以即據學臺張公祖諱顧行
之詳備言多士遠應楚試險阻艱難之狀入告

天子曰可前撫軍兩請中閣公祖以一事報成德之
足以孚 宸鑒者如此 俞旨寵頒多士歡祝咸

欲揄揚厥美頌說無窮因衛學博胡子燦與余有
梓里誼郵致其事既詳且悉屬余記焉余竊憶黔
關捷後歲癸卯曾經平城滿目斷烟荒草以昔之
雅尚絃歌者一旦人文寥落况又更張楚省洞庭
之水如天柯亭之竹絕響青青子衿徒懷抑鬱余
亦不勝扼腕幸公祖樹人倫之雅望迴既倒之狂
瀾一言而動人主致令多士式歌且舞仁人之言
其利溥哉於是知公慮事周而化行速也聞其正
以持已則吏嚴於條官守其程也而吏治德以綏

思州府志

藝文

記

四十三

卷八上

衆民紆苗格四境告寧也而民安興學課士黨塾
家絃因之蜚英騰譽也而文風丕振率獨平清蒙
福哉今公治蹟炳炳麟麟宣昭滇黔楚蜀之間未
易更僕述也諒

聖天子心存眷注行膺異數之恩將見公之功在天
下而治黔特其緒餘以公之立言立德立功必入
而委以保傅夾輔之任喜起賡歌彤管尚未艾歟
余復書胡子不能贊其萬一為引詩以志之其立
教而化行也德音孔昭君子是則是傲惟公有焉

其稱功而頌德也豈弟君子遐不作人多士咏焉
諸生其勉旃研精竭慮樹駿流鴻濟濟國楨不負
田公祖之請且以徵 今上文治之隆愈廣且洽
也是固余之厚望也夫綴以詞曰

靈宣嶽秘金簡玉文挺生英哲齊魯起羣淵源
洙泗道德流分臚傳三錫瑞奏五雲文章燕許
事業甫申熙朝威鳳盛在祥麟入司喉舌出典
藩疆玉燭調已金甌卜將蒞茲黔土式是南邦
謳歌盈路袞衣繡裳惠爾平清思皇秀掄桃李

思州府志

藝文

記

四十四

卷八上

芳郁出自公門恩施百世壁水重新何以報之
壽此貞珉

菁莪草堂記

陳 元

客問此堂自先生創始乎澣山陳子曰因也非創
也明倫堂側舊有義學一所前太守管君改建城
外隔河半里許為育才書院未竣工而管君以遷
秩去予為鳩工庀材聿襄厥事故曰因也且非直
堂之為因也堂名亦因梁簡文帝作草堂傳云汝
南周顥以蜀草坐寺林壑可懷乃於鍾嶺立寺亦

名草堂李太白詩歌其族人陽冰纂為草堂集十
卷白樂天有廬山草堂杜子美有浣花草堂杜詩
又有愛汝玉山草堂靜之句題云為崔氏東山草
堂作宋處士魏野有東郊草堂予之名此堂乃因
前賢命名之意而踵為之以志竊比云爾客問先
生作文悉出新裁而堂名因舊何也陳子曰善哉
問也予試問子前之人有以菁莪名草堂者乎客
曰無之予曰果尔則予之名此堂創也非因也雖
然何嫌於因也小雅之詩曰菁菁者莪在彼中阿

思州府志 藝文 記

四十五

卷八上

朱註云菁菁盛貌莪蘿蒿也亦草類也予顏草堂
而繫以菁莪因草得名也且菁莪一章與芄芄棫
樸均美文王作人之德予之以菁莪名草堂因作
人起見也嗟夫物有成必毀所望後之官斯土者
因其舊而葺修之不致鞠為茂草俾此邦人士得
時肄業其中而謏陋如不佞者亦得因此堂以竊
附於周彥倫李太白諸公草堂之後則幸矣

議

為思州副都御史侯公母夏氏百歲請敬典議

明人
列後
霍
編

古者聖帝明王之御天下也巡狩至於方岳詢百
年者就見之敬老也天下有百年之老天下和平
之氣所徵也帝王所以申敬也漢文盛德之主其
在位之日不時使人存問長老八十以上賜米肉
九十以上賜絮帛文帝敬老教孝之實也皇上登
極屢頒恩詔凡民高年八十以上俱令郡縣有司

思州府志

藝文 議

四十六

卷八上

給賜米肉布帛有差凡以風天下而敦化基也今
都御史侯位母夏氏壽躋百齡是皆我國家敦大
博厚之氣薰蒸衍溢鍾為上壽况夏氏孕和協瑞
產自全楚實我皇上龍飛之地又聖德造命無疆
之福今按都御史侯位自任巡撫凡係財賦之稽
查百姓之存卹利弊之興革竭力効忠地方甚有
賴焉今拘於例難准侍養仍望勅賜本官照舊供
職仍行湖廣撫按申敬老之制於夏氏加酒肉粟
帛之惠則厚其親其子益以勸移孝為忠侯位將

感激圖報無窮厚一人民德因以歸厚風化愈淳
政治益有裨矣

建思州府議

郭子章

思州府治建於都坪正統乙巳陷嘉靖辛亥再陷
何利於都坪已遷平溪依軍而守倚江而宅何不
利於平溪而論府治者便都坪不便平溪彼皆徇
於小利未覩要害安於平常忽於變故今日賊去
之為安而不虞異日賊來之為禍也平溪有尺籍
有武弁有堅城有大江得一太守居中調度何賊

思州府志

藝文

議

四十二

卷八上

之足虞哉或曰平溪屬楚思州屬黔臂指不相使
也今則一家矣或曰民屬府軍屬衛思民在都坪
也彼貴陽平越新狃亦何民之有今則加以軍民
矣或曰迎送有奔走之苦過客有供應之費不若
都坪逸也彼貴陽鎮遠平越又將何避焉而以小
費妨大計非矣膚見如斯願與豪傑共商之乃敢
以聞之朝

裁併思州府議

本朝陸世楷
列後

竊照設省以統府設府以統州縣猶身之有臂臂

之有指也若有臂而無指何所藉以運用乎思州雖列為府而所屬止有四土司其人丁僅五百四十丁也其秋糧僅六百九十七石三斗九升零也其條丁馬館僅三千五百六十八兩四錢一分零也較之他省尚不及一小縣乃故明分省之初儼然列之為府彼時地方初闢改土為流因知府體統稍隆假其名色彈壓苗蠻耳而相沿至今其累有不可勝言者蓋有府之名必有府之實故有城郭必有人民乃思州城中併附郭居民尚不滿一

思州府志

藝文

議

四十八

卷八上

百家曾有百家之城而可謂之府乎有田野必有村寨乃思州四土司境內合計不滿二千烟且大半俱係流戶曾有二千烟戶而可謂之府乎有官必有役乃思州書門皂快尚不足二十人晨昏衙署空虛入出輿從寥落謂之府而衙役二十人足以辦事聽差乎有正官必有佐貳乃思州郡選屬官止有經歷教授謂之府而屬官二員足以委遣乎或以地當險要有兵馬駐防藉府官為控御乎而思州營伍不設也或以路值煩衝有貨稅出入

藉府官為之稽察乎而思州商旅不通也所以雖稱府治實等村墟巷內似無居人庭前真可羅雀或隔晨而理牘且竟日以杜門卑府固不喜生事原無事之可生也固不忍責人並無人之可責也然虛名尚在實累難堪任司一府之專事苦多端之及凡奉行公務或責成於知府一人而省會誌費亦復時有派及雖上中小府自有分別然就黔中而論大府之與小府相去有數倍者小如思州即照中府之半尚覺艱難若照大府之半豈能勉

思州府志

藝文

議

四十九

卷八上

強捐之於官一守之俸有限派之於民殘黎之力幾何兩載支持僅存皮骨再四躊躇斷宜裁併但以舊制難更未敢冒昧陳請今聞水西四府奉部院會議將黔西平遠改府為州已有成例查思州四至東北距銅仁西北距石阡西南距鎮遠皆百有餘里以二三百里之內並設四府無一州一縣以間之此誠蠻方之規畫有殊內地之區分今已承平自宜變置且黔界近奉劃清思州孤懸楚境平清兩衛上下夾持勢皆抗衡事多掣肘若非附

於大邦漸難支撐一面乞將思州一府照黔西平遠改府為州經歷即為吏目教授即為學正併都坪黃道都素三土司總附鎮遠施溪一土司割附銅仁當差納糧就近各便官卑則費用自省民衆則供應自輕不獨救困於一時實可垂恩於奕世矣

按公此議當吳逆甫平時事多艱有激而言議竟不果行而公亦移疾乞休矣

丁隨田賦議

陳元

思州府志 藝文 議

五十

卷八上

查得思屬丁賦向係造報人丁抑或有照產承當者俱從各司里民之便原無定例自康熙四十五年內前任蔣守曾將思郡丁銀按田地之多寡照畝輸丁士民稱便至今因之但丁銀雖隨田辦而蔣守未經詳明合屬士民誠恐日後或有更張難垂久遠乘茲編審之候又值新例初頒立法伊始相應詳請憲臺俯從民便將思屬丁賦隨田辦納之處永為定例每屆編審以地之去留為丁之收除貧民不致偏累而丁賦亦不致缺額至於滋

生戶口自應遵照 部行將現在少壯人丁造入冊內永不加賦以彰

盛世戶口之繁是否允協伏候批示施行除將編審丁冊一面差役另文費呈外所有丁隨田辦緣由理合詳明康熙五十八年八月奉護院白批如詳轉飭遵照

定推收議

陳 元

查得思民宿弊凡民間買賣田土不惟產去丁存抑且糧不過戶有買業數十年而糧冊內仍載舊

思州府志

藝文

議

五十一

卷八上

業主姓名者及至催比錢糧非彼此推諉即係包收代納其弊一也或因爭產構訟到案年深日久查有業之家冊內無名而賣產之人反得執老冊以為奪田張本此不利於買產者其弊二也又有一種刁惡之徒召佃收租新業主已享其利而輸值差徭舊業主尚擔其責此又不利於賣產者其弊三也卑府抵任半載見士民構募結訟大率由此除典當田地照例聽其收贖不便過割外如買賣田產而價足契明該買主自應同原業主報明

里書於每年八月內將近開徵之時將買賣田地
開單呈報以便推收過割造入實徵冊內庶可按
名徵課如有抗不入冊田載此戶而冊載彼名者
按律詳究是否允協卑府未敢擅為舉行相應詳
請 憲臺核奪俯賜批示遵行俾買主照冊輸課
既可杜刀民詭寄之奸亦可免貧民牽累之苦闔
郡苗民均感憲恩無既矣康熙五十五年五月奉
護院白批如詳通飭遵行

平溪設驛考

明鄭逢元

平溪隸屬楚轄舊設官軍以資捍禦與驛遞原無與焉明永樂年間貴州思州府設驛於衛城之東關謂其路當孔道便於應答部選驛官一員管理馬政隸屬思州專治驛馬則思州府額馬頭陳思舜等十一名額馬十一匹張元貞名下驢一頭石阡府苗民司額馬頭楊秀金楊秀滿彭天保田保民四名額馬四匹驢一頭鎮遠府印水司額馬頭

思州府志 藝文 考

五十三

卷八上

楊光耀等六名額馬六匹麻陽縣額協濟小供馬頭滿天朝滕秉珍田養維等四名額小供馬四匹歷來各府馬頭下驛承當此設驛舊制也又思南石阡銅仁三府額該鎮遠府驛馬至明萬曆三十年鎮遠府條陳將鎮遠府額該平溪驛之馬割歸鎮遠驛將思南蠻彘司額該鎮遠府馬價銀三百六十九兩石阡府石阡司額該鎮遠府馬價銀一百一十五兩六錢銅仁府額該鎮遠府馬價銀八十兩撥補思州府平溪驛各府僉立土民領銀買

馬下驛親當名曰改抵此改抵舊例也又驛丞每年支領各府館銀三百六十兩專辦答應往過上司供應下程油燭柴炭中伙供給等項此驛丞支館舊制也衛城東關有驛丞衙舍府官行館地基並走馬人役住坐基址見存黔省舊誌可考廣輿記云平溪驛者載思州府記末實古舊額我

大清定鼎開闢疆土一切賦役俱照舊制於順治十六年五月內貴州安驛站奉院道發馬五十匹仰思州府推官何元紀領馬二十五匹暫令平溪衛

思州府志 藝文

五十四

卷八上

守備王伯元領馬二十五疋分槽喂養朋應官員維時黔省初闢府治僻隅不過權宜協理之術既後何推官奉取入闈詳委驛丞朱士俊在衙料理士俊係思郡里民畏難逃回驛馬盡卸於衛於康熙元年十月二十八日奉巡撫偏沅都察院周憲牌為申嚴郵政無悞軍機事准貴州巡撫都察院羅咨准部院咨據辰沅道詳據平溪衛申奉本道牌奉本院憲牌行據該衛回詳驛馬一項額係貴州思州石阡鎮遠三府民差平溪衝途疲衛糧少

民稀難以夫馬兩累懇循舊制詳咨黔院黔馬歸黔楚夫歸楚各有責成緣由咨移過院牌行驛傳道會同思石道速查舊制妥確回報去後今據驛傳道詳移准思石道關准本道移奉本院牌同前事到道即行各府確查回詳到道該本道勘得平溪夫馬衛屬楚轄驛屬黔轄夫屬楚馬屬黔此歷來舊制百姓稔悉知之自

大清定鼎之初夫役逃亡官馬倒盡大兵往來差使絡繹百倍於昔衛有官而驛無官 部選驛官應

思州府志 藝文 考

五十五

卷八上

日隆久未到任以致夫馬咸屬衛官管理或用馬多而馬不足則以夫代或用夫多而夫不足則以馬代此衛官兼管夫馬之由也值今滇黔底定大兵凱旋此後所用夫馬較前稍可節省該衛詳請欲以楚夫歸楚黔馬歸黔均平差遣蘇息因累循查昔時舊制非無據妄陳但楚夫歸楚在楚省自宜有條陳無容贅議獨是黔馬歸黔之議查循舊例驛馬專責驛丞管理驛官攷成在於思州府官評冊內各府馬館解貴道衙門轉給驛官購買馬足

喂馬草料馬夫工食俱在馬館銀內開銷至各府額設平溪驛馬館銀若干馬匹若干細詢士庶俱云載在貴州賦役全書見有舊本在藩司衙門可攷而知然此議一行衛邑盡皆更張一時區畫稍有未周恐不足以應急而友致於悞公本道膚見莫若照目前申飭遵行俟大兵盡旋之後兩省上臺從容商確漸復舊規庶舉事不驟而行之有效也事關兩省驛遞重務未敢輕率謬議移煩裁奪等因到道該本道看得平溪驛走馬舊例原屬於

思州府志 藝文 考

五十六 卷八上

黔惟楚之麻陽縣協濟平驛買馬銀百十而已我大清開闢黔省順治十六年安設驛遞之時即奉官養官當之

旨蒙前院趙行令平溪衛官王伯元思州府推官何元紀喂養驛馬答應差員所以遵功令也後元紀辭回伯元獨力支應三年竭蹶委若故有黔馬歸黔楚夫歸楚之請耳今准移復事關兩省驛遞重務未敢輕率謬議前來本道前見邸報黔中驛馬已荷題允仍令土人走馬部文計日可到

合無行令平溪衛照舊暫且承應俟部文至日又照黔馬歸黔楚夫歸楚舊例舉行可也等因回詳到院備咨過院行道仰衛暫照成例舉行俟部文至日另行知照奉此康熙二年三月內奉貴州思仁道黃牌為急催起站免稽軍務事准驛傳道移奉督撫部院批據思仁道詳據思州府詳前事緣由奉批仰驛傳道確

道查看得每驛馬五十匹用夫二十五名奉趙於設驛之時令於當日走馬馬戶招募足數承

思州府志

藝文考

五十七

卷八上

役思州府舊例原額平溪驛半驛馬而馬夫一半亦應出之思州府官招募其所稱買馬乃節奉前任督撫兩院批定各府分購此開黔以來舊有之例不獨思州一府為然况該府舊例原當平溪半驛因其僻遠故令衛代府差則衛勞而府逸矣又買馬亦只是府應府差並非府代衛差猶以賠累為辭總欲獨貽勞若於該衛而托故偷安以自便也茲奉憲批理合詳復奉兩院會批公議即移明思仁道轉飭該府衛各照例遵行繳奉此移道行

衛在案至平溪衛滇黔通衢承應楚夫楚役扛抬
餉鞘軍裝押解逃人重犯支持繁政非無所事事
也今楚官當楚夫又代黔郡之馬則逸者誠逸勞
者甚勞地遠位卑不能籲訴至云各驛馬疋奉
旨責令官養官當以此紳衿百姓退避不敢一言代
思官養官當之勞然前此之

旨天地之公日月之明正在是矣此亦不累小民之
德意未嘗不分別地方也如楚之夫馬楚官養之
當之正所以遵奉 嚴綸豈以黔之馬不必責之

思州府志

藝文

孝

五十八

卷八上

黔官而專累楚官耶且昔時之原額今日之憲文
炳若日星迄今十有餘年驛官不至舊額未蒙查
復各府高下其手任意支吾馬歸民走事無着落
貽害實非渺小姑倒民逃必至之勢也謹誌始末
以俟調劑

墓誌

中憲大夫貴州思州府知府贈中議大夫贊治
尹貴州按察司副使李君墓碑

明歸有光

嘉靖三十年貴州麻陽苗為亂先是思州知府李
君有銅仁之役還郡五日苗龍許保吳黑等偽為
哨兵突入城殺掠君巷戰不勝與其孫文炳皆被
執留郡二日劫以歸寨苗每執郡縣長吏必求厚
贖院司及守將亦幸朝廷不知也率許之以為常

思州府志

藝文

墓誌

五十九

卷八上

君謂天子命吏為賊劫質是孰為之開端者書告
清平鎮將石邦憲亟進兵勿以我為忌邦憲不應
君乘馬出盤山關至稍寨崖高水深遂自投下賊
驚共拽之出氣息僅續棄之途而去思人昇還至
清浪衛而卒麻陽之苗亂已數年自辰沅鎮草銅
仁石阡印江皆受其害君初至郡即被檄驅馳兵
間已又城銅仁而郡故有閔隘守兵為攝郡者所
侵削散去賊以是得驟至事聞詔贈貴州按察司
使廕一子命按察司僉事戴梗諭祭于家賜葬

融縣之高沙昌八嶺惟古之治馭蠻夷得刺史太守勇畧仁惠者可不煩兵而自戢今知府受一郡之寄而日使舍所事事軍吏之役及事敗未嘗不委以為守者之罪也清平去思僅一宿程而太守困於賊已數日且彼殘苗六七百人耳守將若不聞知此何為者哉朝廷之卹死事者優矣其於兵吏有軼罰焉君諱允簡字可大其先青州諸城人元時有為融州路巡檢使者因家於今柳州之融縣高祖子贊封奉直大夫協正庶尹夷陵州知州

思州府志

藝文

墓誌

六十

卷八上

曾祖芳進士雲南布政使祖序進士吏科給事中
考鏞鄉試第三人未仕蚤卒季父鐸教樂昌君少
隨之任學成而歸弱冠中鄉試明年中會試乙榜
授潼川學正未上丁內艱服除改夷陵攝荆門州
為政清勤民德之陞知內江公廉自持士大夫乞
請無所得大旱齋沐祈禱徒步暴赤日中令兒歌
之曰旱既太甚治邑非人寧禍其身勿病其民三
日霖雨大足嘗於通津治石梁御史題之曰壽溪
壽溪者君所自號御史以此旌其能得民也大學

士茶陵張文隱公知君名從銓部乞以為其州守
內江民板留之不得為涕泣立石君至茶陵均徭
賦別姦蠹豪民為之斂跡 皇太后梓宮祔 顯
陵承檄給糧芻所過無乏有白金文綺之賜最上
當遷張文隱公自往乞銓部云願得展一年俟黃
籍成茶陵民受十年之賜矣其見重如此陞雲南
同知攝守澂江君既更治民號為精練凡斷獄所
上監司以為平弁豪有奪民田者勒令歸主不服
再訴於朝下法司皆如君諭滿去滇民法留立石

思州府志 藝文

墓誌

六十一

卷八上

如內江時尋陞思州君既不得在郡亦以孤城多
寇遣其帑歸融獨與孫文炳居在郡六月而遇害
是歲三月初六日也春秋五十孫文炳之被劫者
後竟以重賄贖還之恭人吳氏子男一人祝女五
人祝鄉試舉人今署新昌教諭融於中州為遠然
龍城於今為仕宦之邦至李氏去有科第子孫蟬
聯不絕而君又以死事顯雖中州去宦之家類此
者僅僅有之祝有志行痛憤君之歿請銘於余余
不可辭而為銘曰

黔中之境連絡五谿麻陽猖狂馭不于機如水溜
天矢在漏卮兵吏墮武習為謾欺皎皎李侯宣明
其志奮不顧死以絕劫質帝嘉精忠恩詔優至彼
亦何人 天子之吏以身為市生寧不媿彼亦何
人邊圉所寄聞守之死曾不睨視自古為文匪以
其詞在有所表乃永傳之融山荒絕我實銘此有
石業業其詞則燬後千百年可配柳子

中憲大夫知思州府事陸公墓誌銘

本朝宋彞尊
列後

思州府志

藝文

墓誌

六二

卷八上

去平湖縣治東六里五行涇有丘隆然為故中憲
大夫知思州府事陸公之墓公諱世楷字英一別
字孝山曾祖考長庚中萬曆八年進士累官南京
通政使司進兵部右侍郎祖考啟鱗國子監生以
孫業貴贈通議大夫內閣學士兼禮部侍郎考濬
膚宣府推官始封內弘文院中書舍人累贈通議
大夫內閣學士兼禮部侍郎妣譚氏山東布政司
叅政贈太僕寺卿昌言之女累贈淑人公少補學
官子弟有文譽順治五年以選貢生赴吏部除平

陽府通判又四年同知登州府又六年遷知南雄
府事後十九年丁父憂服除補思州知府蓋先後
視府事二十四年未得遷告歸四年卒卒時年六
十有五公之判平陽也甫至而姜瓖構亂遠近蠢
起應之平陽被圍守以下局縮不能畫一策公貸
粟於富民籍其丁壯登陴固守百日而圍解旋誘
降其魁渠釋其黨師後大饑人相食公為粥食饑
夫馬周于郊市辨民色先後給之饑者全活其在
登州海寇揚帆猝至將逼城下公立設守具率舟

思州府志

藝文

墓誌

六十三

卷八上

師禦之寇乃逸去時叛帥海時行剽掠州縣僭稱
王以公知兵事戒勿犯境又登有嫠婦夜為盜所
殺鄰里訐其媳有所私慮事露殺姑滅口公攝絲
事察其寃求殺人者不得禱于城隍神見夢一馬
騰蹕不休晨徧呼死者戚懿嫠婦有姊子為驛卒
公疑焉訊之卒言殺人夜投牒入府公念投牒時
日有文薄可稽取驗之字屬改竄卒乃引服蓋卒
初意行竊方入門嫠婦突出猝加刃焉媳實不知
也南雄嶺嶠門戶疆理初定平南靖南兩藩正並

駐廣州羽檄不絕於道部將更替出嶺一日篋死
七人公馳見帥論軍士罪有戴孔雀翎者二人入
始興山自稱平藩侍衛發民鑿礦民盡恐公往詰
曰王雖尊不得擅役吾民今不使太守知詐也遂
縛二人送廣州王不敢問黠僧與平藩暱結精廬
府郭外誘婦女入鎖其夫後圃而淫其妻閉置者
十餘公訶知之僧故拳勇乎一梃百夫莫敢近乃
詭言營齋延之至入門門焉者振闔及堂階則胥
隸畢集縛之以前僧瞋目呼無罪公先時已別遣

思州府志

藝文

墓誌

六十四

卷八上

捕卒盡執僧廬所藏婦女至庭下僧辭窮公斃之
杖下邦人皆以為快嶺南俗好訟公曲喻以理赴
愬者漸息暇築天峰書院課諸生溫鏐王澐等講
學買田以膳之去之日老穉拒輸遮馬不得行立
祠府治東士民春秋社祭其蒞思州值王師凱旋
軍馬綿繹府舊設平溪清浪二衛後劃歸湖廣而
站夫猶循例派協公請于上官得免繼遭旱稔斗
米二千錢吏請開征收稅公不可民德之輸者過
半前守以增賦得遷公覆丈以弓無餘壞請及其

舊又持議謂思州雖列為府所屬止四土司居民
附郭不滿百家丁糧不及一小縣而又商旅不通
營伍不設供億難與他府齊宜仿黔西平遠近制
降為州隸之鎮遠而以施溪一土司割附銅仁可
救一方之困議未允公乃以病引歸矣公孝事父
母友愛諸弟篤友誼能通財不以生死為厚薄家
無美田宅遇人有緩急必應未嘗責報歸田後足
跡不詣公府有司行鄉飲酒禮請公為賓辭者三
然後赴晚結方外社與禪人通復今釋縱譚清淨

思州府志

藝文

墓誌

六十五

卷八上

理通復工於詩今釋者前進士仁和金堡也公守
南雄日為治丹霞精舍以居公歸後舍之于東國
遂終老焉公于詩歸風合雅不墮叫囂之習文格
醇正手輯南雄思州二志事必徵信集若干卷存
於家公生某年月日記張恭人生某年月日卒于
某年月日合葬于墓子男八人咸有文行一嗣仲
父某也女五人俱嫁士族孫男九人女二人銘曰
嗚乎古之循吏久于其官政以不煩民以不寃公
于黔于粵除惡必先濟之用寬客至張旌廬旅居

船上也討論席研壺餐志其山川申畫土田有德
有言溢于炎厘宜爾子孫克昌厥文美哉鮮原秀
木九九罔有後艱

都坪正長官司何察墓誌銘 張大受

何察字茂公其先自江南揚州遷陝西長安元末
諱清者從征雲貴封平蠻大將軍去襲思州府都
坪正長官司察少能文為府學生事父孝父委以
家政襲其職居官勤慎教弟榮森皆成名榮安順
府普定縣教諭察傾已產資其弟俾內敦行外盡

思州府志

藝文

墓誌

六十六

卷八上

職都坪人感化之自荆湘以南苗蠻雜處設長官
司查涖其土而約束其人長官賢則谿峒晏如生
民樂業官得享先古之澤其後嗣承天祐焉友是
則凶有如察政先孝友而行於都坪之人可謂賢
矣予奉

命督學於茲初試安順察執事惟謹述其兄賢而大
長跼涕泣請一言光泉壤試思州察再請乃銘曰
爾祖之庸去守厥封惟孝友于是用作忠我褒都
坪辭簡禮恭大書刻石丕變蠻風



思州府志八卷下



護理思州府事餘慶縣知縣長洲蔣深纂輯

藝文志

詩傳

文啟

示書

賦

傳

大司馬萬公獻之傳

本朝許之獬列後

公姓萬諱年策字獻之湖廣平溪衛人中貴州天啟甲子鄉試歷任陸川教諭南陽府同知分守鄖襄少叅晉太僕卿大司馬鼎革後以壽終於家公少時倜儻有大志卓犖不羈父早卒奉母夫人孝

思州府志

藝文

傳

一

卷八下

養脩至家素貧有索負者至母曰今無以償姑俟予子成立當厚酬汝其人曰而子放曠不檢安得成立公聞之毀裂冠服謝絕慶吊杜門伏案誓學不成不出戶三年果中甲子鄉闈第十人初授粵西陸用縣教諭興學造士著有能聲當道特薦於崇禎七年陞河南南陽同知方嚴率屬潔已愛民時土賊楊應秋幸眾作亂焚劫村鎮盤踞山中與流賊八大王老回回等遙為聲勢崇禎十年公以討殲其渠魁餘黨悉平崇禎十三年擢陞分守湖

廣鄖襄道叅議公將去南陽新代者未至應秋餘孽復煽惑謀亂人情恟恟有不可終日之勢南郡士民請於撫按願留公數月公留與之經營籌畫復靖讒頑及代者至公授以方畧綏定乃行南陽童叟攀轅號泣數千人送至襄陽境上而返公至襄總督熊公文燦奉命剿寇駐劄襄歸檄公守鄖陽適曹操等諸大寇相繼投降公謂不宜受降卽受亦當散其黨羽熊公特信重之時曹操屯房竹保章張獻忠屯穀城名雖曰降聲援甚盛擄掠淫

思州府志

藝文

傳

二

卷八下

殺所在皆然官軍不敢過問熊公始議將穀城閉門焚燒以絕其禍公曰賊之在城中者不下數萬人城中百姓亦不下數萬人若一槩焚燒賊死固當矣其如數萬生靈何且穀城內外遠近處處皆賊欲爲焚城之計踪跡豈盡不露倘賊知先發是速其反也不如從容以計圖之熊乃止是穀城數萬生靈不至夷滅者公之力也後李自成等十三大寇果復變掘平各屬城垣殺掠官民勢若燎原不可復制崇禎十四年七月初三日賊數萬圍攻

鄖陽城公多方守禦至初五日中傷賊魁方徐解
退嗣援剿諸兵鄧圮陳洪範猛如虎與石柱司鎮
箠滇兵象兵或駐防或養馬日無餘晷又值歲歉
斗米數貫公爲設法催辦以給兵不告匱民不驚
擾熊文燦被逮朝廷命楊公嗣昌以閣部督師薦
公監軍事尋陞太僕寺少卿公以母老辭歸終養
崇禎甲申變後赧帝即家起公太常公已知時專
不可爲矣屢疏懇辭不行永曆踐祚滇池授公楚
粵總制尋授大司馬公皆不就屢遣使登趣公不

思州府志

藝文

傳

三

卷八下

獲已始強起至滇稍一視事即引疾卧碧鷄山中
順治十六年 國朝開闢滇南公幅巾歸里隱碧
土寨別墅足跡不履城市者幾二十年每歲時肩
輿便道至祖墳祭掃望城慟哭而返曰吾不忍見
故鄉皆荆榛瓦礫也置祭田以祀先與弟復之肅
之俱年逾古稀怡怡一室終身無間言孝友之德
蓋得諸天性者云公狀貌魁梧雙瞳炯炯見者無
不逡巡悚懼及聞其言論風旨又復溫厚和平豈
非德厚諸深有非凡之可測者歟其歷任皆有能

聲而其最著者在南陽平楊應秋之亂在鄖陽靖
流寇之氛止燒穀城活生靈數萬撫輯哀鴻調濟
軍餉隱然有折衝樽俎之風以故南陽建祠塑像
祀之鄖陽奉入名宦事詳湖廣通志公晚年與同
鄉總制天如鄭公方伯子相夏公復之肅之諸公
皆龐眉皓髮朝夕過從往來泉石間悠游杖履一
時人心風俗有所維繫猶為近古歷今不過四十
餘年而頽波日下作狂瀾之砥柱障百川而東之
是惟後學之責也夫公生於先明萬曆二十六年
戊戌卒於康熙丙辰享壽七十有九至今本貫鄉
賢未祀實為缺典云

詹節婦陸氏傳

許之辨

予讀太史公書至士之祇行立名湮沒而不傳者
何可勝數未嘗不掩卷太息又見夫世之欺世盜
名者生邀緯楔死溷青編又未嘗不痛恨悼惜於
其間嗚呼如吾鄉詹節婦者從一而終失死靡他
茹荼飲泣寂寂無聞雖古之貞士其何以加諸當
予髮未燥時已聞長老相與稱說慨慕鄉之八士

有欲爲表揚者節婦輒咨嗟涕泣曰予命薄爲未
亡人數十年家素貧因吾不欲以名累子孫以故
輒止予常求節婦軼事鮮有能言之者最後得鄉
先生田公羲生所代爲疏稿始詳其事謹按疏云
節婦陸氏賦性幽貞自幼不苟言笑年及笄歸詹
竒選持家勤儉淡泊自甘遭明季兵燹竒選於丁
亥年四月十九日病故氏時年二十有四遺腹至
七月二十八日舉子取名有後氏陋室獨居採蔬
度日豪強屢謀奪志誓死不從戊子己丑復值流

思州府志

藝文

傳

五

卷八下

寇猖獗逃避山箐艱苦備嘗忍饑哺子迨定鼎後
始獲寧家日則拾葉爲炊夜則篝燈紡績號泣之
聲與機杼之聲相繼間作鄉隣聞者無不掩涕及
有後長成惟教以忠厚存心力勤耕鑿持身節儉
無事豪華且其周卹宗親憫族孫詹上將七歲連
失怙恃撫養教育無異己子至今俱已成立母子
相依四十八年堅白之操慈青之仁終身一日氏
生於天啟癸亥歿於康熙甲戌享壽七十一歲予
所聞於田公之疏如此

外史氏許蓮峯曰士之稍自樹立者率希名身後若節婦青年守志白首完貞生前之事畢矣乃不欲為名累惟含貞抱璞以終天年視夫無實而矯誣以獵名者不大相逕庭耶吾故採而緝之以俟夫留心風教者

鄭公逢元傳

黃嘉穀

鄭逢元其先世山東東昌人始祖忠永樂初以軍功授平溪衛世襲指揮九世生逢元幼穎異至孝性成父病驚悸祈藥禮神哀痛迫切竟感神夢示

思州府志

藝文

傳

六

卷八下

而父病愈及為諸生操行立學慨然有經濟之志天啟間尚書熊明遇忤璫議戍平溪見而竒之許以公輔器相與談詩論文無間崇禎癸酉中貴州鄉試計偕不第以養親故為婺川教諭課諸生必遵鵝湖月川之法獎勤罰惰師道尊嚴督撫交薦崇禎丁丑超擢楚衡罷司馬清廉方正權豪斂跡遂晉太守元在衡既久一切公私巨細之務無不歷剔而振舉賢聲益著衡永間土賊紛起承平將三百年武備廢弛殆莫能制元訓練鄉勇扼要設

伏悉掃平之先是賊犯常岳武昌戒雄至是賊平
楚藩劄示督撫鎮道謂衡非元守則全楚悉為賊
壘矣偏撫李乾德上其績授監軍副使元感激涕
零亦思報國與諸郡將隨方設畧或勦或撫盡平
餘孽屹然西南保障於時大司馬王應熊督師計
川中流寇而賊勢轉熾屢書丐元人蜀協謀討賊
楚督師何騰蛟批軍政書云楚才而蜀用之恐為
識者鄙因與李乾德交薦遂加叅政為滇黔楚蜀
粵五省監軍道會甲申之變人懷割據歲丙戌妖

思州府志

藝文

傳

七

卷八下

僧姓查於辰沅間冒稱弘光楚人輕剽為其煽惑
烏合數萬地方騷動且遣使致書加元顯秩元知
其贖斬使赫書一面申滇黔督撫一面會 湖南
郡將星馳電掃妖僧伏誅民乃寧靖已而永曆於
桂林改元召赴行在監督羽林授大僕卿俄遷大
常戊子冬晉左司馬右副都御史總督滇黔楚蜀
軍務賜尚方便宜行事元朝暮勤王鞠躬盡瘁不
遺餘力督師張同敵疏薦有保黔第一功之語加
尚書左都御史庚寅孫可望據黔稱秦王威屈大

臣任意生殺予奪實懷篡志元因書王命論以諷之歸卧杜門威不能屈及永曆居滇特召元至語及妖僧僭偽元能斬使然書且抗節八年不屈於可望始終一心臣節不愧將畀以機務元懇辭乞骸骨歸諄諭時事需才亟借老成不必引退改宗伯兼司寇事元頗以重典以濟時艱咸稱邦之司直李定國等甚禮重之至

皇清應運

定鼎元即祝髮於滇之寶臺山時經畧洪公承疇屢

思州府志

藝文

傳

八

卷八下

強元出以佐維新元以明室故臣義不可出竟以緇衣歸田孝事老母不啻孺慕者然門生故吏罕得覩其面嘗有詩自述已志隱然以陶處士自居母年八旬元年六十尚孝養十有餘年生事葬祭足為世法其生平忠孝大節實足壯山河之氣與日月爭光詎可任其湮沒面不核其事實以詔異世哉所著藝文什不存一蓋因時事多艱無暇摺據耳元字天虞法名天問卒年七十有六

平溪節烈田母江孺人傳

潘淳

予同年友田君端雲其先世由江南如臯遷楚之
平溪而平溪學校舊附黔之思州故田君與余同
舉貴州辛卯鄉試乙未戊戌田君兩上公車皆客
予所酒闌燈炮兩人每上下今古至史傳中忠孝
節義輒慷慨悲壯間及吾鄉勝國遺事田君因為
予言其曾祖母江孺人節烈予未嘗不為之正襟
起立而聽也嗚呼孺人之死今且七十年矣乃自
田君言之有餘恫焉即余聞之有餘悲焉何歟蓋
太年伯教授角靈公存時籲呈當事未獲坊表又

思州府志

藝文傳

九

卷八下

平溪僻處天末采風者罕至故末由以其事載之
史筭嗚呼世有節烈而忍令湮沒勿彰不惟無以
慰幽魂地下抑何以扶正氣於人世也余不敏竊
幸脩官史氏謹因田君所言而約畧傳之孺人姓
江氏父應奎母劉氏孺人年及笄歸衛庠生田公
賦國即端雲之曾王父也不幸崇禎庚午歲賦國
病故孺人年甫三十憑棺長號誓以身殉自絕者
日且三四賴舅姑力持得免亡何舅又見背孺人
與姑相依為命茹荼飲蘖竭力事姑撫藐諸孤五

人教養兼至每夜機杼輶輶與呬唔聲相間聞者皆為感泣屢勉有無為五子完娶成立歷二十年如一日也明末己丑歲七月闖賊袁宗第劉體紀等屠戮生靈孺人舉家避亂至沅州屬之涼傘寨驟遭賊勢猖獗攻寨破孺人家眾衝散獨左右姑姑老行步顛蹶孺人不忍棄姑獨往遂俱被執賊舉刀向姑孺人跪泣求代賊不允曰吾殺姑當活汝刀起孺人力疾抱姑引頸迎向其刃就戮刃入頸寸許孺人輒委姑奮起以血濺賊大罵狂奴吾

思州府志 藝文

傳

十

卷八下

豈從汝苟活耶賊怒以刀再砍孺人益厲罵不絕口而死其死也猶反身向姑作翼姑狀是時姑已被傷仆地得孺人屍覆其上其頸血沾灑遍野倏忽天日黯黯賊亦大驚引去姑遂獲免後十餘日得正寢而終焉孺人稱未亡人二十年及死年五十五子俱衛諸生時已相繼夭札獨存幼子角靈公諱起虬後以明經仕偏橋衛教授改任楚之桂陽黔地湄潭安平三縣訓導即端雲之先王父也

論曰世常言烈女不事二夫然竊謂婦人從一而終分耳彼夫青年守志白首完貞節著矣而烈或猶未焉若江孺人居孀則撫子以奉姑臨難則舍生以就義節矣抑何烈也至若代姑以死又能以死捍姑使姑得以不死於賊手嗚呼此其節烈即史冊中亦豈多得者哉

文

禱雨文

本朝陳元
列後

驕暘肆虐禾黍焦枯是用齋心怵慮手撰一疏徧告諸神魯展禽之論祀典曰名山川澤之神有功德于民則祀之按郡志城西有天應山土人每禱雨於此呼雷輒應豈應於古而不驗於今耶抑誠則應而偽則否耶其東有白巖洞蛇虺之所盤踞類能興吐雲霧以翔石燕其他若擊銅鼓而龍出現不啻若洞庭之橘社焉爾神胡不再顯其奇拯

思州府志 藝文

十二

卷八下

一方民乎嗟乎思民之罹於顛危也屢矣自上年抵今僅歲一周耳而焚溺頻仍乙未六月大水舟火燬廬舍過半又繼以旱魃豈翳厄運使然亦惟長民者之不德以干造物之和黔首何辜致斯極也元甫奉

天子命來守是邦大懼興革之失宜重為民苗累毋寧降災耿躬以膺天譴幸留此子遺之殘黎俾長子孫以供賦稅

皇天后土實式臨之夫遇災修省以消沴戾者太守

事也倘不獲命則如諒輔之環茅以曝日戴封之積薪以自焚所不辭也但以明神之赫聲濯靈而坐視官民之呼籲而不一應其何以歆禋祀而爲社稷生民主神必不然是以禱之

請革苗俗酬婚積弊詳文

蔣深

詳請禁革苗俗以維風化以杜爭端事 卑職特奉憲恩委護思州府篆捧檄之日感而且懼意惟冰兢自守善俗型方庶上不負委任之恩下不貽曠官之誚到思郡任後檢查舊案凡民間爭田雀角

思州府志

藝文

十三

卷八下

者十止一二而苗人姑舅搶婚之案十有八九細加訪問知都坪司所轄後山洞洞苗酬婚惡俗誠不可不嚴禁也查律載娶已之姑舅姊妹者杖八十離異而更厲搶親之禁今

聖朝化洽寰區苗風漸革未有顯背 王章毫不悛改如後山洞洞苗者姑舅世婚宛同秦晉恩仇反覆豈若朱陳年不必其相若而止以出自我者還之我情不必其久要而更以出乎爾者反乎爾故有丈夫之子方結髻鬣之女孩總角之童必娶髮

華之老嫗合豔定非合配齊牢何必齊年陰陽朱序愆伏有由長幼迥殊鰥寡迭見甚至姑家之女或欲許人而舅氏之男即行搶奪操戈持梃幾同不共之讐此殺被傷即入逋逃之藪懸案不結弋獲甚難其或齊大非耦含怒茹恨以無言以至婦怨無終赴水自經而不顧自非 憲法森嚴豈易化其頑梗是以詳請 憲臺嚴禁不許苗民姑舅爲婚聽憑有女家自行擇配不惟杜搶殺之端且以化苗俗之惡移風易俗莫善於此矣

思州府志

藝文

十四

卷八下

創設義學歸復路梁田詳文 蔣 深

康熙六十一年內據思州府儒學黃嘉穀廖錦詳請黃道司路梁田學田緣由奉 學藩糧三憲批審 卑職隨即親至黃道司荊坡里分晰踏勘知此田向年荒蕪土名水壠牛草坪岩灣新壠四處共田一十三畝四分零載糧二斗五升零佃民舒科向啟榮奉前府牌委陸續開熟今成良田又當薄賦輕徭之候故該學有請復學田之詳也但查思郡向無義學蓋因生童膏火無資不能延師訓課

卑職管見請將路梁田一十三畝四分零歸入府
中另行召佃收租給發義學之需卽屬儒學遴選
生員中文行兼優者延爲館師并就近城東書院
設教以公濟公俾義館振興民苗皆知向學再舒
科向啟榮原奉前府張仰土司撥給墾種并非侵
食可比若必欲照追節年籽粒則未免苦其功本
之勞今據各民知卑職欲設義學歡欣吐退前來
合無詳請 憲臺批示結案庶教養兼得而思郡
義學永垂不廢矣

示

觀風思州府生童示

本朝陳元

照得人材不擇地而生杞梓梗楠豈必皆豫章之
產大道不擇人而授參苓洩渤當盡收藥籠之中
我

皇上壽考作人菁莪造士數十年來已仁漸義摩之
普被百千里外悉雲蒸霞蔚之改觀矧黔地爲南
服名區思郡乃武陵舊域盤峩結萬年之秀峭壁
干霄灑架滙衆水之流碧溪繞曲豐宮來舞鶴祥

思州府志

藝文

示

十五

卷八下

啟鳴皋潭石吐金星士多抱璞毓四司之靈異莫
嗤人少石多羅兩衛之奇敵儼似楚材晉用本府
求賢若渴愛士如珍曩值鄉會之科疊司分校迨
屆甲午之後謬典文衡與翰墨既有夙緣視丹鉛
頗負能事茲由郎署出守思賜聽政有餘閒不過
如常蘇州焚香掃地起衰有素志竊欲效韓吏部
刮垢摩光敢抗顏而為人師願倡教以爲己任際
惠風之和暢不妨士集蘭亭假大塊之文章竊擬
詩成金谷除檄行各學外合行出示通曉爲此示

仰府屬文武生童知悉訂于某日集多士於府署
之雙桂堂分題考試吮毫濡墨各盡一日之長殫
精覃思務抉三冬之奧諸子載筆而來不佞莫若
以待

恩州府志

藝文示

十六

卷八下

賦

寒梅賦 有序

本朝 陸世楷

思賜郡治之後廳其東北隅有古梅一樹霜雪
之候繁花盛開但以地處污雜無人吟賞其下
余判事之暇每為延盼愛其子處荒僻皦然自
芳有高人貞士之致因為賦曰

惟寒梅之高潔乃植根於墻隅隅騰清標與淑質嗟寂
處而幽居方其絳華春艷丹葩夏敷翠實已採綠陰
誰娛及夫驚飈卷陌積雪載塗柔條葉隕茂樹枝枯

賦

卷八下

爾乃紫蒂旋放白花遂舒落英疊縞新萼懸珠玉凌
霜而皎貌冰映月以凝膚欣逢時之榮暢怨托地之
卑污使其栽成楓陛開向椒除飛殿簷而點額繞閣
道而飄裾君王爲之顧盼學士藉其稱譽否則香浮
幌暗影入簾疎對愁眉歛竝怯腰麤愛綠牕之靜女
憐綺戶之名姝或乃芳菲野館璀璨精廬折同官柳
食比伊蒲彼探竒而訪古咸挈榼而携壺若夫長洲
吳苑錢塘宋都溪沿留留下徑接具區莫不千林一色
百頃交鋪堤邊畫舫巖畔盤輿遊從歲始賞及春餘

所以翫如丹粉贈以瓊琚賦傳梁主詩著林逋廣陵
開閣庾嶺停車婆娑處士之屋掩映酒家之壚何茲
樹之芳郁獨棄置於榛蕪雖亭亭而高出奈予子而
寡徒雀饑啄藥蜂煖啣鬚骨踰鶴瘦形類仙癯豈簞
瓢之貧士處陋巷而晏如哀佳人於空谷倚修竹而
長吁念孤臣之憔悴久屏逐於荒墟信懷抱之有素
歷沍寒而弗渝巡茅簷而嘆息盼頽堵而踟蹰感踪
跡之相似爰執筆而歛歎重為歌曰我所思兮在羅
浮參將樹兮月轉幽短簫怨兮長笛愁花如雪兮舞
思州府志 藝文 賦 十八 卷八下

不休欲折枝兮寄隴頭山川杳兮路阻修彼美人兮
安可求歲云暮兮空離憂

竹鷄賦

陸世楷

何覆載之發育兮生萬類而無遺即竹鷄之微禽兮
亦賦性而有知修文羽以似雉兮形相肖而輕微備
火德之光明兮無斐尾而翮披聲嚶嚶而相續兮蟻
旋化而為泥厲耿介以有心兮不履險以集危或時
飲而時啄兮當顧慮以審機或呼朋而引類兮覺少
長之有儀知竹之為君子兮惟朝夕之是依故其為

物也生於森簇長於筦笳巢於篔簹集於箭筒食乎其管飲乎其泉步苞筮以自樂聞箏箏而知還笑窗禽之炫智思曉唱之多言悲北伐以為謀羨化雉之若仙不懷寶以賈禍不飾表以招愆是其賦性也固殊故其尚志也獨嚴若夫春融景明天朗氣清照日當空松柏青青惠風和暢虎嘯龍吟友七賢以娛志對竹樓以怡情偕修竹之佳士任徜徉以舒襟不愧不忤知止安寧弗爭鳴而耀采又何惟乎繳絹至於嚴霜凜雪時陰沍寒木葉盡脫百物凋殘蒼鷹健翮

思州府志

藝文

賦

十九

卷八下

而利爪鷲鷄疾視而飛搏彼則養重篋藉歛跡翁筠任大鵬之遐舉能定慮以安身具機先之哲得出處之真任狂飈之上下付理亂於不聞因為之歌曰窺爾形兮亦何微羨爾志兮亦何巍嘉爾智兮識安危同羽族兮獨無悲竹有節兮擇而居本無心兮因其時人為靈兮何見迷無所贈兮賦以辭

詩

野鷄坪

明人楊慎
列後

野鷄坪邊饒雜花幽蘭石竹交山茶可憐春色浩無
主徒使騷人惱髮華

黃道司報余為里長笑而謾賦 鄭逢元

昔年專閩事如何袖裡彈文轉見多今到衙門克里
後可將春夢笑東坡

好讀詩書病眼花每從園圃作生涯若持官簿沿門
走荒盡東陵五色瓜

思州府志 藝文 詩

二十

卷八下

思州大守陳公城功將竣賦贈 鄭逢元

老矣非關愛出遊循良今見古人傳五年遠夢思安
道三日枯禪坐子猷清徹思江梅共韻春臨平野燕
同謳避囂雖矢門常杠欲借餘光照竹樓

莫謂尋常汗漫遊山中端的乏良儔雙江橋上懷汪
澤百雉城邊紀壯猷舊草火從梨棗壽新詩又被管
絃謳九重有意思調燮鋒穎還修五鳳樓

由思州過餘慶寺墳

鄭逢元

一見墳塋倍慘然此番風景不如前滇山楚水三年

夢子意臣心兩地牽國難不堪推竈尹鄉音常自叩
筵籌半途未遂從龍願逆旅恒驚逐鹿言宦念久灰
蒙主眷禪心未了結僧緣緋袍戀戀猶承友華髮蕭
蕭強去顛日望白雲愁跛驚夜彈紅血共啼鶻高明
傾倒猶舒意俗鬼椰掄亦哽咽未死一身皆是罪開
言半句捻成誓空囊慮僕饑無力持鉢千人苦更煎
神鼎已遷無死所五門終愧有生還舍元遠矚悲愁
草凝碧遙看晃野煙殘齒已經高犬馬微軀焉敢薄
烏鳶山陽縣裏空聞笛花萼樓中獨聽堦聞弟訃靖音故云

思州府志 藝文詩

二十一

卷八下

節有心培柳舍東陵無計覓瓜田兼山號道思元晦
天問名僧仰屈原中立未能媛綠野茂先何以夢娜
嬛時將毫白叅迦舍或念中黃叩偃佺尹穀倉忙行
冠禮鍾儀顛沛奏南絃家人遠仆墳前石穉子昏除
壁上聯事業未親崖海上精神常在鼎湖邊也知人
事全無美豈獨天心不見憐黃壤未知王氏臘青詞
猶馬義熙年潛潛更觸傷心專頂上僧伽易進賢

深纂修餘慶邑志因鄭公與錢君邦芭為世外
交故鄭公亦並列於流寓其時末由覓其詩文

今修思志其孫必措有志顯揚携殘稿見示忽
覩此詩不禁嘆賞殊愧前此蒐羅未廣有珠玉
之遺也

庚戌正月大雪思州嚴催報畝復額寒家久於
外逐處有飛糧為數較多俚言誌苦

鄭逢元

使君最忌農餘粟年年檄下頻催足
媿嘗建月里胥來正值陰霾灑
滕六大家小戶圖田形凍僵手足皆
皸瘃幾人撫字得半征一甘風雷報全熟
去年不喜

思州府志 藝文 詩

三二

卷八下

聞杜鵑今歲猶為傷布穀布穀催春農事忙
杜鵑啼血貧人哭急從八蜡位中求復貫
一蹄原上祝非敢貪求望有餘全人輪將
憂不足莫言小民竭尊箠止要上官多紀錄
官多紀錄氣轉揚十三郡守獨稱強含藏合
浦沉珠彩擘畫豐城露劍芒於斯敏績驚童
叟從此能聲達廟廊自擬循良同召杜欲飛
令譽勝龔黃勒碑豈是硯山石樹蔭何如南
國棠方異思深泱肌髓頓成顛頷生饑餒佛
云有患因有身我謂多愆自多悔東閣延賓
採蕨薇西成報賽虛籩簋禪關

終不避塵勞杯酒何能澆塊壘緩急莫憐莊子貧嗟
來必作黔敖鬼思昔僂儲既無一此後謀生有何術
欲泛浮梁學逐末青蚨子母安從出欲思辟穀學張
良仙方難與松喬乞欲携妻子竄深山耻與狙公爭
橡栗天實為之謂之何怨尤毋障維摩室惟分淑慝
未曾忘令我無端思俊物古來誰是最高人陽城自
署真成佛

平溪道中

何景明

徙倚平溪館天高秋氣清水螢光不定山籟響難平

思州府志

藝文詩

二十三

卷八下

夜火雲間戍寒楓江上城終宵無夢寐高枕聽灘聲

得思州二首

本朝列後許虬

一命初銜日黔陽路七千三巴江抱嶺百粵坂參天
商網弘開後苗干罷舞年祗應拋案牘相勸種蠻田
聲教漸南服長風托羽翰龍溪紆鳥道漢節下蠻官
參井天文闊鉛砂地利寒夜深看北斗耿耿望長安

送許竹隱之任思州四首

汪琬

斑馬錦障泥經行桂嶺西楓人逢雨長水客傍雲啼
土俗三湘接山川百粵齊鳥蠻迎皂蓋一一繞龍谿

一官何足問迢遞瘴江濱人習媿隅俗禽啼格磔春
金蠶爭事蠱銅鼓共祈神為報諸君長於今漢法新
憶昔慈仁寺相逢盡酒狂故人推大令才子數高陽
語咲松壇瞑招攜柳陌長那堪回首處三載各蒼茫
故國兵戈滿長途雨雪滋當子去官日值爾遠行時
芳草投書渚叢篁鼓瑟祠好從登眺處遙為寄相思

送許竹隱司理思州二首

尤侗

送爾南征客單車度架溪去程千驛遠上日百蠻齊
夜雨鳴銅鼓春風舞竹鷄持杯呼李白近在夜郎西

思州府志 藝文 詩

二十四

卷八下

莫道黔中遠春衫快壯遊揚旗招峒長遮馬拜君侯
白石梅花嶺青溪杜若洲知君重回首尺素慰離愁

登思州城

羅昕

百家村落一荒司列嶂迴峰碧四垂風俗漸看同郡
國印文猶自刻蠻彝重樓鐘鼓初晴夜夾道旌旗薄
暮時自是年來親翰墨壁間隨處有題詩

送陸孝山郡守補任思州

梁清標

治郡聲名十九年又從萬里贈征鞭滇江昔已聞輿
誦鬼國全方苦燧烟送客中日千目酒寨幃溧箐五

溪天通門二陸如蘭臭此夕銷魂是別筵

送陸孝山郡守之任思州

趙隨

使君清譽過龔黃五馬重看耀日裝
庾嶺花迎蠻瘴淨牂柯春到柳陰長
宣公世澤恩波渥萬石醇風玉珮鏘
此去王程兼古驛早鳴梧鳳集朝陽

前題

毛竒齡

彤幃萬里使羅施路入湘門春到遲
金齒再開蒙氏地銅符初下長官司
鸞溪馬渡天邊繡番戶龍迎雨後旗
此際炎荒行陸賈思州端的僚人思

思州府志

藝文詩

二十五

卷八下

前題

李蒸

共泛鴛鴦水滿堤送君五馬入平溪
符分郎署看銅虎屏繞峩山聽竹鷄
兵氣已消閒舊壘吟情不斷待新題
由來載石尋常華還仗丹砂報紫涯

登後山用少陵上後園山脚韻 陸世楷

何年闢城市墉寂猶山林停軒盼崇岡
欲上愁崎嶇拾級歷危磴微風來吹襟
亭亭喬木古鬱鬱叢篁深衆水淨秋潦
諸峯疑暮陰陵谷幾遷徙人世徒升沉
五溪阻聲教巢窟倚危岑茲險倘未奪
調擬將至今

高臺一臨瞰拔地應百尋恨不携手酒相與消雄心
遙望東籬傍采采皆黃金日夕飛鳥歸悵然生哀吟

蟲災頓息詩以志幸

陸世楷

蟲來疑有靈蟲去忽無跡豈因神鬼驅來去抑何疾
當其駭傳聞患至虞旦夕祈禱方告虔蠕蠕驚目擊
除之既不可禳之更無術相視但咨嗟殷憂同百室
所幸倉廩間升斗無損失見者五六家留者三四日
茲地應假途遄征勿違食從此一方民可免啼饑阨
飛蝗不爲災徃徃見史冊仁政能致之而我愧不德

思州府志 藝文 詩

二十六

卷八下

天佑非倖邀修省益宜惕父老躋堂言欣欣有喜色

辛酉立冬日火災紀異

陸世楷

立冬之日方喜晴庭中忽駭狂飈生祝融降災使我
驚神鴉啣炬突人城乘風鼓焰何縱橫燎原勢烈莫
敢撓燭龍近傍宮牆行摧燒拉雜漸有聲樂巴喫酒
術未成劉昆反風偶得名欲排閭闔空目瞪彼蒼誰
鑒下土誠比來天道惡滿盈空城何事嬰高明百年
堂構一旦傾十圍老栢如雷轟山僧難問折脚鐺老
農惟惜長腰粃焦頭爛額賞莫爭兒啼婦歎難為情

城中寥寥數十楹可憐此文同焚坑白頭重覩心怛
怛安得靈雨濡陽精哀鴻夜聽磬磬鳴吁嗟此恨無
時平父老云前辛酉歲城中亦被火災

壬戌三月二十五夜狂風驟來茅屋幾毀

陸世楷

杜陵寄住灤水湄茅屋忽被秋風吹茅飛屋漏嘆長
夜猶思廣廈同安危山城昨歲遭回祿郡閣惟存數
椽屋憲府東來擬駐驂暫携襪被池邊宿矮簷臨水
似卑巢竹戶簑簾夜不交階前併乏一尺地屋上漸

思州府志

藝文詩

二十七

卷八下

減三重茅親朋剪燭論新課棟宇搖搖忽顛簸不是
江邊與海邊春風較勝秋風大電射應令魑魅逃雷
轟疑挾蛟龍過風雨憂憂撼踈櫺四壁幾隨洪濤破
更恐掀翻屋上茅吾輩終宵將露坐因思諸士寓荒
區震蕩沾濡誰得卧何時大廈起城中堂構重成燕
雀賀

紫薇花下歌

陸世楷

去年季夏初入署紫薇照耀停軒處今年六月已過
半舉頭但見綠陰亂沉雲密雨意惆悵花亦愁深禁

不放連朝旭日喜
瞳瞳樹頭漸吐數枝紅
好花相對應相賞
百日須傾酒百盞
山城暑月無佳醞
酌酒看花不成韻
安得蘭陵買十千
衰顏常與花同鮮
吁嗟乎此花本是禁中栽
碧影輕移芍藥堦
尺書草就招贊普
謫仙才思何雄哉
荒齋那得仙郎伴
簿牒堆仍空擾案
落英片片扒窓前
朱顏掩映猶堪翫
紫薇開罷秋風涼
黃堂桂子應芬芳
有花有酒且相勸
莫恨蠻鄉歲月長

雙桂行

陸世楷

思州府志 藝文 詩

二十八

卷八下

紫英只合山中老
上有女蘿下幽草
孔鸞翔集麇麇遊
谿谷攀援恣搜討
何人移植黃堂前
夏綠冬青不記年
交柯直幹無人伐
團團上欲干蒼天
由來官舍多叢沓
況是分庭來往雜
牒訴倥傯敲朴喧
安得花時先閉閣
荒城蕭索同山中
晚衙暮仗徒匆匆
閒堦永日絕人跡
惟餘落葉嘶秋風
今年花開最璀璨
伏枕經旬隨霧散
花下何人載酒來
玉輪銀粟堪同翫
森森芳樹對清標
祇有姮娥伴寂寥
郁林咫尺誰能折
虛負天香徹在飄

答銅仁周辰庵郡伯索金星石 陸世楷

星石何年隕溪側三載以來誰物色琢磨誠可佐清
娛徵求或恐勞民力銅江太守能好奇索此謂與琴
書宜意余案間必富有豈知片石無堪遺幸逢長夏
水正涸深潭斧鑿應易施具舟命匠往採取割牲從
俗先致詞俄馬巨細列堂下剖視忽驚光陸離渾金
在璞人不測點石為星豈易得山川靈秘偶炫竒尺
璧裁成頻拂拭文房之用硯最壽鑄鐵鍛金傳不朽
後人製石始馬肝窮源洩火求良友水石相涵孕殊

思州府志 藝文 詩

二十九

卷八下

質雲滋露液從中出不必論金併論星但取惜墨兼
惜筆憶昔遠宦蓬萊城鼉磯金星亦得名海濱纍纍
徒棄置問誰好事携之行祇有端溪紫玉好臨池揮
灑開懷抱鷓鴣明睛自足珍何須贖刻值天寶蠻溪
安得有佳砥惟與溪農自結隣相逢朋輩每見問貴
耳毋乃非其真人云此石金星重未審金星適何用
昔賢鑒賞理必精寧以虛名競推頌遐方無侶共論
文硯匣隨身常欲焚山中雲根舊怡悅道遠那能持
贈君余在嶺南所置數方削寄慚草草據几開函應

絕倒濡髮聊堪學醉書含毫豈許摘嘉藻聞道龍池
蓄異琛曾傳投報等兼金灘行正喜歸裝薄可為舟
輕載鬱林辰庵許以九龍池石相報因卻之

清丈至各土司境四首

陸世楷

數載孤城卧衝寒歷遠村荆榛山路斷風雨野烟昏
俗異情難悉期嚴事較敦驅馳兼夙夜坐席豈能溫
竟日行荒嶺披荆復捫蘿山村烟屋少溪路石田多
土曠牛常卧倉空雀不通窮鄉兼儉歲未忍說催科
更入窮荒境高平聚犂苗未能通嗜欲漸可服征徭

思州府志 藝文 詩

三十

卷八下

駭鹿按深莽饑鷹逐迅飈不毛今古地誰與問芻蕘
山川經閱歷觸景總堪愁家似鷓鴣寄身隨虎豹遊
岡巒分孔道溪澗雜良疇若效監門繪應勞當宁憂

元夕宿黃坪庄二首

陸世楷

客中逢令節旅店且停軒小市人烟冷荒村鼓角喧
樽浮嫌淺量夜永愜清言數盞貧家火凄然度上元
嬉遊懷昨歲燈火照山城又值歡娛序翻增離索情
驅馳王事迫信宿客身輕却喜天邊月隨車到處明

恩詔蠲黔省康熙二十二年秋冬二十三年春夏

錢糧恭頌二十韻

陸世楷

聖代輿圖擴皇家雨露偏師還殷武日詔下漢文年
壤徧遐方瘠溪深異族連奔湍常潰岸灌莽每盈阡
境阻春難到災行歲必遄殘疆勞帛伐遠埃息烽烟
勝旅全軍返頑民盡室遷送迎肩不息跋涉履頻穿
饑畝時無暇登場候屢愆驅馳身似織惟悴命如懸
力藉中丞詩思從內殿宣仁風三輔並直隸八府已
免舉惠澤九州先赦舊情虞闕蠲新德喜全博施千里
及曠典萬方傳吏減催科檄民蘇貸思錢村閭無犬
思州府志 藝文 詩 三十一 卷八下

吠隴蕭有牛眠夏得秋成慶遙知天意憐社筵家秩
秩苗鼓寨闐闐稼黍歌高廩京坻咏大田老農安作
息擊壤樂堯天

九日登踞勝臺二首

陸世楷

一片孤城萬仞山浮雲何處是鄉關衰年尚喜登臨
健僻地還容車馬閒磧路荒荒疑塞外陰屋慘慘異
人間殊方薄宦空惆悵不待秋霜鬢巴班

一片孤城萬仞山幾重烟樹阻溪蠻嶺低漸覺哀猿
近天潤惟看倦鳥還日色崇朝常黯黯灘聲竟夜自

潺湲遙思兄弟茱萸會那得開樽暫破顏

鄒淑艾偕弟若韓移家城中

陸世楷

荒城絃誦杳無聞此日琴書始見君才子舊誇名里
宅賢人真喜應星文情深萱樹衣頻舞誼重荆株著
不分三徑肯容車馬過草堂松菊對清芬
數載柴荆慙隱心到來城市亦山林訟庭草茂無人
跡官閣花開祇獨吟高士未能懸榻待異書應許造
廬尋漫言通國知矜式好我還期示德音

峩山

陸世楷

思州府志 藝文 詩

三十二

卷八下

崇岡路斷強攀躋絕頂遙看樹色齊偏側危崖遮半
壁蜿蜒曲徑接長堤身前鳥度群峯伏足底雲生萬
壑迷登頓已煩思息駕教家茅屋隔清溪

咏思州八景

龍寺曉鐘

陸世楷

山城清夜卧雲松霜後遙傳隔岸鐘樹暗紙牕迷客
慶月明茅店趣行踪庭前乍見朝光吐嶺上旋看宿
霧封官閣僧寮同寂寞晨衙無事且從容

碧潭晚渡

日隱前峯規半含，餘霞如結散澄潭。舟衝沙際頻驚鳥，人駐堤邊暫解鞍。樵子歸遲呼漸急，漁翁聚晚語方訥。層樓靜倚重凝眺，一片波光照蔚藍。

一山擁翠

堂開碧幃俯雄關，據案猶堪鎮百蠻。突兀霜威憑獨坐，參差黛色列諸鬟。傍修古堞肩摩樹，近結高樓背倚山。昔人有背山起樓之誦此地却宜書萬卷，白雲相對意常閒。

二水拖藍

思州府志 藝文 詩

三十三

卷八下

兩溪迢遞匯城河，新潦初澄碧似羅。枯荻聲中鷗夢隱，落霞彩裏鴈行過。垂垂繡帶腰雙縮，冉冉修鱗尾並拖。前路蒼茫流不盡，秋風遙作洞庭波。

白鶴鳴臯

林集飛鴉杳不號，泮宮絃誦聚英髦。仙禽應運來千里，逸韻臨風動九臯。翠栢可如珠樹好，蒼壇爭似君峯高。緱山一去無消息，悵望雲霄見羽毛。

玄宮倚壁

隙地初開荆棘叢，朱簷碧瓦起空中。魏莪未擬紅雲

殿瀟灑真同紫極宮。遂有軒裳三島集。懸知香火百年崇。步虛深夜朝元後。萬壑松聲和曉風。

武場畫角

轅門列戟夜疑霜。郭外連營鼓角長。拊髀恐教憂聖主。裹屍誓欲殄彝王。貔貅踴躍軍容壯。狐兔縱橫戰壘荒。自愧書生無遠畧。何時談笑靖疆場。

文石涵星

流光的燦耀前江。處士千秋鍾地靈。蚪蚪一灣爭吐墨。蛟龍兩岸尚潛形。新硎欲割溪中玉。舊篆疑藏水

思州府志

藝文

詩

三古

卷八下

底銘。漫向斗牛瞻劍氣。須從奎壁識文星。

送陸孝山郡守補任思州

沈嶙

先生一生皆遠宦。鄉書每隔衡陽鴈。羊城幾折嶺頭梅。龍溪復渡雲中棧。一朝拜命辭帝里。萬里之行從茲始。烽火懸知息石屏。鼓輦喜見羈金齒。都門祖道盡歌驪。西南保障惟君宜。從容琴鶴伴歌嘯。况有愛弟長相隨。公餘之暇揮珠玉。天生才子驚殊俗。新詩題罷捧溪蠻。昔日龍標焉足錄。

送陸孝山之思州二首

馮秉良

拜命鸞坡日風雲萬里馳巖疆初入版刺史復塞帷
地僻宜詩卷兵銷但酒卮玉河楊柳發祖道重栖遲
傳說龍溪地迢遙接夜郎嚴城無屬吏異俗有蠻王
政事憑風月登臨托棣棠賢勞應特簡姓氏五雲

送孝山兄之思州

陸 楚

四月南風起夏日正流暉南征恒苦熱况乃炎暑威
簡書既有期去去故鄉遠青草瘴不開惟時白羽揮
新息好功名據鞍五溪裏武鄉志中原在平四郡始
古人遇盤錯利器方自喜豈憚歷艱辛行當卧治爾
思州府志 藝文 詩 三五 卷八下

仄境蔽叢篁昏日毒霧迷飛鳥不敢度猿猱或攀躋
蠻女唱蠻歌山花插雕題風流賢太守姓氏著羗氏
他將奏績歸片石可曾携

春日雨中同譚左羽朱竹垞二兄送大兄之思

州五首

陸世來

春雨隨車柳漸黃絲絲點點送輕裝停鞭且盡旗亭
酒一片青山驛路長
臨歧握手淚沾纓南望平江萬里程此去不須悲宦
拙兒童竹馬笑相迎

借問思州景若何
鷓鴣爭似竹鷄多
聲聲催送簾前雨
更聽巴渝幾處歌

深山夜夜子規啼
路接滇南河漢低
壘寨重岡鴻不到
相思頻夢過龍溪

銅符自昔重梅關
聞道黔中語更蠻
策馬行春時露冕
又看桃李滿峩山

泊思州灘

孫勳

思心已不極
况復泊思州
輪爾牂柯水
滔滔正北流

贈陸孝山郡守

李仙根

卷八下

思州府志 藝文 詩

三十六

山色

宰官說法事何如
政簡刑清樂有餘
覓句無貪山後移
樽却愛鳥聲初
泉香且誠新
開茗磬寂還翻舊
著書聞得委蛇偏
好道常將禪悅度
居諸

得陸孝山思州札奉寄

沈皞日

廿年嶺嶠聲相倚
比日音書寄可憐
燕帟絮雲愁去鴈
湘江落葉問歸船
窮途絕域真同轍
塞雪蠻花各天寫
得詩成牋紙暗
剪燈呵凍筆牀邊

如此蕭條兼萬里
聲名何用說龔黃
東籬投老惟陶令
明月相思似夜郎
簾冷檀奴花未滿
書牋織素語

空長一枝已是經年隔驛使勞勞得幾將
官衙日日對巖扉卧閣攤書過翠微多病自須尋藥
裹不才只合老荷衣吟筇醉筆今猶健錦瑟紅牙會
漸稀與爾遠期婚嫁畢幽探五岳莫相違

思陽苦旱孟遷王夫子出漢儒董子祈雨神書

立壇步禱甘雨大沛喜賦 鄒繼聖

董子稱大儒蕭條自孤寄先生臨川才經術誇靈異
愛傳繁露學至誠感天地憂旱展神書風雨成驟至
炎天洗然淨羣木交遠翠亂流響前山巖扉饒新意

思州府志 藝文 詩

三十七

卷八下

池上蓮葉翻簷前丹榴醉高槐匪濃陰芳草無顛顛
開簾窈窕窗披襟起涼吹遙見禾稼色細綠宛相次
仲舒去已遠春秋道未墜小子沐化雨含毫共題字

郡署雜咏

雙桂

陳元

盈盈金粟廣寒開移向黃堂夾道栽一片冰壺塵不
到風從天上送香來

紫薇

禁苑竒花壓衆芳花能媚日骨凌霜君居薇省悲誰

妬也逐蠻溪到夜郎

踞勝臺

岩阿小築強怡情着屐登臨暮靄生四望蕭條山萬
疊漫誇千里一專城

射圃

節按蘋蘩學據鞍月隨弓影劍花寒書生縱乏封侯
骨鄉射何妨習杏壇

古栢

霜皮溜雨不知年黛色千尋欲插天競道官衙同栢

思州府志 藝文 詩

三十八

卷八下

府群鳥日噪使君前

柳陰

曲水觴浮金谷卮陶情每愛習家池何人學種先生

柳惹動東山招隱詩

鷄冠

鷄冠花冠百花洲五色繽紛簇繡毬艷奪陽春姿灼
灼天教蠻吏莫悲秋

菖竹

亭亭玉筍兩青葱漸與天根月窟通不似畫家饒太

守渭濱千畝飽胸中

陳澆山曰予為滇牧時賦官衙八咏多猶夷自得之趣茲守思郡觸景生愁如嘆含酸堪續江淹之恨賦辭榮養拙欲效潘岳之閒居蓋倦飛而知還寧抱甕以終老無他詩言志也

送陳澆山刺史之任思州

黃越

不憂無蟬有監州符竹新分頗自由誰謂武陵非內地溪山深處足田疇

太守風流樂事多勸農一樣歷巖阿蠻烟蛋雨溪新

思州府志 藝文 詩

三十九

卷八下

漲絕勝西江舊水沱

不分文翁能變蜀徐將文物化溪蠻絃歌聲裏詩千首衝要何曾一刻閒

服官從未廢吟哦此去攤書越嘯歌待得還朝膺異數我山集較澆山多

送陳澆山郡伯之任思州

蔣晟

高城曉月半輪斜五馬南征萬里遐未啟離筵烹紫蟬不知何地醉黃花關山瘴雨迢迢路溪洞薰風處處家休向古藤惆悵別仙君奏最入京華

送陳潯山刺史之任思州

張士奇

先生本是雲中仙，應住蓬萊最上巔。
嵩日軟紅懷利濟，丹砂粒粒施真詮。
稽自承流綬初結，陽春惠澤水霜節。
十奇三異不足云，政成荆楚嘆卓絕。
蠻烟濮落萬里程，車到人和政以平。
歌從鸚鵡山頭起，赫赫城垂石鼓聲。
兩次循良皆第一，袞衣稠疊輝雲日。
自人烏臺暨紫垣，星槎乃向西江出。
吏治精勤儒化兼，能令懦立頑夫廉。
敷歷中外樹奇績，一麾出守馳秦黔。
憶昔承乏禾川令，荏苒之澤西龍龔。
盛桀黠無多類脅

思州府志 藝文 詩

四十

卷八下

從畧須一二鋤，泉獍前人欲顯才能優。
司馬別署分吉州，蒲伏官民兩俱困。
何異負芻更反裘，抗言得罪吾無憾。
鷄肋微程逾水澹，獨惜回天功且成。
餅終歸畫誰能啖，幸得崔嵬蒞鉅公。
提扶良善懲頑孽，剛柔道協沁威德。
蘇涸甘霖偃草風，經綸信足珍鼎呂。
谿洞曷爲投險阻，雄鎮華夸錯襍交。
西南倚重寧輕予，道之云遠爭曠着。
先生落落安隨時，我峩峩峯天應殖詩。
科龍溪架水排硯池，才大所之恒不朽。
尺波具蘊飛騰藪，誰道繩樞草舍工。
不煩造鳳雕龍手，况復居官

貴急公紛紛駝馬方從戎雨潦伏愆匪一郡僻陬安
堵噓鈞洪不貪為寶玉非寶此意可為知者道蝘肉
蠅瓜苟不當如醉如醒真絕倒

答贈田端雲孝廉

張大受

龍標清句謫仙杯渚鳥林猿千古哀藹藹江山靈氣
在瀟瀟風雨美人來一編錢琢聲敲玉百韻掀翻勢
走雷自到荆南誰共語為君低首覺懷開

曝書亭集精華錄海內詩名兩共傳今日見看真妙
絕老夫懷舊益凄然文章元氣無時憶富貴浮雲幾

思州府志 藝文

詩

四十一

卷八下

輩賢慚愧採風逢此客吹噓無力上青天

繪輿圖使者至思州即事

黃嘉穀

漫疑郡治是山村震疊天威萬里存亥步初來開草
澤輿圖細繪盡乾坤陳詩親悉民風古叱馭誰知漢
使尊料得回朝談創見思州城郭有三門

奉和陳憲郡署雜咏原韻

雙桂

黃嘉穀

列翠排衙對月開當年端的為誰栽天生金粟供詩
料喜見宣城太守來

紫薇

麻姑搔落紫英芳
玉杵尋來搗玉霜
猶憶絲綸黃閣裏
朱輪遠送尚書郎

踞勝臺

振衣千仞遠關情
縱目空山浩氣生
叱馭不知身萬里
高齊北斗擁書城

射圃

秣燕飲越歷征鞍
雙羽光生日月寒
政暇尋郊齊舉首
青霜紫電下天壇

思州府志

藝文詩

四十二

卷八下

古柏

幹排風雨已多年
蒲柳相看各一天
香氣流根還結子
風生鈴閣滿堦前

柳陰

天到西南比漏卮
清陰拂暑漾方池
曲江千樹黃鸝語
寫作焚香憶舊詩

鷄冠

竒花難識是三洲
貴似河圖與赤球
不到天鷄鳴石室
高冠五色占高秋

菘竹

此君相對喜菁葱天籟聲聲觸竅通展卷綠陰書上
落儼然身在管城中

贈雲客黃教授

張大受

鶴田意氣迥凌雲曾向峩山座上聞萬里冰霜寒戀
我一官鬚髮晚憐君新愁試寫張平子痛飲須酬鄭
廣文天未暫逢驚易別野梅開落思紛紛

輓平溪許直菴廣文二首

蔣深

未謀生計千頭橘幸有叢殘數卷詩萬里故八今有

思州府志

藝文

詩

四十三

卷八下

幾哭君轉恨識君遲

壯子已先嗟天札文孫今見益單寒夜臺寂寂差堪

慰有女離家事伯鸞

謂田孝廉

荅平溪田端雲孝廉二首

蔣深

南荒推大雅年少見田郎跡與市朝遠心懷山水長
風流追二謝氣韻逼三唐凡鳥紛紛噪君真鸞與凰
君家沅水接相望碧雲岑贈我瑤華句如聽綠綺琴
黃花開逕晚白雁寄愁深徙倚秋燈影何當酒獨斟

楚歸舟中題端雲詩卷後

蔣深

吟盡君詩度楚雲時時觸手杜蘭薰人間錦繡曾何
有畢竟江郎夢裡分

蜀繭吳絲不下機故應削跡掩山扉江天雲霧占是
象莫指文昌是少微

老手掣鯨周太史起渭少年斲輪田孝廉嘆息豐城雙

寶劍一飛天上一龍潛

白沙翠竹間魚磯望我停橈坐落暉相見莫令鷗鷺
避征衫已換芰荷衣

過平溪端雲攜酒相餉

蔣深

思州府志 藝文 詩

四十四

卷八下

秋雨孤蓬上水遲曉逢已誤隔宵期不辭萬卷巖頭

酒平溪北門外要讀中秋月下詩田君有和東屈賈

風騷餘汝在宋唐流別幾人知相思莫負鴻軒月菊

老楓殘倒接羅

泊龍溪聞笛

蔣深

龍溪客舟夜忽聽作龍吟嘹唳三秋月淒涼萬里心
新翻楊柳曲欲闋竹枝音回首南征路難禁武水深

赴思州護理郡篆

蔣深

十年蠻縣兼三篆比訝恹恹領郡符野老喜迎新五

馬家人猶笑舊雙鳧丹砂有洞求仙易畫戟無兵宴
寢殊不見許公遊屐處許竹隱先生擬尋釣侶與樵
夫

登踞勝臺二首

蔣深

獨立蒼茫踞勝臺官衙俯對百蠻開邊冒雲接荆梁
合翹首星占參井來靈運詩篇誰點綴王喬鳧鳥且
裴徊喜聞西藏烽烟靜戎馬無煩更往迴

雲物淒涼極目愁風多不斷烏鈎輶孤城斜壓五溪
水疊嶂陰疑三峽秋鐵騎新添一將守銅符猶屬四

思州府志

藝文

詩

四十五

卷八下

司收彈丸形勝虛稱郡漫薄前賢議改州見前守陸
孝山條議

留黃廣文乞休次匠門先生韻 蔣深

問字何人訪子雲交新猶恨晚知聞生涯濩落幾知
我老去飛揚誰似君貧豈無檀留座客歸寧有友為
移文乖崖已識詩名 肯放先生別思紛

奉贈蘇齋先生三首

黃嘉穀

軼龍駕鶴勤神州渠祿推公第一流淹貫五經邊大
腹搜羅萬卷賈長頭牛刀久試空盤錯熊軾初臨起

頌謳 聖主好文蒐志乘看拈綵筆副徵求

蠻溪鬼峒楚黔隈撥霧披雲天忽開著作真推陶謝
手經綸可但管蕭才盡言列宿關乾象誰識文昌出
上台躋蹬七年歸計晚容光竊照又遲迴

郡治依山百尺臺登臨氣象曉嵐開從前叱馭何人
至邇日飛鳧僊令來銚險革心咸拜舞憑高縱自且
徘徊自憐野性同麋鹿擬坐春風未忍回

夏日思州道中

寇紹準

羊腸一徑千峯裏不斷鈎斬格磔聞楚澤遠流瓜蔓

思州府志 藝文 詩

四十六

卷八下

水黔山遙送礮車雲曉嵐色霽開煙井暮角聲稀減
戍軍漢武白狼今絕貢雕題到處各安耘

登踞勝臺

寇紹準

官衙當谷口雲樹與天齊不到高臺上焉知衆壑低
城荒防虎過山近柏猿啼惟有巴渝水朝朝散五溪
奉和蘇齋先生登踞勝臺原韵二首

田榕

縹緲城西百尺臺眾峰匝亂雲堆層層遠樹浮青
薺澗澗丹梯淨點埃形勝滇黔矜險絕山川楚蜀亦

雄哉登臨喜接承平日肯負樽前潑灑杯
丘壑無如此地幽幽尋盡處見飛樓黛滋我嶺青螺
曉水下平江碧玉流屐齒千年憐謝客詩篇七字愛
蘇州全黔名勝應先擅邊楚風烟取次收

思陽道中 己亥六月

田榕

望望思陽路肩輿興不窮坡陀山罨畫谿澗水丁東
魚麥遙村外鷄豚近局中酒灰食不鑿一笑夕陽紅
奉和蘇齋先生登踞勝臺韻二首

劉文舉

思州府志 藝文 詩

四十七

卷八下

百雉層城百尺臺倚天長劔撥雲開楚天鴻雁驚心
迢黔嶺烟霞極目迴二關漁歌遙浦外數聲牧笛夕
陽來從知謝朓驚人句還屬甘泉侍從木

烟鎖千巖萬壑幽倘恍雲氣起飛樓星羅溪洞狐鳴
靜斗控山城稻熟秋着屐破苔調舞鶴臨風把酒對
閒鷗豈惟山水歸模範暮靄朝嵐一望收

行役都平九日獨登大嶺頭

潘珍

征鞍暫駐碧峰頭極目憑高人望悠風景漫過九月
節雲山恍記十年遊謝安不廢尋山屐杜甫應悲作

客秋迴想故園更酒熟遙天惆悵幾時休
嬾把黃花插滿頭那堪心緒日悠悠歌斜烏帽勞鞅
掌隔斷紅塵憶舊遊綠水蒼山天地老碧雲霜葉古
今秋高風惟讓陶彭澤煮酒東籬醉未休

蘇齋先生修郡志成誌喜

王冕

高閣登臨引興幽飛鳧何必挾飛翰驚傳史筆馬班
侶盡說詩才陶謝儔鐘律春客天籟發蠻風散散彩
毫収峩山異水添聲色棠蔭今看起頌謳

聞蘇齋先生纂修思州郡志次韻奉寄

思州府志 藝文

詩

四十八

卷八下

潘珍

使君製錦新機杼兼向黔中縮節符叔度清風來五
袴王喬仙令駕雙鳧丹黃點勘風流舊禮樂甄陶習
俗殊時向虹橋飛白雪草廬吟詠慰潛夫

蘇齋先生邀其令弟瞿圃至思州郡署小詩奉

懷兼呈

蘇齋四首

田榕

習習涼颺發漠漠寒烟積修林帶餘照前川生暝色
百里見蒼然一水何由隔如聞姑蘇人吟詩山月白
兩度客鴻軒琴樽幸有托一朝怨分張酒半驪歌作

予魂爲之消君意亦不樂鴻爪各東西音塵宛如昨
吾慚襍穢子公固磊落人敢期注蟲魚謬許接席茵
素心良此共古道會不沒南華有向郭願言一窺津
三都盡賓主四海皆弟兄况復從坡公屢擊鏗韶龔
風雨喜連床一憫別離情借問今思陽何如古彭城

酬田端雲四首即步原韻

蔣 澹

芍藥映簾紅離懷由此積史籍日紛披時疑對顏色
不遐金玉音雲樹蒼茫隔尊酒欲論文誰為呼李白
聞君武陵遊臭味當有托江山助詩興驚人句頻作

恩州府志

藝文

詩

四十九

卷八下

芳洲遍杜蘅舉手意殊樂未要捨扁舟桃源不如昨
平江淨如練蒹葭有美人偶為六月息琴酒眠花茵
志尚扶大雅風騷幸不泯雕蟲猶小伎學海無由津
思播古巖邑嘯歌侍阿兄媿我等琴聲未能入韶龔
迺有屈宋姿雄詞移我情踞勝非黃樓盍不來山城

登踞勝臺

蔣 澹

臺名仍勝國移自舊松園千幃連黔楚雙溪落漚沅
雲歸簷際宿鳥度夕陽喧誰作超然記登臨客思繁

登踞勝臺次韻二首

田 樟

天末風光聚此臺登臨曙色夕陽開群峰擁翠當窗
見二水拖藍繞郭迴地僻偏爭千古勝時清喜接百
年才謝公情興幽無極衙放頻聞蠟屐來
迤邐城西景最幽丹梯躡步即丹丘江山窈窕難為
畫雲物高寒易得秋地異青山藏菌閣人依明月坐
南樓高臺踞勝情何極遠水輕烟次第收

中秋日雙桂堂校試次常蘇州郡齋韻

蔣深

高臺散初旭老桂飄餘香佳節不知過但覺燠易涼

思州府志 藝文 詩

五

卷八下

既慶農有秋復聚士一堂郡齋森畫戟宴寢亦太康
敷政先修文職思曷敢忘隣翁餉瓜菓剖與諸君嘗
恨無夢中錦割爾為文章誰人謫仙手對月凌空翔
為樂少絲竹攤卷吟漁洋時箋釋漁洋山人精辛銀嘉會湫難繼
敢陋蠻貊疆

次韻蘇齋先生中秋校試

黃嘉穀

山腹藏郡城風來生秋香心在夷惠間寧復計炎涼
塵棘憶少時塗雅輒轟堂此地居七年清饑身轉康
狎鷗謝逐虎何事不相忘帖括偶一見嚼蠟殊難嘗

河漢觀微雲星斗綴文章仰思割半瓊掉臂縱翱翔
先生如學海使我歎望洋童子欲觀瀾負笈勉出疆

次前韻

去年中秋月沅水塞芷香今年中秋月思賜滴露涼
冰輪不可見悵望雙桂堂何以解我憂舉杯問杜康
毋乃修月人斧斤偶遺忘羿妻奔不及竊藥曾未嘗
故教失星斗玉宇靈文章我欲身奮飛冲霄任翱翔
手捧全波出雲散月汪洋一洗萬目盲皓皓明無疆

次前韻

蔣澆

思州府志 藝文詩

五十一

卷八下

月色隱雲鏤輕風飄天香郡齋逼翠巘秋氣得早涼
况復敞亭榭宴坐何堂堂箕踞而岸幘敢希籍與康
歌罟既醉止離懷積難忘去年兄在楚桂醕我獨嘗
今同思賜役校士披文章彷彿鴻雁侶夫際隨飛翔
清絕五字詩盈耳聲洋洋白頭一唱和佳話傳蠻疆

次前韻

蔣桂曾

思賜得秋翠庭桂餘殘香微雲點河漢金風吹衣涼
今宵三五節羽觴飛一堂骨肉聚萬里豈敢自懷康
不眠仰吳剛有志不敢忘歲月忽忽過瓜菓驚

小子困帖招吟詩不成章繞枝有烏鵲一一南飛翔
池荷未衰歌金波照洋洋唱和追蘇門何必懷故疆

壬寅九月寓澠陽水閣將返思州匠門先生留

約登高觸景感懷奉呈二首 蔣深

澠水長橋北秋風鴻爪留聊同參佐解敢擬庾公樓
隔渡舟難問褰裳客正愁不逢濟川手誰為駕鼉謀

時公與督撫謀修長橋

何處登高會青龍洞口宜江山無我輩氣象豈雄奇
白髮憑吹帽黃花已綴籬肯馳由簡馬何必習家地

思州府志 藝文 詩

五十二

卷八下

九日奉訪蘇齊澠陽寓閣即次其韻二首

張大受

作牧兼思郡軒旌且暫留樹經連日雨雲散隔江樓
訪舊還尋勝憑高足解愁黃花重九約有酒不須謀
峻絕青龍洞攀躋老尚宜登臨今日好會合異鄉音
秋水船橫渡晴天杖過籬皇華無俗事磨墨硯為池

次蘇齋先生韻二首

張纘崇

蠻嶺黃花發能教彭澤留開樽當此日挈伴上層樓
可慰登臨眼都忘羈旅愁獨憐墨外雁足否稻梁謀

雨江聲壯新晴山色宜登臨有如此造化更何奇
逐高人屐門尋隱者籬還聞發清唱曾在鳳凰池

書蘇齋先生思州志後

韓省曾

江雖最爾儒吏托千秋舊蹟徵遺獻新裁備勝遊
苗彞多古處名物擬中州曩日明光殿搜羅樂此不
思陽道中次匠門先生與蘇齋先生留約登高

元韻二首

田榕

楚尾黔頭接重來襍被留青山三里郭黃篾幾家樓
翠壁寒瀟照清江起暮愁誰憐雲外雁半為稻梁謀

思州府志

藝文

詩

五十三

卷八下

九日青龍洞晴天境更宜登臨生氣象詩筆闢雄奇
返照林端寺寒花野外籬羊鄒俱峴首名配習家池
壬寅九月奉 金大中丞檄委鎮遠張明府河

查思郡四土司積貯往返數日記事 蔣深

思州置常平以賑民苗饑當夏五六月硤田少耘耔
耘耔苦無食借貸力不支紛紛仰官倉路遠莫致之
民苗各散處負戴起怨咨賢哉清河守分貯四土司
就近給升斗婦子皆嬉嬉推陳而易新上下咸便宜
告之後來者良法莫變移社倉有遺制朱子實可師

其二

有明設四司縮符若州縣表之在郡守狡獪化良善
廩廩貯適中斯制極稱便但恐稍不慎虛實弊相半
中丞念民瘼稽核嚴最殿檄委得張君策蹇喜同伴
鷄犬靜不驚趨走忘昏旦犴狴喜逢迎椎髻髮蓬亂
拜跪語侏僂盛事說罕見比聞長安米衾絀不易換
減價糶官倉至尊塵宵旰蠻田幸歲稔鼓腹免愁
嘆倘逢旱澇時數困何足筭思郡積穀一千二百石分貯四土司適中倉僅
四百餘石好義亟捐輸倉箱備千萬

思州府志 藝文 詩

五十四

卷八下

張子枝伯南歸索金星石硯賦贈 蔣深

思州古郡近夜郎每欲持盃呼太白太白不見見長
庚光凝雲漢垂西極飛揚跋扈舊精靈簸搖隕作蠻
溪石夜伴林深螢火青晝疑潭底龍鱗赤張君寄我
一尺書好奇索此携歸亟戲言廉石鬱林多擬借孤
舟壓軌席摩抄便許摘屋手紫端元歛無顏色吾聞
鳳味與龍尾坡老獲之等球璧韻事人傳六百年風
流何必今殊昔秋風渺渺洞逵去極目烟波氣蕭撼
君不見湘妃滴淚竹染斑萇弘死蜀血化碧豈有神

仙善游戲曾謫天邊不留迹磨成斗墨筆如神助爾
狂歌有狂客

思州府志 藝文 詩

五十五

卷八下

福遺

送姚江陳夫子之思陽四首

于本宏

皜皜白日光天宇淨如洗翩然拂征旆掩映桑乾水
峩溪古巖疆撫字賴君子華筵動絲竹驪歌音在耳
竒懷滿四坐壯志輕萬里高樹紛流蟬蒼茫暮烟柴
猗歟我夫子績學勤晨昏根茂實斯遂文成道彌專
回翔州邑間奏刀耨紛綸三年尚書郎水壺瑩秋雲
帝曰予汝嘉連茹期空羣再秉斯文權桃李爛盈門噓
植及葑菲感激誓百身曰茲公義存豈直爲私恩

思州府志

藝文詩

五十六

卷八下

擘彼橫昏參思州若禁闥湛湛沅江水層巒塊兮軋
臯蘭夾徑生連蜷巖桂發吟鞭倚落日襟抱漱蕭瑟
苗徭亦人羣豈曰非親暱文翁理西蜀常公化甌粵
由來盤錯地翻然著英傑

馳驅京洛中坐令素衣緇涼風吹輕裾慨然動秋思
登臨足惆悵况迺念別離願爲南飛鴻千里隨旌旗
澤雉憐飲啄駘駒感鞿羈巖廊正需才引領卧轍時

啟

賀思州新任許刑尊啟

許公諱虬

明鄭逢元

恭惟台臺一代偉人百年名世洗六朝之鉛華色
澤飲三吳之蘊藉風流才思汪洋誠如太湖之水
丰神秀拔恍矣洞庭之山姑胥梧桐浣花鷓鴣昔
應接於酒壇詩社龍標楊柳夜郎杜宇今歌嘯於
政簡刑清不但農夫牧豎快雨潤而耕落花亦使
逸客幽人樂月明而清夜夢豈北當路之福星行
作寰中之人瑞元肥遯山林一副冷烟同老衲膏

思州府志

藝文

啟

五十七

卷八下

育泉石半灣流水共漁郎真爲天地間廢人猶賴
老公祖餘蔭儀成不腆等之竹馬歡迎語愧無文
同乎柳枝歌頌

壽日復陳府尊

陳公諱龍巖

恭惟台臺德企於至道擅其腹作事以聖賢為師
存心而鬼神司質醴泉甘露常徵四鏡之和萱草
慈雲大萃一門之福共羨公堂愛日咸瞻瑤島長
春如治元者近月以來彭豎為災瘦骨嶙峋非沈
約之躑躅詩癖危情掩映豈壺子之杜德機年逾六

袞不能與大人先生作緣枕伏三旬何至爲造化
小兒所苦忽傳台命得捧瑤函重以隆情錫之鼎
貺銀律長揮筆非秋而垂露金葩初放物與桂而
俱馨在台臺雲錦爲裁激以死灰之氣而治民瓊
瑤乏報聊陳敝箒之詞過此以往倘遇青牛道士
俾馬齒以稍延自茲以還必仰白鹿仙人效鳧趨
而聽講

荅護府蔣公簡

田榕

昨拜手書知我公以代庖之暫創修千秋不朽之

思州府志 藝文 啟

五十八

卷八下

郡志并悉處此苦地不吝捐貲刻竣如此盛舉真
所謂大賢為政即多聞也額手稱頌曷有其極承
示金星硯詩前既以為長庚之所隕而以螢火龍
鱗二句形容之後又收到太白之所留迹而以淚
竹碧無襯托之奇思巧合法老意密自有金星硯
便應 有此一詩何以從前作此詩者說硯說星
總無是處直待今日而金星硯始見真面目耶愚
意置之坡公集中亦屈得意之作非阿所好也社
倉二詩尤見念切民瘼極似次山春陵香山秦詠

此有關那治之言官惜乎蠻方固陋無有好事者深
鐫大刻於適中倉之前耳肅此謝教謹復不宣

思州府志 藝文 啟

五十九

卷八下

書

請辭鄉飲上郡伯王公書 本朝鄒繼聖

竊惟古人之設鄉飲也尊高年敬有德在上務得其人在下務慊於心昨奉 憲檄行學開列正賓繼聖姓名首玷其中洵為高厚殊恩詎宜暴棄自外生成惟度之於義有不容已而返之於心實難自安者 繼聖命不猶人動多遭阨偽朝出貢雖云或迫乎時亂世辱身誰言得辭其咎緇塵易以涅素已屬 昭代之棄人名器難於妄膺敢踐明堂之賓位况鄉闈為

思州府志 藝文 書

六

卷八下

朝廷取士之典凡偽舉偽貢概行黜罷今鄉飲實國家養老之恩豈賤子賤名所當濫廁冷行赫赫內省皇皇再思酒醴之有加務期齒德之無忝 繼聖齒未登於六十過已集於萬千孝友兩端庭幃多愧文行二字鄉里無聞猥荷華袞之過褒碍難曳裾以從命仰祈下諒微衷另行選舉上光鉅典如不蒙垂聽而俯允將必至遠遁而潛形泥首叩辭束躬待罪

復上郡伯蔣公辭鄉飲書

鄒繼聖

繼聖

蒙前任府宗師王公兩舉兩辭以慙以懼今

復奉府宗師再舉鄉飲仍議

繼聖

為正賓情深意

美誼是千秋但

繼聖

年愈進而德愈虧今日所處

之境較諸昔年更大不同其情有可矜而義有堪
憫者敢畧陳之繼聖親母冷氏青年矢志皓首全
貞康熙二十五年紳衿耆庶公舉孝節前任陸宗
師通詳督撫賜給匾額旌表門閭載在黔志不意
行年八十遽爾棄世繼聖從前偽貢姑且勿論目

思州府志

藝文書

卷八下

今現丁母艱服制未闋記曰鄉飲酒之禮所以明
養老也教民孝也繼聖當此三年通喪之時冒居
一府大賓之位忘哀赴飲於心奚忍變凶從吉於
理何安揆諸古先王教孝之思與

本朝孝治之意恐未能昭合而允協也敢乞弘推錫
類之仁俯賜批行儒學另舉正賓俾有齒尊德尊
之人庶幾堪承其光寵而斬衰齊衰之子可以少
逭於愆尤啣恩有永佩德無窮矣繼聖不勝哀籲
待命之至

古者輜軒之使必採其列國之風謠以上陳於天子蓋觀其詩而民之貞淫與地之美惡因以見焉何則聲音之發本乎人心凡著之於文者皆心之聲也而詩其一端耳夫文章大業與世污隆故西京弘博啟漢代之昌明江左灑靡終陳國之喪亂國運所關非一都一邑能為之轉移也第國運之盛衰見乎文章而文章之盛衰得乎地氣彼通郡大邑必坐名便碩彥綜覽古今出其典則之章鉅麗之筆上以鼓吹廊廟下

以焜耀鄉國地靈則人自傑豈不信哉黔之始雞占瓦小以木刻要納焉耳烏知所謂五音六義也者自有明以來文教漸開傑風丕振近時著作之家更不乏人此非地氣之靈而國運之盛歟雖然文章之作非苟焉而已也昭明之序士衡之賦詳哉其言之矣若夫漢魏之後而詩有三唐遷固之後而文有韓柳諸大家因流溯源總不出乎六經三百篇者近是乃時代屢降風尚逾卑失其簡朴之致習為冗弱之詞如江

河目下而莫知所底後之作者必先考其人世
定其體格審其意之輕重辨其論之邪正而且
氣之欲其嚴局之欲其化思之欲其齒言之欲
其縈以求合乎古人之範圍斯善矣余嘗欲以
是語思人士而未之暇也因就其所存詩文而
蒐輯之殘篇斷什得之若拱壁焉詩不必其唐
也言情而已文不必其選也述事而已夫亦存
其自然之心聲以俟採擇云耳今

天子崇儒右文潤色鴻業海內蒸蒸嚮風思之人士

思州府志 藝文

六十三

卷八下

將有以詩文自見者茲編其嗃矢也夫 陸志畧

按陸志藝文惟取舊通志所載寥寥數篇井人
已稿所謂無米之炊巧婦固難也今陸公去任
三紀其間殘編斷簡散軼失傳者先後不乏其
人因廣為蒐輯即平清耆舊名彥之作有關思
郡皆得採人亦已無體不具無美不收興章興
革觸目瞭然於好古之士不無小補云蔣深識

吏目張承佑

